


ԱՌԱՔԵԼ ՍՅՈՒՆԵՅԻ



ՉԱՐԸ ՏԱՆՉԱՆՔԻ
ԵՆԹԱԿԱ Է

Ս. ԷՋՄԻԱԾԻՆ -1996


Հոգեւոր Գրադարան



ԱՌԱՔԵԼ ՍՅՈՒՆԵՑԻ

Ամենայն չար տանջելի

Գրիչ՝ Ներսես արեղայ
Ստացող՝ Թովմայ Մեծոփեցի



Հայ Առաքելական Սուրբ Եկեղեցու Քրիստոնեական
Դաստիարակության և Քարոզչության Կենտրոն

Մեծոփայ վանք, Մատնավանից վանք
1440 թ

ԱՌԱՔԵԼ ՍՅՈՒՆԵՑԻ

ՀՐԱՄԱՆԱԲ

S. S. ԳԱՐԵԳՆԻ Բ

ՎԵՀԱՓԱՌ ԵՒ ՍՐԲԱՋՆԱԳՈՅՆ

ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ

ԱՄԲՈՂՁ ՉԱՐԸ
ՏԱՆՁԱՆՔԻ ԵՆԹԱԿԱ Է

Բ ՏՊԱԳՐՈՒԹՅՈՒՆ

ՄԱՅՐ ԱԹՈՌ ՍՈՒՐԲ ԷՋՄԻԱԾԻՆ
1999

Ն Ա Խ Ա Բ Ա Բ Ա Ն

Եւ ծանօցիք զճշմարտութիւնն, եւ ճշմարտութիւնն ազատեցտ զձեզ (Յովհ. Ը.32):

Այս ծավալով համեմատաբար փոքր գրքում արծածված են մարդկությանը սերնդից սերունդ հուզող և իրենց հետաքրքրությունը երբեք չկորցնող մի շարք հարցեր, որոնք են՝ բարու հավիտենականությունն ու չարի ծագումը, նրանց հարաբերությունը մարդկային բնության ու մարդկային բնության ու կամքի հետ, ինչպես նաև չարի պատժելիությունը և այլն: Այսօր հոգևոր զարթոնքի պայմաներում նման բարդ խնդիրների լուսաբանումն ու իմաստավորումը, հոգևոր ճանաչողության դիրքերից, առավել քան երբևէ արդիական է: Բանն այն է, որ շատերն են՝ թե՛ նորադարձներից և թե՛ աշխարհը իմաստասիրաբար ճանաչել ցանկացողներից հաճախ միևնույն հարցը տալիս. «եթե Աստված բարի է, ապա չարն ինչպե՞ս ծագեց: Ինչո՞ւ Աստված չարին չի ոչնչացնում: Ինչո՞ւ մեր կյանքում այսքան թշվառություն կա»:

Անշուշտ Աստվածաշունչն այս հարցերին հստակ ու սպառիչ պատասխան է տալիս: Եվ որպեսզի այդ պատասխանը յուրաքանչյուրիս սրտին ու մտքին հասնի, Եկեղեցու հայրերն ու վարդապետներն այն շարադրել են և ներկայացրել բոլոր նրանց

համար, ովքեր հավատում են Ավետարանի խոսքերին: Այսօր էլ այդ երկասիրությունները ոչ միայն չեն կորցրել իրենց ճանաչողական ու վարդապետական արժեքը, այլև, շնորհիվ իրենց ամբողջականության ու ճշմարտության, դեպի իրենց են ձգում ու դեռ պիտի ձգեն ընթերցողների միտքը:

Այդպիսի մի երկ է «Ամենայն չար տանջելի»-ն, որը երկար ճանապարհ է անցել, մինչև որ հասել է մեզ: Այն սկզբում Դավիթ Անհաղթի «Սահմանումների գրքի» մի փոքրիկ մասն է կազմել՝ գրված առաջին հայացքից ոչ այնքան հասկանալի իմաստասիրական բանաձևերով:

Նշենք, որ վերջին շրջանի որոշ գիտնականներ կարծիք են հայտնել, թե այս երկը ոչ թե Դավիթ Անհաղթի, այլ Գրիգոր Նյուսացու գրչին է պատկանում: Եվ սա Անհաղթի հետ կապված միակ վիճելի կետը չէ: Որոշ գիտնականներ կասկածի տակ են առել մինչև իսկ նրա հայ և քրիստոնյա լինելը:

Այնուհետև միջին դարերում կարիք է եղել մեկնաբանել այս երկրից որոշ արտահայտություններ, որ իր ժամանակին կատարել է Ներսես Շնորհալին: Որոշ ժամանակ անց, սակայն, զգացվել է ավելի հանգամանալից մեկնաբանությունների կարիքը, որը և ստանձնել է Առաքել Սյունեցին:

Չնայած Առաքել Սյունեցու «Ամենայն չար տանջելի»-ն ամբողջական և կուռ կառույց ունի, սակայն ակնհայտ է այն փաստը, որ նրա մեկնությունների հիմքում ընկած է Ներսես Շնորհալու համանուն գործը: Սյունեցին մեծավ մասամբ պահպանել է Շնորհալու մտքերը և անգամ նույնությամբ մեջբերումներ արել, իսկ որոշ հարցերի էլ ինքնուրույն լուծումներ տվել, խորացնելով ու ամբողջացնելով գործը:

Սակայն Սյունեցին սույն երկասիրության մեջ ընդգրկվարծ չեն Շնորհալու որոշ խորհրդածություններ, որոնք, անկասկած, շատ հետաքրքիր են: Այդ պատճառով որոշեցինք դրանք ևս

ներկայացնել ընթերցողին՝ գետեղելով այն Սյունեցու համապատասխան մեկնություններին զուգահեռ, խոսքի վերջում հեղինակի անունը նշելով:

«Ամենայն չար տանջելի» -ն ժէ և ժԸ դարերում բավականին հայտնի է եղել: Այդ մասին են վկայում մեզ հասած այդ շրջանում ընդօրինակված մոտ 60 ձեռագրեր, որոնցից 50-ը Սյունեցու, իսկ 10-ը Շնորհալու հեղինակությունը են:

Քանի որ մեր նպատակը զուտ քարոզչական է, և ի սկզբանէ բանասիրական հետազոտություն կատարելու խնդիր չենք ունեցել, ուստի բաց ենք թողել քննական բնագիր կազմելու հարցը, սակայն գրքի վերջում տալիս ենք Առաքել Սյունեցու «Ամենայն չար տանջելի» -ի համեմատական բնագիրը № 1849, 1110, 1689, և 1762 ձեռագրերի: Մնացած ձեռագրերն ուղղակի հպանցիկ են դիտվել:

Մեր օրերում այս գործին ձեռնամուխ եղավ Առաքել արեղա Քարամյանը՝ կառուցելով վերջինիս վրա իր վարդապետական թեզը:



Ն ա խ ե ր գ ա ն ք

Դավիթ Անհաղթի Սահմանումների գրքի մասին

Դավիթ Մեծը և Եզնիկ կողբացին գնացին Աթենք և լսեցին ու տեսան վարդապետների վարքը և զայրացած մեղադրեցին նրանց: Իսկ սրանք, զայրացած, հայերին կարճոգի և չարաճճի ասացին, նաև հակառոդ ու փորձող և խորհուրդ անելով արգելեցին այլևս որևէ հայի Աթենքում ուսանել, քան միայն իմանալ առավել քան այլ ազգեր: Եվ այս պատճառով հայերին անարգ էին նկատում:

Եվ հույների մեջ շատ էր հակառակությունը՝ հանձնես պիրհոնացիների ու արքեսացիների, որոնք ընդդիմություն էին կոչվում, այսինքն՝ հակառակվողներ: Սրանք սովորություն ունեին Սուրբ գրքից շատ խոսքեր հեզմելու: Ինչպես օրինակ, Տերունական խոսքը. «**Երանի սգավորներին ...**»: Ասում էին. «Եթե աղքատներն ու սգավորները երանելի են, ապա ուրեմն փարթամները և ուրախները եղկելի՞ են»:

Նույնպես Եսայի մարգարեի խոսքերն էին նրանց զարմացնում, ինչպես, օրինակ՝ «**Բոլոր մարդիկ սուտ են ...**»: Ասում էին՝ «Չէ՞ որ ինքն էլ մարդ է»:

Նմանապես և իմաստությանն ասում էին անգո և անէական, պատահական ու անսահման:

Դավիթն աս գիրքը գրեց ցույց՝ տալու համար, թե ինչպիսի կարողություն ունեն հայերը՝ ասելով. «Դուք ինչո՞ւ ես սա անտեսում և հայերիս ամբաստանում»:

Ոմանք ասում էին, թե տեղում գրեց և հետը բերեց, ոմանք էլ, թե գրեց և մեզ ուղարկեց, ինչպես Ստեփանոսը՝ իր տոնական թղթերը:

Սրանով հանդերձ իմաստունի առաջիկա խոսքը՝ քաղված «Սահմանումների գրքից»:

**Դավիթ Իմաստասերի խոսքի մեկնությունը՝
ասված Ներսես Յայոց Կաթողիկոսի կողմից,
Ստեփանոս Իմաստասերի խնդրանքով**

Յավատով և սիրով հոգևորը փնտրողներին պետք է հոժարությամբ տալ՝ ըստ Տիրոջ հրամանի. **«Տուր նրան, ով քեզնից խնդրում է»** (Մատթ. Ե 42)՝ չնայելով անձի աղքատությանը, այլ նայելով խնդրողի կամքի ջերմությանը, որովհետև արդար է հրաման Տվողը՝ Նա, Ով յուրաքանչյուրից պահանջում է իր կարողության չափով՝ մեծահարուստներից շատ, իսկ աղքատներից՝ քիչ: Ըստ որում և մենք, ըստ մեզ Տվողի խոսքի, տալիս ենք խնդրո առարկա մեկնությունը, որը չնայած քիչ է քանակով, սակայն բավական է որակով: Ձորության իմաստն ամբողջովին բացահայտելու նպատակով չձեռնարկեցին սրանում պարունակվածի մեկնությունը, այլ միայն այնքանով, որքանով մեր տկարությունը մեզ թույլ կտա, որն արդյունք է անձիս անցած ճանապարհներում պատահածներին և աշխարհի ծփալից հոգսերի տակ խամրած մտքերին:

Իսկ կատարյալ տեսությունը թողնում ենք այլոց՝ իմաստությամբ և կատարելությամբ ավելի հզորներին, մանավանդ որ այն պատշաճի տեղին և ժամանակին: Իսկ մեր կողմից դնում ենք պարզ և համառոտ խոսքերով մի մեկնություն՝ փոքրերով մեծամեծները կշռելով:

Նախ պարզենք, թե ի՞նչ պատճառով իմաստասերի կողմից բարու և չարի մասին այսպիսի խոսքեր ասվեցին: Երկրորդ՝ թե ի՞նչ է բարին, և ի՞նչ է չարը, և որտեղից է նրանց սկիզբը:

Եվ սրանք են պատճառ եղել իմաստասերի համար գրելու սույն [երկը], որն այս խոսքերով ամբողջացել է:

Յին ժամանակներում Պիրիոն անունով ոմն իմաստակ, նաև նրանք, ովքեր հետագայում նրան հետևեցին, ասացին, թե աստվածային իմաստություն գոյություն չունի, որպես պարզև մարդկանց՝

վերևից իջաց:

Եվ ոմանք էլ՝ «Չարն անեղ՝ է» ասացին և գրեցին նաև որպես բնություն ունեցող կամ բնությունից [գոյացած]: Ոմանք էլ՝ չարը, ինչպես և բարին, մարդկանց սրտերում Աստուծուց ազդված ասացին:

Ահա այս պատճառները հարկադրեցին ճշմարտախոսի իմաստասերին, որը հայկազյան ծագում ունի և հայոց աշխարհից է, և ուսուցանել է հելլենական իմաստասիրությունը, այսպես գրել ընդդեմ այս խնդրի, որպեսզի մարդիկ չմոլորվեն այս դժնդակ խաբեությամբ և չկարծեն, թե չարը անեղ է, կամ Աստուծուց է եղել: Արդ, այս իմանալով ասենք՝ ի՞նչ է բարին և ի՞նչ է չարը, և որտեղից են [ծագում], և ո՞րն է սրանցից առաջինը: Եվ երբ իմանանք այս ամենը, դյուրությամբ կքննենք մեր առջև դրված խնդիրը:



¹ Անեղ չեղ արմատից է, որը նշանակում է ժամանակի մեջ եղած՝ եղական կամ գոյացած, գոյություն ստացած, արարած: Ան նախածանցը թխտում է գոյություն ստանալու հանդամանքը և դիտարկում է որպես ինքնագու, ինքնեղ, ինչը հատուկ է միայն Աստուծուն:

ԱՌԱՔԵԼ ՍՅՈՒՆ ԵՑԻ

ԱՄԲՈՂՁ ՉԱՐԸ ՏԱՆՉԱՆՔԻ ԵՆԹԱԿԱ Է

Նորին [սրբազնություն] Տեր Առաքել Սյունյաց եպիսկոպոսի պի այն խոսքի տեսությունը, որ ասում է. «Ամբողջ չարը տանջանքի ենթակա է»:

Հարց. Ո՞րն է այս խոսքի իմաստը՝ «Ամբողջ չարը տանջանքի ենթակա է»: Պատասխանելու համար անհրաժեշտ է երեսուներեք հարց քննել:

Նախ՝ ի՞նչը հարկադրեց փրկիտփային գրել այս:

Երկրորդ՝ ի՞նչ է բարին, կամ ի՞նչ է չարը:

Երրորդ՝ որտեղից են սկիզբ առնում բարին և չարը:

Չորրորդ՝ ինչո՞ւ Աստված թույլ տվեց, որ չարը լինի:

Հինգերորդ՝ ի՞նչ է նշանակում հետևյալ արտահայտությունը՝ «Ամբողջ չարը տանջանքի ենթակա է»:

Վեցերորդ՝ ի՞նչ է նշանակում հետևյալ արտահայտությունը՝

«Ոչ մի տանջված անապական չէ»:

Յոթերորդ՝ ի՞նչ է նշանակում հետևյալ արտահայտությունը՝

«Անեղն ապականելի չէ»:

Ութերորդ՝ ինչո՞ւ է ասում՝ «Չարն ապականելի է»:

Իններորդ՝ ինչո՞ւ է ասում՝ «Չարն անեղ չէ»:

Տասներորդ՝ ինչո՞ւ է ասում՝ «Ոչ ոք բնությամբ չար չէ»:

Տասնմեկերորդ՝ ինչո՞ւ է ասում՝ «Չարագործություն է ոչ ոքի գոյությունը չձեռնարկելը»:

Տասներկուերորդ՝ ինչո՞ւ է ասում՝ «Միմյանց դիմակայող բոլոր չարերը միմյանց ապականիչ են»:

Տասներեքերորդ՝ ինչո՞ւ է ասում՝ «Անեղ ոչինչ փոփոխելի չէ»:

Տասնչորսերորդ՝ ինչո՞ւ է ասում՝ «Բարին անեղ չէ»:

Տասնհինգերորդ՝ ինչո՞ւ է ասում՝ «Անեղը որևէ մեկի ապականությունը ցանկացող չէ, ոչ էլ ապականող է»:

Տասնվեցերորդ՝ ինչո՞ւ է ասում՝ «Չարն ապականություն ցանկացող է»:

Տասնյոթերորդ՝ ինչո՞ւ է ասում՝ «Չարն անեղ չէ»:

Տասնութերորդ՝ ինչո՞ւ է ասում՝ «Իսկ Աստվածաշունչը տանջանքների է մատնում չարերին»:

Տասնիններորդ՝ ինչո՞ւ է ասում՝ «Տանջանքների ամեն մատնված այլայլելի է»:

Քսաներորդ՝ ինչո՞ւ է ասում՝ «Անեղ ոչ ոք չի այլայլվում»:

Քսանմեկերորդ՝ ինչո՞ւ է ասում՝ «Չարից ոչինչ անեղ չէ»:

Քսաներկուերորդ՝ ինչո՞ւ է ասում՝ «Ովքեր բոլորովին ընդդիմանում են, ընդհանուր ոչինչ չունեն»:

Քսաներեքերորդ՝ «Ինչպես ամեն հարկավորություն մեջ, ինչ որ մեկի մեջ գոյացել է, մյուսի մեջ չի գոյանում»:

Քսանչորսերորդ՝ «Անեղ լինելով՝ բարությունը գոյացյալ է»:

Քսանհինգերորդ՝ ի՞նչ է նշանակում հետևյալ արտահայտությունը. «Եթե չար են, ապա սրանից ոչինչ չի գոյանա՝ բացի չարությունից»:

Քսանվեցերորդ՝ որ ասում է. «Ամեն ոք, ով իրավացիորեն փափագում է, հարմար ձևով ունենում է իր փափագածը, եթե հաճույքով է բաղձում»:

Քսանյոթերորդ՝ որ ասում է. «Եթե ապականում է, ապա ինքն էլ է ապականվում»:

Քսանութերորդ՝ որ ասում է. «Ապականվածն էլ անեղ չէ»:

Քսանիններորդ՝ որ ասում է. «Եթե չարությունն անեղ լիներ, ապա ըստ բնության առավել չարը կգոյանար»:

Երեսուներորդ՝ որ ասում է. «Բնությունը ոչ ոք չի մեղանչում»:

Երեսուներեքերորդ՝ որ ասում է. «Չարը մեղանչում է»:

Երեսուներկուերորդ՝ որ ասում է. «Ով չի մեղանչում, բամբասանքի ենթակա չէ»:

Երեսուներեքերորդ՝ որ ասում է. «Սատանան բամբասանքի ենթակա է»:

1

Նախ ասենք, թե ի՞նչը մղեց իմաստունին այս ամենի, այ սինքն՝ երեք պատճառների մասին գրելու:

Նախ՝ գրեց ընդդեմ Պիրհոնացիներին², որոնք ասացին, թե իմաստությունը, որ վերևից իջած աստվածային պարզև է, գոյություն չունի:

Երկրորդ՝ ընդդեմ նրանց, ովքեր ասացին, թե չարն անեղություն է և բնությամբ ունեցված [մասնիկ], այսինքն՝ ընդդեմ Մանիքոսի³, որն ասաց, թե աշխարհը երկու սկիզբ ունի՝ մեկը՝

² Պիրհոն (նաև Պիհոն) Վիկտորիական փիլիսոփայության ներկայացուցիչ է: Ապրել է Ք. ա. 360-270 թթ.: Մասնակցել է դեպի Ասիա Ալեքսանդր Մակեդոնացու արշավանքներին: Գրավոր աշխատանքներ չի թողել: Նրա ուսմունքը շարադրել է Թիմոն Փիլասացին (Ք. ա. 320-230 թթ.): Պիրհոնը բացատրում է ամեն մի դիստոլոգիան՝ հիմք ընդունելով այն հանգամանքը, որ զգայարանների միջոցով իրերը մեզ չեն ներկայանում այնպես, ինչպես իրականում գոյություն ունեն: Քանի որ ըմբռնումը հարաբերական է, ուստի գոյություն չունեն ո՛չ վատը, ո՛չ լավը, ո՛չ արդարացին, ո՛չ անարդարացին: Ոչ մի բանի մասին չպետք է վստահորեն արտահայտվել, այլ պետք է հրաժարվել դատողություն անելուց, որովհետև ո՛չ զգայությունը, ո՛չ բանականությունը ճշմարտությունը մեզ չեն հայտնում (Ա. Առաքելյան, Հունական գրականության պատմություն, Երևան, 1968 էջ 530-531):

³ Մանիքենիզմը մի կրոնական շարժում է՝ հերետիկոսություն, որն ընդգրկում է զանազան գաղափարներ՝ վերցված քրիստոնեությունից, զբաղաչտից ու բուդդիզմից: Այն ծագել է երրորդ դարում, Պարսկաստանում: Անվանումը ծագել է շարժման հիմնադրի՝ Մանիի անունից, որը ծնվել է Ք. հ. 216 - ին, Հյուսիսային Բաբելոնում: Մանիքենիզմը դուալիստական կրոնական շարժում է, քարոզում է բազմաստվածություն, երկու անստեղծ բնություն՝ բարու և չարի: Հորդորում է պաշտել արեգակը՝ ասելով, որ այն Քրիստոսի մարմինն է, իսկ լուսինը՝ արյունը: Քրիստոսին մարմնով ծնված չի ընդունում, այլ թվացյալ է ասում և արհամարհում օրենքներն ու մարդարեությունները: Մկրտությունն ընդունում է միայն յուզով, իսկ հաղորդությունը՝ միայն հացով: Մահացածի փոխարեն նրա մերձավորին է մկրտում՝ այն մտայնությամբ, որ դա հանդուցյալին կփոխանցվի: Ամուսնությունը պիղծ է համարում: Արգելում է կենդանական ծագում ունեցող կերակուրներ

բարի ու անեղ, որ է՝ Աստված, և մյուսը՝ չար ու անեղ, որպես թե մեկ այլ չար աստված:

Նաև ասում է, որ Բարի Աստված է արարել, այն ինչ որ բարի կա, այսինքն՝ երկինքը, լույսը, կյանքը և աշխարհի բոլոր բարությունները: Իսկ չար աստվածն արարել է բոլոր չարիքները՝ մահը, հիվանդությունը, չարչարանքը, ինչպես նաև դժոխքն ու ապականությունը: Նաև հին օրենքն է չար աստվածը տվել, ինչպես, օրինակ՝ «Աչքի դիմաց՝ աչք, ատամի դիմաց՝ ատամ, ... և արյան դիմաց՝ արյուն» (Ելք ԻԱ 24): Իսկ Քրիստոս Բարի Աստծու որդին է, որն այս բնությունը բարի արեց: Եվ ասում էր նաև, թե չարը բնությամբ է չար, ում մեջ էլ որ չարը բնավորված լինի:

Երրորդ՝ նրանց դեմ գրեց, ովքեր ասացին, թե Աստված մեկ է, բայց և՛ չարը, և՛ բարին նրանից եղան: Այսպիսով, ոմանք չարին անեղություն վերագրեցին, իսկ ոմանք էլ՝ չարն անեղ Աստծուց է, ասացին:

Եվ այս պատճառով հարկադրվեց այս ամենը գրել, որպեսզի մարդիկ չմոլորվեն աստանայի այս դժնդակ խաբեություններով, թե չարն անեղ Աստծուց է:

ուտելը և գինի խմելը: Ձի ընդունում հարությունը: Իրեն «մխիթարիչ» է անվանում և «եկեղեցու գլուխ»: Տոնացույցում իր տոնն է հաստատել, որը նրա հետևորդները նշում էին մարտ ամսվա մեջ: Ճգնափորական կյանքի ջատագով է: Ճանապարհորդել է Արևելքի երկրներում: 278 թ. պարսից թագավորի հրամանով նրան մորթագերծ են արել և մորթը հարդով լցնելով կախել քաղաքի դուռն պարսպից: Եվ սրա պատճառն այն է եղել, որ չի կարողացել աղոթքով բուժել թագավորի հիվանդ որդուն, այլ, ընդհակառակը, ձեռքը հիվանդի վրա դնելուն պես՝ վերջինս վախճանվել է:

Երկրորդ Հարց. Աստծու բարութեան և անեղութեան մասին:

Բոլոր այս հոգեբանական միայն աստվածային բնութեանն է անեղ, անսկիզբ և բոլոր այս եղջայները⁴ պատճառը: Եվ չի կարող երկու սկիզբ լինել: Ինչպես կարկինը մի կետից սկսելով է շրջան գծում, այնպես էլ ամեն թվի սկիզբը միակից է: Այսպես էլ ամեն ինչ առաջացել է մի էակից և ոչ թե՛ երկու: Հետևաբար՝ մեկն է բոլոր սկզբնավորների անսկիզբը: Անեղ և անսկիզբ միայն Նա է, այսինքն՝ Աստված, որ բարի⁵ է և բնութեամբ է բարի, այսինքն՝ կատարյալ ու անփոփոխ բարի է, և ամենքի Բարերարը՝ ըստ Հետևյալ խոսքի. «Բարի է՛ ոչ ոք, այլ միայն՝ Աստված» (Մարկ. Ժ 18): Իսկ թե չարն ի՞նչ է, այսինքն՝ ինչո՞ւ է ասում՝ մեկը բանական կենդանիներից, որ նախ բարի ստեղծվեց, և իր ցեղակիցների Հետ լույս և Արուսյակ անվանվեց (Հմմտ. Ես. ԺԴ 12):

Աստված աղբյուր է բարութեան, քանի որ աղբյուրի նման Հեղեղեց բարին՝ արարելով բարի արարածներ, բանականներին տիրական բնութեան տալով, իսկ անբաններին՝ ծառայական, սակայն բոլորին էլ բարի ստեղծեց, որոնց մեջ չարի նշույլ չկա (Ներսես Շնորհալի):

⁴ Եղական - Այն բոլոր երևացող և աներևույթ բնութեաններն են, որոնք չկային և Աստծու հրամանով եղան, ստեղծվեցին (Ն. Շնորհալի, Թուղթ ընդ-Հանրական):

⁵ Առաջին բարուն՝ Աստծուն չկա ոչինչ Հակառակ, քանի որ Նրա հոգեբանն անեղ է, միակն է և չունի ներհակ իրեն: Ներհակութեանը եղականներին է Հասուկ (Եվազր Պոնտացի, Ընդդեմ արտաքին բանաստեղծների):

Երրորդ Հարց. Ո՞րն է նրա չարութեան պատճառը: Պատասխան. Նրա չարութեան պատճառները երեքն են: Նախ՝ կիրարկեց անձնիշխանութունը⁶:

Երկրորդ՝ ապստամբեց Աստծու դեմ:

Երրորդ՝ Համակվեց Հպարտութեան⁷ ախտով և Աստծուն Հակառակ կոչվեց, երկնքից ընկավ և չարութեանը սիրեց: Եվ Աստծուց Հեռանալով՝ վեց կերպով ընդդիմացավ Նրան:

Այսինքն՝ Աստծու բարութեանը Հակառակ՝ չարացավ:

Լույսին Հակառակ՝ խավարեց:

Իմաստութեանը Հակառակ՝ Հիմարացավ:

Ճշմարտութեանը Հակառակ՝ սուտ եղավ:

Կյանքին Հակառակ՝ մահ եղավ:

Արարչութեանը Հակառակ՝ ապականիչ եղավ և բազում այլ այսպիսի Հակառակութեանների վերածվեց:

Եղավ չարիքներ հնարող և երկրածին բանականներիս չարութեան Հայրը դարձավ:

Այսքանը բարու և չարի վերաբերյալ, և այն մասին, թե ո՞վ է անեղն ու անսկիզբը և բնութեամբ բարին, այսինքն՝ Աստված, և թե ի՞նչ է չարը, այսինքն՝ սատանան, որ Հետո չարացավ:

Անձնիշխանութունը կիրարկելով ապստամբեց Աստծու դեմ:

⁶ Անձնիշխանութունը բանականության Հետ մտավ, քանի որ հնարավոր է չէ լինել բանական՝ առանց անձնիշխանութեան: Սա լինում է երկու տեսակի՝ տեսական և գործնական: Տեսական՝ երբ ամեն ինչ քննում է: Իսկ գործնական, խոհեցողական՝ երբ նախ խորհում է գործի մասին, գտնում ճիշտը և ապա կատարում: Նաև նախ խորհում է, ապա խոսում: Եվ ով խորհում է, նա է գործի տերը, այսինքն՝ անձնիշխանը: Հաճախ մեղադրում են Աստծուն, թե ինչո՞ւ մարդուն այնպես չստեղծեց, որ միայն բարին գործեր՝ չիմանալով, որ մարդը բանական է, և ով բանական է՝ ընդունակ է բարու և չարի, և ինչ կամենում է, այն է անում: Կամ պետք էր անձնիշխան չլինել և Հարկադրված միայն մեկը գործել:

⁷ Հպարտութեան Գրք անձը միայն իրենից է Հաճութեան ստանում:

Հպարտութեան արտոյն Համակվեց և սատանա կոչվեց, որ նշանակում է՝ Հակառակորդ, քանի որ Արարչին Հակառակվեց և փայլակի նման երկնքից ընկավ, բարուց հեռանալով՝ սիրեց չարութեանը և եղավ չար ու չար անվանվեց, այն, որ մինչ այդ բարի էր: Եվ առաջինը եղավ գտնող չարի, և չարի հայրը դարձավ: Իսկ գտած չարութեանը երկրածին բանականներին սրտերում սերմանեց, որն Արարիչը թույլատրեց, ըստ իր անքնին դատաստանի: Ախորժեց, որ չարութեան սպասարկութեան լինի և պատերազմեց մարդկանց դեմ:

Այս աշխարհի յոթ դարերի համար ժամանակ և օր է հաստատված, որպեսզի տանջվի չարն իր չարութեան ու մարդկային ցեղը չարացնելու համար, որի տանջանքի կերպը միայն ամբողջ բնութեան Արարիչը գիտե: Ինչպես Տերն ասաց, թե անչեջ հրով [պիտի տանջվի սատանան], որը պատրաստված է նրա համար, իսկ ուրիշներն էլ ասացին՝ սառնամանիքով, որպես այլ աննյութական և նորագույն տանջանք:

Եվ ինչպես որ ամենքի սկիզբը, պատճառը և ճշմարիտ բարու ուսուցիչն Աստված է, այդպես էլ սատանան է ամբողջ չարի սկիզբը, պատճառը և ուսուցիչը: Եվ ճշմարիտ բարին ոչ այլ ինչ է, եթե ոչ՝ միայն Բարի Աստծու կամքը կատարելը: Իսկ Աստծու կամքն այն է, ինչ սովորեցնում են Նրա պատվիրանները: Նույնպես և չարութեանը ոչ այլ ինչ է, եթե ոչ չար սատանայի կամքը կատարելը. և սատանայի կամքը հավատքով ու վարքով դուրս է Աստծու կամքից: Եվ ինչպես Աստված բնութեամբ կատարյալ ու ծայրագույն բարի է, նույնպես և սատանան իր կամքով կատարյալ ու ծայրագույն չար է:

Իսկ մարդիկ, ովքեր բարու կողմնակից են, Աստծու նման կատարյալ բարի չեն (քանզի Նա անխառն է չարից), այլ մասամբ են բարի, մասնավոր առավելություն և պակասություն ունեն իրենց մերձավորների նկատմամբ: Նույնպես՝ ովքեր հարում են չարին, մասամբ են ընդունակ չարութեան, առավել կամ նվազ, քան իրենց ընկերը, և սատանայի նման ամբողջապես անխառն չեն բարուց: Եվ այս նկատի ունի իմաստունը, երբ խոսում է բարու և չարի մասին (Ներսես Շնորհալի):

Չորրորդ Հարց. *Ինչո՞ւ Աստված թույլ տվեց, որ սատանան լինի: Այս կապակցությամբ չորս հարցեր կան:*

Նախ՝ եթե Աստված գիտեր, որ սատանան չար է լինելու, ինչո՞ւ նրան ստեղծեց:

Երկրորդ՝ ինչո՞ւ չկանխեց սատանայի անձնիշխան կամքը, քանի որ նրա չարութեան պատճառը դա եղավ:

Երրորդ՝ ինչո՞ւ նրան անգո չդարձրեց, այլ թույլ տվեց նրան այս ամենն անել:

Չորրորդ՝ ինչո՞ւ հետո չխափանեց նրա անձնիշխան կամքը, որպեսզի չկարողանար չար լինել:

Նախ այն մասին, թե ինչո՞ւ ստեղծեց նրան, որը չարիքների սկիզբ էր լինելու: Աստված ոչ միայն բարի է, այլև գիտուն: Ու թեպետ գիտեր, որ նա չար է լինելու, այդուհանդերձ Աստծու իմացությունը չարգելեց բարութեանը նրան ստեղծել, որովհետև Աստված բոլոր արարածներին իր բարութեամբ արարեց, որպեսզի վայելեն իր բարիքները:

Եվ դարձյալ, քանզի երկուսն էլ Աստծու բարիքներն են՝ և՛ բարութեանը, և՛ գիտությունը, ապա դրանք չհակառակվեցին միմյանց, որովհետև բարիքները ներհակ⁸ չեն միմյանց, այլ օգնական: Այդ իսկ պատճառով Աստծու գիտությունը չհակառակվեց

⁸ Ներհակ -Հակադիր: Հակադրությունը չորս տեսակ է լինում. ա) առնչություն, բ) ներհակություն, գ) որպես ունակություն և պակասություն, դ) հաստատություն և ժխտում: ա) Առնչություն օրինակ են՝ Հայրն ու որդին, տերն ու ծառան: Այստեղ մեկի բացակայությունը ժխտում է մյուսի գոյությունը, քանի որ եթե չլինի Հայրը, չի լինի և որդին, ու եթե չլինի որդին, կբացառվի և Հայրությունը: բ) Ներհակները միմյանց վերացնում են: Ներհակության օրինակ են բարին ու չարը: Այս դեպքում մեկի բացակայությամբ չի ժխտվում մյուսի գոյությունը: գ) Ունակության և պակասության օրինակ են գիտությունը և սգիտությունը: դ) Հաստատության և ժխտման օրինակ են՝ լինելը և չլինելը, նստելը և չնստելը:

Աստծու բարութեանը՝ արգելելու համար նրա ստեղծումը: Ահա թե ինչու Աստծու բարի գիտութիւնը թույլ տվեց Աստծու բարի կամքին բարութիւն անել:

Եվ դարձյալ՝ Աստծու գիտութեանը հայտնի էր, որ Աստծու բարութիւնը ամենքին ըստ բնութեան⁹ բարի է ստեղծել: Իսկ եթե որևէ մեկը իր բնութեանից դուրս, իր կամքով հոժարում է չարին, ապա անբամբասելի է բարի բնութիւնը Ստեղծողը: Քանի որ բնութիւնը կամքի նկատմամբ առաջնային է, հետևաբար անհրաժեշտ է, որ կամքը հնազանդվի բնութեանը, և հարկ չկա, որպեսզի բնութիւնը հնազանդվի կամքին: Իսկ եթե մեկն իր անձի դեմ գործում է այս մեծ հակառակութիւնը, այսինքն՝ բնութիւնը ծառայեցնում է կամքին, ապա նման դեպքում անմեղաբերելի է Աստված, որ նրան բարի բնութիւն է տվել, որի համար Աստծու գիտութիւնը արգելք չի եղել Աստծու բարութեանը, այլ թույլ է տվել ստեղծել նրան և նրա նմաններին՝ մարդկանց մեջ եղող չարերին:

Երկրորդ՝ իսկ ինչո՞ւ է խափանեց նրա անձնիշխան կամքը, որը և նրա կորստյան պատճառը դարձավ, քանի որ եթե ազատ կամք չուներ, չէր կորչի:

Նախ՝ Աստված իր ամբողջ բարութիւնն իր ստեղծածներից չխնայեց, այլ տվեց նրանց բարութիւն և ազատութիւն, այսինքն՝ ստեղծեց բարի բնութիւն և տվեց անձնիշխան ազատ կամք: Աստված հակառակ չէ բարուն, որ իր ստեղծածներին զրկեր այս երկու բարիքներից, ուստի բարի բնութիւն և անձնիշխան կամք տվեց նրան:

⁹ Աստվածային բնութիւն Վենդանի, անսկիզբ, անմարմին, անտես, անսահմանելի, բանական, մտավոր, անայլայլելի, անփոփոխելի, անմեղ, անմահ:

Հրեշտակների բնութիւն Վենդանի, սկզբնավոր, անմարմին, սահմանելի, բանական, մտավոր, այլայլելի, փոփոխելի, դժվարամեղ, անմահ:

Մարդկային բնութիւն Վենդանի, սկզբնավոր, տեսանելի, սահմանելի, բանական, մտավոր, այլայլելի, փոփոխելի, դժուարամեղ, մահկանացու:

Անասունների բնութիւն Վենդանի, սկզբնավոր, մարմնական, սահմանելի, անբան, անմիտ, այլայլելի, փոփոխելի, անմեղ, մահկանացու, ապականացու:

Դարձյալ՝ բնութիւնը բարի ստեղծեց, որովհետև բնութիւնն է նրան բարի լինել տվորեցնում: Իսկ անձնիշխան կամք տվեց, որպեսզի իր անձնիշխան կամքով հնազանդվի Բարի Ստեղծողին և իր Պարզեատուին և առավել վարձատրվի: Որովհետև ով կամու՞վին չի ծառայում, չի էլ վարձատրվում: Դրա համար նրան բարի բնութիւն և անձնիշխան կամք տվեց:

Երրորդ՝ այնուհետև ինչո՞ւ է խափանեց նրա անձնիշխան կամքը, որպեսզի չկարողանար չար լինել:

Որովհետև Աստված իր արարածներին տված բարիքները ետ խլել չի կամենում: Իսկ եթե առաջին իսկ առիթով ետ էր խլելու, ապա ինչո՞ւ էր տալիս: Մի՞թե չգիտեր, որ այդպես էր լինելու: Սրանից առաջ ասված պատճառներով է, որ այս ամենը տվեց, և այս մյուս պատճառներով է, որ նրանից անձնիշխան կամքը չխլեց, որովհետև եթե այս բոլոր բարիքներն ու ազատութիւնները չար եղան նրա համար, ապա եթե բարի և ազատ չլիներ, ինչպիսի՞ չարիքներ չէ՞ր կրի նա: Դրա մասին Տերն ասում է. «Եթե քո մեջ եղած լույսը խավար է, ապա խավարը՝ որչափ ևս ալեկի» (Մատթ. 23):

Չորրորդ՝ սատանայի գործած այս բոլոր չարիքներից հետո ինչո՞ւ նրան անգո չդարձրեց:

Որովհետև Աստված հացուցիչ է և ոչ թե ապականիչ, և անգոյութիւնից բերում է գոյութեան և ոչ թե՛ գոյութեանից անգոյութեան դարձնում: Որովհետև Արարող է և ոչ թե քանդող: Դրա համար է, որ այն, ինչ իր բնութեան, բարի բնութեան և բարի կամքի գործն է, այն է Աստված անում և ոչ թե հակառակը:

Հինգերորդ՝ ինչո՞ւ Աստված թույլ տվեց նրան փորձել մարդկանց, այսինքն՝ ինչո՞ւ է սատանան պատճառ լինում ընտրյալների ընտիր լինելուն:

Որովհետև եթե չմարտնչեր նախավկայի հետ, ապա Երկինքը բացված և Որդուն Հոր աջ կողմում նստած չէր տեսնի: Եվ եթե մեր Լուսավորչի հետ չմարտնչեր, ապա նա աշխարհի լուսավորիչ չէր լինի, կամ Աստվածութեան էջմիածին իջնելը չէր տեսնի:

Եվ եթե Ադամի Հետ չմարտնչեր, ապա Աստված մարդկային մարմնով մեր բնությունից չէր ծնվի՝ Աստվածային փառքի վերածված: Դրա մասին մարդարեն ասում է. «Մի՛ սպանիր նրանց, որպեսզի չմոռանան քո ժողովրդին, այլ ցրի՛ր և ընկճի՛ր նրանց քո զորությամբ» (Սաղմ. ԾԼ 12): Այս խոսքերը մեկ այլ խորությամբ Աստվածային խորին դատաստանն են հայտնում, որ հաստատեց մի օր, երբ տանջելու է նրան և նրա հետևորդներին՝ անանցական տանջանքներով: Դրա համար աղաչում էին նրան. «Ժամանակից առաջ մի՛ տանջիր մեզ» (Տե՛ս Մատթ. Ը 29): Եվ տանջվելու է նա իր բոլոր կամակատարներով հանդերձ: Դրա համար է ասում. «Ամբողջ չարը տանջանքի ենթակա է»:

5

Հինգերորդ հարց. Ի՞նչ է նշանակում՝ «Ամբողջ չարը տանջանքի ենթակա է»:

Պատասխան. Աստված է միայն բնությամբ բարի, ըստ այն խոսքի, թե՛ «Բարի ոչ ոք չկա, այլ միայն Աստված» (Մարկ. Ժ 18): Իսկ բանական սեռին պատկանող Նրա արարածները բարին այլ կերպ ունեն: Միայն Աստված է կատարյալ և ամբողջական բարի, իսկ ստեղծվածներս՝ մասնական բարի:

Երկրորդ՝ որովհետև Աստված բարին բնությամբ ունի, իսկ ստեղծվածներս՝ ոչ թե բնությամբ, այլ ստացմամբ ունենք բարին: Որովհետև բնությամբ բարին նա է, ով անեղապես ունի բարին և ոչ թե որևիցե մեկից ստացած, իսկ մենք՝ ոչ թե բնությամբ մեզնից, այլ Աստծուց ստացմամբ: Սիրաքն ասում է. «Դու, որ ամեն ինչ ստացել ես, ինչո՞ւ ես պարծենում իբրև չստացող» (Ա կոր. Դ 7): Իսկ այն ամենը, ինչ ստացված է, բնությունից չէ, այլ Տվողից է ստացված:

Երրորդ՝ որովհետև Աստված բարին անփոփոխ ունի, իսկ մենք՝ կամավորաբար. եթե կամենանք, կպահենք, իսկ եթե ոչ՝ մեկ ուրիշի կփոխվենք: Այդ պատճառով բարին սահմանեց և այն մեր

կամքին թողեց, որպեսզի բարին կամենալով՝ վարձատրվենք: Դրա համար նա, ով կամավորությամբ բարուն միախառնվի, կպակվի և կհաղորդվի հական բարու Հետ, իսկ նա, ով իր կամքով չարին հետևի, նրա Հետ Աստծուց տանջանքներ կստանա: Դրա համար էլ ասում է. «Ամբողջ չարը տանջանքի ենթակա է»:

Այն մարդիկ, ովքեր չարությունը կսիրեն և հավատով ու գործով չար կլինեն, կամ երկուսն էլ միաժամանակ, այստեղ հոգով կտանջվեն. նրանց իրենց խղճմտանքը կտանջի, երբ մեղքին ծառայեն, իսկ այնտեղ՝ գեհենի կրակներում՝ հոգով և մարմնով սատանայի Հետ: Նույնպես և այստեղ սատանայի տանջանքներն են՝ փառքից ընկնելը և բարու փոխարեն չար լինելը, իսկ այնտեղ, ըստ Գրքի՝ անձի տանջանքը հավիտենական ազդմամբ կընդունի (Ներսես Շնորհալի):

6

Վեցերորդ հարց. Ի՞նչ է նշանակում՝ «Ոչ մի տանջված անապական չէ»:

Պատասխան. Որովհետև տանջանքն այլայլում է բնությունը և ապականում:

Նա, ով բնությամբ անապական է, այսինքն՝ նա, ով անապական է մնում չարից, ո՛չ տանջվում է, ո՛չ այլայլվում և ո՛չ էլ ապականվում: Դարձյալ՝ ոչ ոք չի տանջվում և անապական մնում: Այսինքն՝ չի կարող, տանջվելով հանդերձ, անապական մնալ:

Գոյացականի ապականության պատճառը տանջանքն է: Եվ ինչպես հույսը չի տանջվում, քանի որ անապական է բնությամբ, նույնպես և նրանք, ովքեր տանջվում են, ապականացու են (Ներսես Շնորհալի):

Յոթերորդ Հարց. Ի՞նչ է նշանակում՝ «Անեղ ոչ ոք չապականվեց»:

Պատասխան. Այսինքն՝ անկարելի է, որ անեղական բնությունը փոփոխություն կրի, այլապես և կամ ապականվի: Որովհետև անկարելի է, որ բնությամբ բարին՝ Աստված, առավել բարության համար փոփոխություն ընդունի դեպի հակառակ կողմը, որ չարությունն է, և չարն իր մեջ ընդունի: Հետևաբար, նա չի կարող տանջվել: Եվ որովհետև չի տանջվում, չի էլ ապականվում: Իսկ եթե չի ապականվում, ապա ուրեմն եղական չէ: Դարձյալ՝ ոչ ոք աստանայի համար չի ասում՝ ապականելի անեղ, որովհետև նա, ով կրում է ապականություն փոփոխումը, սույնով հայտնում է, որ փոփոխական բնություն է: Որովհետև ով որ անհնությունից եղավ, այնպես էլ կարող է մեկ ուրիշի փոխվել: Ապա ուրեմն՝ ով այլապես է ու ապականվում, անեղ չէ: Որովհետև եթե անեղ լիներ, չէր այլապես ու ապականվի: Հետևաբար աստանան, որ այլապես է ու ապականվում, անեղ չէ:

Ութերորդ Հարց. Ի՞նչ ո՞ւ է ասում՝ «Չարն ապականացու է»:

Պատասխան. Պետք է այսպես ասել. «Չարն ապականացու է», և չի կարելի ասել՝ «Չարն ապականվեց»: Որովհետև չարը բնությամբ չէ, նաև գոյացական չէ, քանի որ Արարչից չի ստեղծվել, այլ ապականացու է: Այսինքն՝ չարը ստեղծված բարու ապականության պատճառն է և խառնվում է նրա հետ, ինչպես առողջությունը հիվանդությունն է խառնվում:

Մահը և հիվանդությունը մահկանացուների առանձնակի հոգիներն են, և սրանք չէին ներգործի իրենց գորություններ, եթե հոգիներն ամատավոր չլինեին, իսկ բնությունը՝ մահկանացու: Այսպես էլ չարությունը եթե չգտներ բանական հոգի և անձնիշխան կամք, հոգիներն չէր ունենա: Եվ ինչպես որ անատվեր լույսի մեջ խավար չկա, նույնպես և չարությունն ամենուրեք չի հավի հոգիները, որը բնությամբ է այդպիսին և միշտ բարի է, որն Աստված է (Ներսես Շնորհալի):

Իններորդ Հարց. Ի՞նչ ո՞ւ է ասում՝ «Չարն անեղ չէ»:

Պատասխան. Նախ անեղ չէ, որովհետև բնությամբ չէ: Երկրորդ՝ անեղ չէ, որովհետև չունի նմանությունն Աստվածային բարու, որն անեղ է:

Երրորդ՝ անեղ չէ, որովհետև նախ բարի էր, հետո հեղաշրջվեց ու չար դարձավ:

Չորրորդ՝ որովհետև նախ անհնությունից եղական եղավ և բարի լինելուց չար դարձավ: Նաև այլապես է չարչարանքներում: Եվ դարձյալ չարչարանքների պատճառով ապականություն է կրում: Հետևաբար ինչպես կարող է անեղ լինել մեկը, որի անձի մեջ այս բոլոր եղելությունները կատարվեցին: Դրա համար էլ ասվում է. «Չարն անեղ չէ»:

Դարձյալ՝ չարն անեղ չէ, որովհետև առանց գործելու չար չի գոյանում: Այլ նախ՝ մտքով հղանում է, երկրորդ՝ կամքով հաճում է, երրորդ՝ սրտով հոժարում է, չորրորդ՝ մարմնով գործում է, և հինգերորդ՝ գործողին այլապես է: Եվ այս ամենը չարի հետ է տեղի ունեցել: Ինչպես կարող է անեղ լինել, մինչ բազմապատիկ եղական է: Եվ ոչ թե մեկ, այլ զանազան տեղերում եղելություն է ստացել: Իսկ նա, ով այսքան կերպերով եղական է եղել, չի կարող անեղ լինել, այլ անհնություն է և առանց գոյություն է մնում, այն, որ չկա, ու չի էլ երևում տեղը նրա:

Տասներորդ Հարց. Ի՞նչ ո՞ւ է ասում՝ «Ոչ ոք բնությամբ չար չէ»:

Պատասխան. Որովհետև ամեն ինչ բնությամբ Աստծու կողմից է արարվել, և ըստ վկայություն՝ Աստծուց ստեղծվածները բարի են. «Աստված տեսավ, որ այն ամենը, ինչ ստեղծել էր, շատ բարի է» (Ծննդ. Ա 31): Ապա ուրեմն ոչ ոք բնությամբ չար չէ: Դարձյալ բնությունն առաջնային է կամքի հանդեպ, իսկ

կամքը երկրորդն է: Եվ կամքն է Հնազանդվում բնությանը և ոչ թե բնությունը՝ կամքին: Եվ այն ամենը, ինչ կամքին է Հնազանդվում, բնությունից չէ, այլ եկամուտ¹⁰ է: Արդ, բնությունը բարի է ստեղծվել, և կամքը երկրորդն է բնությունից հետո, իսկ չարը, որը եկամուտ է՝ բնության նկատմամբ երրորդն է և հաջորդում է կամքին: Եվ տե՛ս, որ միջնորդով հեռու է չարը բնությունից, որովհետև կամքը երկուսի մեջտեղում է: Ապա ուրեմն ոչ ոք ըստ բնության չար չէ: Նրա համար է չարագործը պատժվում, որ իր կամքով թողել է իր հարակից բարի ստեղծված բնությանը ու հետևել օտար, եկամուտ չարին:

Հարց. Կամքն է բնության հետևողը և ոչ թե բնությունը՝ կամքին: Հայտնի է, որ քաղցը, ծարավն ու քունը բնական կրքերն են, և կամքը չի կարող խափանել, այլ հետևում է նրանց: Արդ եթե բնությունը հարկադրում է կամքին և իրեն Հնազանդեցնում, ապա ինչպե՞ս կարող է կամքը հետևել եկամուտ չարին, որը բնությունն է, այլ պատահում¹¹:

Պատասխան. Կամքը ընկած է երկու բնությունների միջև: Մի բնությունն այն է, որ Աստված է ստեղծել, այսինքն՝ բարի բնությունը, իսկ երկրորդն այն բնությունն է, որ կամքն է ծնել իր հավանած գործերի միջոցով: Այս մասին իմաստասերն ասում է. «Երկարատև կրթությամբ մակստացական¹² բնություն է գոյանում, իսկ կամքն այն բնությունն է սիրում, որից դաստիարակ-

¹⁰ Եկամուտ -Ներմուծված, օտար, այլասեռ:

¹¹ Պատահում -Որ գալիս է և գնում՝ առանց ենթակային ապահանելու: Պատահումն էական չէ որևէ առարկայի համար, օրինակ՝ այնպես, ինչպես Չերմությունը կրակի համար, այլ այնպես է, ինչպես պիտակը մարմնի վրա, որը ձեռք է բերվել:

¹² Մակստացական -Ձեռքբերովի, հավելվածով ստացված բնություն, որն Աստուկողմից չի սրված: Մակ «վրա, վրան» (հունարեն ΕΠΙ -նախդրից), առաջացել է հետակեդարյան շրջանում, հունաբան հեղինակների՝ հունարենից կատարված թարգմանությունների միջոցով և ներմուծվել հայերենի մեջ, որպես իմաստասիրական եզր:

վել է երկար ժամանակ և որին սովորել է»։ Եվ ինչպես ամեն մի ծնող սիրում է իրենից ծնվածին, այնպես էլ կամքը, թող նեղով իրեն ծնող բարի բնությունը, սիրում է իրենից ծնված մակստացական բնությունը և, օտարանալով առաջին բնությունից, սիրով կապվում երկրորդ բնության հետ:

Դարձյալ չարի մյուս բնությունը ևս՝ չար սովորությունները, բռնությամբ ներգործում է կամքի վրա: Եվ այս վերջին երկու բնությունները գերում են կամքն առաջին բնությունից, ինչպես որ գերողներն են գերում գավակին իր ծնողներից, և այս երկուսից պարտվելով, այլևս չի կարողանում հետևել առաջինին: Այդ մասին է ասում Պողոսը. «Իմ մարմնի անդամների մեջ տեսնում եմ այլ օրենք, որ պայքարում է իմ մտքի օրենքին հակառակ և ինձ գերի դարձրել մեղքի օրենքին» (Տե՛ս Հռոմ. է 23):

Իսկ կամքը, թեպետև ջանում է հետևել բարի բնությանը, սակայն չի կարողանում, որովհետև կրթված է չարի կողմից, որի մասին Պողոսն ասում է. «Ոչ թե անում եմ բարին, որ կամենում եմ, այլ ինչից որ փախչում եմ՝ չարից, այն եմ անում» (Հռոմ. է 19):

Իսկ նա, ով ապավինում է Սուրբ Հոգու շնորհներին և հոփարություններով ջանում հակառակ մնալ չարին, հաղթում է իրեն գերողներին: Այդ մասին Պողոսն ասում է. «Ես ինքս իմ մտքով ծառայում եմ Աստծու օրենքին, իսկ մարմնով՝ մեղքի օրենքին: ...Կյանք սովոր Հոգու օրենքն ինձ փրկեց մեղքի և մահվան օրենքից» (Հռոմ. է 25, Ը 2): Հայտնի է, որ շատ պոռնիկներ, մաքրասովորներ ու ավագակներ ետ դարձան մեղքերից, որովհետև բոլոր նրանք, ովքեր ջանում են հակառակ մնալ չարին, չարը փախչում է նրանցից: Այդ մասին է ասում Հակոբոսը. «Չարախոսին հակառակ կացե՛ք, և նա կփախչի ձեզանից» (Տե՛ս Հակ. Դ 7): Կամքից ծնված մակստացական բնությունը՝ այդ չար գավակը, ջանք ու հնարներ է բանեցնում՝ նրան կործանելու համար: Դրա համար մարգարեն ասում է. «Երանի՛ նրան, ով կբռնի քո մանուկներին ու կխալի քարին» (Սաղմ. ձԼԶ 9): Այսպիսով [կամքը] մեծ ջանքերի գնով ջանում է ազատվել իրեն գերողներից:

Հարց. Եթե ոչ ոք բնությամբ չար չէ, ՝ասում է, ՝ապա ինչ՝ պե՞ս է, որ Հոգու մասերը, որոնք մեր մեջ բնությամբ են, այսինքն՝ խոսքը, ցասումը, ցանկանալը և սրանց բոլոր կողմերը չար են, և մեր միջի ամեն չարը նրանց միջոցով է լինում: Ապա ինչո՞ւ է ասում. «Ոչ ոք բնությամբ չար չէ», եթե սրանք բարի բնությամբ են մեր մեջ:

Պատասխան. Նախ որովհետև Հոգին եռամասնյա է և ոչ թե իննամասնյա: Որովհետև Հոգու այն վեց կողմերը՝ վերևի և ներքևի, աջի ու ձախի, ետևի և առջևի, եկամուտ են և բնությունից դուրս այս ու այն կողմից շրջապատել են նրան: Եվ տե՛ս, որ դրանք մեր բնությունից չեն, որովհետև խոհեմության վերին ծայրը խորամանկությունն է, որն անզգամություն է և դա սատանայինն է, իսկ ներքինը տգիտությունն է, որ անբաններինն է: Սույնպես և ցամառն վերին ծայրում հանդգնությունն է, ինչը հատուկ է գազաններին, իսկ ներքին ծայրում երկչոտությունն է, որը հատուկ է չնչին անասուններին:

Իսկ ցանկականի վերին ծայրը ժլատությունն է, որն ազա՝ Հոգությունն է, և սա հատուկ է մկանը, որը շատ է կուտակում: Իսկ ներքին ծայրը շռայլությունն է, որն անառակ վարքն է, ինչը տարածված ենք տեսնում շների և պիղծ կենդանիների մեջ: Եվ հայտնի է, որ սրանք բնական չեն մարդու համար, այլ եկա՝ մուտ և օտար:

Դարձյալ՝ որովհետև կամքը ծառայում է բնությանը և ոչ թե բնությունը՝ կամքին: Օրինակ՝ հայտնի է, որ բարկության բոցը հանգչում է երկուցից, իսկ ցանկության բոցը՝ ամոթից: Եվ տե՛ս, որ բարկությունը և ցանկությունն անբաններին են հատուկ և ոչ թե մեր բնությանը, որովհետև եթե բնությունից լիներ մեր միջի ցանկության մեղքը, ապա սրբերը չէին կարող հաղթել բնությանը և մաքուր լինել, կամ հաղթել բարկությանը և հեզ լինել: Այլ այն ավելորդը, ինչը որ ճգնավորները և սրբերը թողեցին, մեր բնությունից չէր, այլ կամքի հետևանք, և՛ եկամուտ: Եթե ցանկությունը բնությամբ լիներ, ապա կուտակությամբ ապ-

րելն անհնարին կլիներ: Այսպիսով բոլոր մյուս կրքերը եկամուտ են, հետևաբար և՛ ավելորդ:

Դարձյալ՝ որովհետև կամեցան ու հաղթեցին կրքերին: Տե՛ս, որ կամքի հնազանդություն դեմ չապստամբեցին, այլ ծառայում են անձնիշխան կամքին: Հայտնի է, որ կամքը ծառայում է բնությանը, իսկ նրանք ծառայում են կամքին: Հետևաբար բնությամբ չեն մեր մեջ չար ախտերը, ինչը և ցույց տրվեց:

Դարձյալ՝ եթե չարը մարդու մեջ բնությամբ լիներ, ապա Աստված չէր տանջի մեղավորին: Այլ որովհետև բնությունն անմեղ է, նա աստվածալի բնությանը հակառակ է գործում, դրա համար էլ՝ Աստուծոց պատժվում է: Այսբանն այս մասին:

11

Տասնմեկերորդ Հարց. Ինչո՞ւ է ասում՝ «Չարագործություն է ոչ ոքի գոյություն չձեռնարկելը»:

Պատասխան. Չարը ո՛չ բնություն է և ո՛չ էլ գոյացություն¹³, այլ գործունեություն, այսինքն՝ ներմուծում բնության մեջ, ինչպես անոթի մեջ մտցված մի իր, որն անոթի բնությունից չէ: Այսպես և չարությունը. թեպետ մտնում է որևիցե մեկի մեջ բնակվելու, սակայն նրա բնությունից չէ: Եվ սա հայտնի է նրանից, որ վերջինս երբ կամենում է, արտաքսում է: Դրա համար էլ ասում է. «Ոչ մի գործունեություն գոյացություն չէ»:

Մեր լինելության սկզբում չարը մեզ հետ չի գոյացել, այլ հետո է սպրդել չար խաբեություն և մեր անձնիշխան կամքով մտել մեր բնության մեջ, որի համար էլ նա առանձին գոյացություն չէ, այլ մանելով գոյացյալ բնության մեջ, գոյացնում է իր ներգործությունը և անմիտներին կարծել տալիս, թե ինքն առանձին գոյություն ունի (Ներսես Շնորհալի):

¹³ Գոյացություն է բնություն ունեցողը (Գրիգոր Տաթևացի, Գիրք Հարցմանց):

Տասներկուերորդ Հարց. **Ինչո՞ւ է ասում՝ «Բողոր ընդդիմակաց- ները միմյանց ապականիչ են»:**

Պատասխան. Այսինքն, **ինչպես հիվանդությունը և առողջու- թյունը, մահը և կյանքը, չարը և բարին, ապականությունը և անապականությունը, լույսը և խավարը, ջերմությունը և ցուր- տը, խոնավությունը և չորությունը և այլն: Արդ՝ մեկը գալիս՝ Հարկադրում է մյուսին դուրս ելնել, լուծվել ապականությանը: Եթե բարին է մտնում, չարին է դուրս անում, իսկ եթե չարն է մտնում, բարուն է դուրս անում: Դրա մասին Տերն ասում է. «**Չեք կարող երկու տիրոջ ծառայել**» (Տե՛ս Մատթ. 24) և այլն:**

Ջերմությունը և ցուրտը, խոնավությունը և չորությունը միմյանց հակառակ լինելով՝ մեկ մեկու ապականում են, որի Հա- մար և ավելացնում է. «Հակառակ են, ուրեմն անապական չեն» (Ներսես Շնորհալի):

Տասներեքերորդ Հարց. **Ինչո՞ւ է ասում՝ «Անեղ ոչինչ փոփո- խելի չէ»:**

Պատասխան. Աստուծոց բացի, հույսը ունենալի մեջ չկա մեկ այլ բնություն, որ անեղ լինի: Եվ քանի որ անեղ է, հետևաբար և անփոփոխելի է, որովհետև այնպես չէ, ինչպես արարածների ստեղծված բնությունը, որ, անհույսությանից փոփոխվելով, եկավ լինելություն: Այլ Նա՛ անեղ բնություն է, դրա Համար էլ Նրա բնությանը Հատուկ չէ փոփոխական լինելը, այլ ինչպիսին որ էր՝ նույնպիսին և կա, որի Համար Պողոսն ասում է. «**Հիսուս Քրիստոս նույնն է երեկ, այսօր և Հավիտյան**» (Եբբ. ԺԳ 8): Որովհետև նույն անեղական բնությունը մարդ եղավ ու մնաց Աստված բնությունը, քանի որ **«Բանը մարմին եղավ»** (Հովհ. Ա 14):

Տասնչորսերորդ Հարց. **Ինչո՞ւ է ասում՝ «Բարին անեղ չէ»:**

Պատասխան. Նախ չարի Համար ասաց, որ չարն անեղ չէ, նաև անապական չէ, առավել ևս՝ առանձին բնություն չէ, ոչ էլ Աստուծո արարած, այլ մեր ազատ կամքն է հացնել այն մեր մեջ, կամ ան- գոյություն փոխել: Այժմ էլ բարու Համար է ասում, որ անեղ չէ:

[Հարց]. Իսկ ինչո՞ւ բարին անեղ չէ: Ահա Աստված, որ բա- րի է, նաև անեղ է, իսկ եթե անեղ է, նաև անփոփոխելի բարի է:

Պատասխան. Այս խոսքն աստվածային բարու Համար չի ասում, որը բնություն է և անփոփոխելի, այլ այն բարու Համար է ասում, որ եղական բնության վրա է ներգործում, որը գործու- նեություն է ու փոփոխական, և որի Համար ասաց՝ պարտվում է չարից: **Ինչպես մենք ենք եղական ու փոփոխական, նույնպես և մեր բարին է եղական ու փոփոխական:**

Այսպես է նաև չարը, ինչպես վերևում ցույց տրվեց: Եթե մարդը բնությունը բարու կամ չարի մեջ լիներ, ապա այլևս չէր կարողանա փոխվել: Այս պատճառով էլ եղական բարու մասին ասաց. **«Բարին անեղ չէ»:**

Դարձյալ՝ թե բարին անեղ չէ, այլ եղական, այսինքն՝ նախ իմա- նում ենք բարին, որը ծնվում է մեր մտքում, ապա կամքով Հոժա- րում և տենչալով ցանկանում ենք, իսկ այնուհետև՝ խոսքով ասում ու գործով կատարում: Եվ այս բոլոր եղելությունները լինում են մեր մեջ բարու Համար: Դրա մասին ասում է. **«Բարին անեղ չէ»:**

Նույնպես՝ և անդրադարձը. ինչ որ չի լինում այսքան կեր- պերով և չի եզրափակվում գործի ավարտումով, բարի չէ:

Փոփոխական բարու Համար ասվում է, որ չարից պարտվում է, սակայն [դա չի նշանակում], թե չարը գորավոր է, իսկ բարին՝ տկար, այլ երբ բարին ունեցող անձն իր նախահոժար կամքի ընտ- րությունը չարին տեղ է տալիս, այն ժամանակ բարին չարով է փո- խարկնվում, որը և կոչվում է՝ չարից պարտվել (Ներսես Շնորհալի):

15

Տասնհինգերորդ Հարց. Ինչո՞ւ է ասում՝ «Անեղը որևէ մեկի ապականությունը ցանկացող չէ և ոչ ոքի ապականող չէ»:

Պատասխան. Որովհետև ինչ որ անեղ է, նույնն էլ բարի է: Եվ եթե բարի է բնությամբ, հետևապես և անապական է, իսկ անապական բարին ոչ ոքի չի ապականում և որևէ մեկի ապականությունը չի ցանկանում, այլ կամենում է, որ բոլորը իր նման բարի լինեն և ապրեն: Դրա համար Պողոսն ասում է. «Նա կամենում է, որ բոլոր մարդիկ փրկվեն և ճշմարտության իմացությանը հասնեն» (Ա Տիմ. Բ 4):

16

Տասնվեցերորդ Հարց. Ի՞նչ է նշանակում այս խոսքը՝ «Չարն ապականություն ցանկացող է»:

Պատասխան. Այսինքն՝ ինչպես բարին սիրողը և բարի եղողը կամենում է, որ ոչ միայն ինքը, այլև բոլորն իր նման բարի լինեն, ինչպես Պողոսն է ասում՝ «Նմանվեցե՛ք ինձ, ինչպես որ ես՝ Քրիստոսին» (Ա Կոր. ԺԱ 1), սույնպես էլ չարը՝ նախ աստանան և ապա մարդկանց մեջ եղող չարասերները, սկզբում իրենց են ապականել չարությամբ և ցանկանում են, որքանով դա հնարավոր է, չարությունը տարածել նաև այլոց վրա:

17

Տասնյոթերորդ Հարց. Ինչո՞ւ է ասում՝ «Չարն անեղ չէ»:

Պատասխան. Որովհետև չարը եղելությամբ ու գործով է լինում, և որտեղ որ չարը չեն կամենում և չեն գործում՝ այնտեղ չի լինում: Հետևաբար չարը, որ կամենալով և գործելով է լինում, անեղ չէ, այլ գործից գոյացած եղելություն:

Դարձյալ՝ ինչո՞ւ է ասում՝ «Չարն անեղ չէ»: Որովհետև

բնությամբ չէ որևէ մեկի մեջ, այլ եկամուտ է, և դա երևում է նրանից, որ չարը չի կարող որևէ մեկին բռնանալ՝ հակառակ անձի կամքին բարի չլինելու: Նույնպես և բարին որևէ մեկին չի հարկադրում չար չլինել, այլ հոգու նախահոժար կամքը, երկուսի միջև լինելով, դեպի ո՛րը որ շարժվում է, դեպի բարին թե չարը, այն էլ ունենում է: Եվ սրա համար է ասում, որ չարն անեղ չէ այսինքն՝ բնություն չէ, ինքնըստինքյան չէ և ինչ որ մեկի մեջ բնությամբ չէ, այլ եկամուտ է:

18

Տասնութերորդ Հարց. Ինչո՞ւ է ասում՝ «Իսկ Աստվածաշունչը տանջանքների է մատնում ոչ միայն ուրիշ չարերի, այլև հենց իրեն՝ բանասրկուին»:

Պատասխան. Ինչո՞ւ է Աստված տանջանքների մատնում իր արարածներին: Սրա համար բազում պատճառներ կան:

Նախ՝ որովհետև ասաց, որ ոչ ոք ըստ բնության չար չէ, քանի որ բոլորը բնությամբ բարի են ստեղծվել՝ բարի Արարչից: Եվ բնությունը չար չէ, որ հարկադրի մեղանչել: Ահա այս պատճառով է հանցավորը պատժվում:

Նախ՝ որովհետև բնությունը բարի է:

Երկրորդ՝ որովհետև կամքն է բնության ծնունդը և ոչ թե բնությունը՝ կամքի:

Երրորդ՝ որովհետև կամքն է բնությանը հնազանդվում ու ծառայում և ոչ թե բնությունը՝ կամքին:

Չորրորդ՝ որովհետև կամքը բնության անդակիցն է և նրան օտար չէ:

Հինգերորդ՝ որովհետև կամքը նույն անձի բնությունից է և ոչ թե անձից դուրս:

Վեցերորդ՝ որովհետև չարը բնությանն օտար է ու եկամուտ:

Յոթերորդ՝ որովհետև կամքն իրեն ծնող ու անդակից բնությունը թողնում է և օտար չարի հետ սիրով կապվում:

Ութերորդ՝ որովհետև կամքը թողնում է բարին, որ Աստծու կողմից է ստեղծված, ու հետևում է չարին, որ Աստծու կողմից չի ստեղծվել:

Իններորդ՝ որովհետև կամքը թողնում է բարին, որը լույսի նման է կոթյուն է, և ցանկանում է չարը, որը պատահում է, ինչպես խավարը:

Տասներորդ՝ որովհետև թողնում է բարին, որի նախատիպն Աստված է, և չարին է ցանկանում, որի նախատիպը սատանան է:

Տասնեկերորդ՝ որովհետև բարու նախատիպն անեղ է և անփոփոխ, իսկ չարի նախատիպը սատանան է, որը բարուց դեպի չարը փոխվեց, և որին սիրում է:

Տասներկուերորդ՝ որովհետև մեր բնությունն օտար է էական բարուն, քանզի անճառ Բարու պատկերով և նմանությունով է ստեղծվել: Մեր կամքն այն թողնում է և օտարին ու չարին է ցանկանում:

Տասներեքերորդ՝ որովհետև էական Բարին կամակից է մեզ՝ Հաղորդակցելու բարու հետ, այլ ոչ թե Հակառակը: Նա կամենում է, որ մարդիկ ապրեն և ճշմարտություն իմացությունը Հասնեն: Եվ ով նրան թողնում է ու իրեն Հակառակ թշնամուն է հետևում, իրավացիորեն պատժվում է:

Տասնչորսերորդ՝ որովհետև բարին օգնական է մեր բնությունը, իսկ չարը՝ Հակառակ, և ով հետևում է նրան, պատժվում է:

Տասնհինգերորդ՝ որովհետև բարին զանազան պարգևներ է խոստանում մեզ այստեղ և Հանդերձյալում: Իսկ նրանք, ովքեր ատում են բարին, Հիրավի պատժվում են ու զրկվում բարիքներից:

Տասնվեցերորդ՝ որովհետև Աստվածաշունչը չարերին պատիժ է խոստանում այստեղ ու Հանդերձյալում: Եվ ով չի լսում ու չի հեռանում չարից, արդարև պատժվում է և՛ այստեղ, և՛ այնտեղ:

Տասնյոթերորդ՝ որովհետև բարիք գործողները, ովքեր Աստծուց պարգևներ են ստացել, մեզ օրինակ են, ինչպես Ենովթը, Եղիան, Նոյը, Աբրահամը, Մովսեսը և մյուս բոլոր սրբերը,

ովքեր զանազան Հրաշքներ են գործել: Իսկ ով այս ամենը չի ցանկանում, պատժվելու է:

Տասնութերորդ՝ որովհետև չարագործները ևս, որ պատուհասվեցին, մեզ Համար օրինակ են, ինչպես սատանան, Ադամը, Կայենը, նրանք, որ ջրհեղեղով կորան, և սողոմացիները, որ Հրով այրվեցին: Իսկ ով այս ամենը տեսնելով՝ չարից ետ չի դառնում, նրանց պատիժներին է արժանի:

Տասնիններորդ՝ որովհետև Հայտնապես տեսնում են, որ չարի պատճառով են պատուհասներ գալիս՝ տարածամ մահ, սով, երկրաշարժ, սրածուխ, գերություն, մորեխ, թրթուր, գայլ, գազան և այլն, ու չեն ատում չարը, որի Համար էլ Հիրավի պատժվում են:

Քսաներորդ՝ որովհետև Ինքը՝ անեղական Բարին՝ Աստված, այս աշխարհ եկավ ու մեզ նմանվեց, որպեսզի մենք էլ իրեն նմանվենք: Արյունով ու մահով ազատեց մեզ առաջին չարից ու պատժից, դժոխքից ու մահից: Իսկ ով այս ամենն իմանալով շարունակում է չարին հետևել, Հիրավի պատժվում է: Նա պարտական է մնում նաև մեզ Համար խաչված Աստծու անմահ մահվանն ու Նրա՝ մեզ Համար հեղված անպարտ արցանը: Եվ քանի որ կամովին ու հոժարությամբ չարը սիրեցին, որ այսքան օտար է մեր բնությունը, և բարին ստեցին, որն այսքան մոտ ու բնութակից է մեզ, ապա արդարացի կերպով ասում է. «Ամբողջ Աստվածաշունչը պատժի է մատնում չարագործներին»:

Հարց. Ի՞նչ է չարը:

Պատասխան. Նախ՝ չարն անեղ չէ, այլ գործելիս է լինում, ինչպես մեկի հետքը, որ ընթանալիս է գոյանում:

Երկրորդ՝ եղականներիցս դուրս առանձին էություն չէ:

Երրորդ՝ Աստծուց եղածների նման էություն չէ, որովհետև ո՛չ իր է, ո՛չ էլ գոյություն, այլ պատահում, որ գործելով է առաջանում: Չարը նաև բարու պակասությունն է, ինչպես խավարը՝ լույսի: Նաև ապականիչ ու չարչարող է և իրեն կրողին այլայլող:

Հարց. Ի՞նչ է նշանակում՝ «Ամբողջ Աստվածաշունչը տան»

Չանքների է մատնում չարերին»: Որտե՞ղ է Գիրքն ասում, թե չարերը տանջվելու են:

Պատասխան. Հայտնի է բազմաթիվ խոսքերից: Նախ՝ Տերն է ասում. «Չարերին չարաչար կոչնչացնի» (Մատթ. ԻԱ 41):

Երկրորդ՝ ասում է. «Ամեն ծառ, որ բարի պտուղ չի տա, կտրվում և կրակն է գցվում» (Մատթ. Գ 10):

Երրորդ՝ Մկրտիչն ասում է. «Ինչպե՞ս պիտի փախչեք գեհե-նի դատապարտությունից» (Մատթ. ԻԳ 33):

Չորրորդ՝ Եսային ասում է. «Ո՞վ պատմեց ձեզ, թե կրակը բորբոքված է» (Տե՛ս Եսայի ԼԳ 14): Եվ դարձյալ ասում է. «Նրանց որդերը չեն մեռնում, և կրակը չի հանգչում» (Տե՛ս Եսայի ԿԶ 24):

Հինգերորդ՝ Դավիթն ասում է. «Ինչպես մոմն է հալվում կրակի դեմաց, այնպես էլ մեղավորները պիտի կորչեն Աստծու երեսից» (Սաղմ. ԿԷ 3):

Վեցերորդ՝ Տերն ասում է. «Ով գուր տեղը բարկանում է իր եղբոր վրա, ենթակա կլինի գեհեների Հրին» (Տե՛ս Մատթ. Ե 22):

Յոթերորդ՝ ասում է. «Կապեցե՛ք դրա ոտքերն ու ձեռքերը և դո՛ւրս հանեցե՛ք դրան, արտաքին խավարը. այնտեղ կլինի լաց և ատամների կրճատում» (Մատթ. ԻԲ 13):

Ութերորդ՝ Պողոսն ասում է. «Քանզի եթե մեկը կամավոր կերպով է մեղանչում ճշմարտությունն իմանալուց և ընդունելուց հետո, ուրեմն մեղքի քավության համար այլևս ուրիշ գոհ պետք չէ, այլ մնում է դատաստանի ահեղ սպասումը և կրակի կատաղությունը, որ լավելու է Նրա հակառակորդներին» (Տե՛ս Եբր. Ժ 26):

Իններորդ՝ Եսային ասում է. «Համայն երկիրը պիտի դատվի Տիրոջ կրակով և ամեն մի մարմին՝ Նրա սրով» (Եսայի ԿԶ 16):

Տասներորդ՝ ինքը Տերն ասում է. «Գնացե՛ք ինձանից հավիտենական կրակը, որ պատրաստված է սատանայի և իր Հրեշտակների համար» (Տե՛ս Մատթ. ԻԵ 41):

Տասնեկերորդ՝ սատանան ինքն էլ գիտեր, որ տանջվելու է, որի համար ասում էր. «Մեզ տարածամ մի՛ տանջիր» (Տե՛ս Մատթ.

Ը 29): Սրանցից բացի Սուրբ Գրքում տանջանքների վերաբերյալ բազում ուրիշ օրինակներ ևս կան:

Հարց. Սատանան որտեղի՞ց գիտի, որ հավիտյան տանջվելու է: Պատասխան. Նախ՝ իր չարությունն Աստծու արդար իրավունքների հետ համեմատելով է իմանում, որ [Աստված իրեն] չի ներելու: Երկրորդ՝ երբ հակառակվեց Աստծուն, իմացավ իր վնասը և իր արժանի պատիժը ծանրութեթե է անում մտքում:

Երրորդ՝ երբ բարուց փոխվեց չարի, իմացավ, որ չարն իր հետ է և չարչարելու է իրեն:

Չորրորդ՝ ինչպես բարի Աստված փառքի հանգստի մեջ է, այնպես էլ նա հակառակից իմացավ, թե որքան որ Բարին հանգստի մեջ է, նույնքան և չարը, որ հակառակ է բարուն, չարչարվելու է հավիտյան:

Հինգերորդ՝ փորձով տեսավ. ինչպես որ Հիվանդի դրությունը երբ վատթարանում է, իմանում է, որ մահվան է մոտենում: Այդպես էլ ինքն իմացավ, որ նախ բարուց մերկացավ ու երկնքից ընկավ, և ողջ չարությունը պատեց նրան, բովանդակ դառնությունն էլ տրտմության հետ տիրեց նրան: Իմացավ, որ սա իր մեծ կորստյան՝ անանց տանջանքների սկիզբն է:

Վեցերորդ՝ նաև սրատես մտքով է հասկանում իրեն սպառվելիքը:

Յոթերորդ՝ երբ Ադամին խաբեց ու մեր ամբողջ բնությունը չարության մատնեց և Աստծուն դեպի խաչը բերեց, գիտակցեց, որ այդ ամենի համար պատասխան է տալու Աստծու արդար դատաստանի առաջ:

Ութերորդ՝ ամեն օր, Աստծու Հրեշտակների շնորհաբաշխության ժամին, դեևերն իրենք էլ են ձգտում դեպի վեր՝ ասողալից երկինք, որպեսզի Հրեշտակների հետ իրենք ևս ստանան շնորհի լույսը: Եվ ինչպես որ անկումից առաջ էին սովոր ստանալ այդ շնորհներից, այժմ նույնպես ձգտում են դեպի վեր, սակայն լույսի փոխարեն արժանին՝ Աստծու բարկությունն են ստանում: Որովհետև շնորհի լույսը Հրեշտակներն են ստանում, իսկ բոցի տապը

և այրումը՝ դեկորը, որի համար մարգարեն ասում է. «Նրանց վրա թափիր քո զայրույթը» (Սաղմ. ԿԼ 25): Նաև՝ «Դու նրանց վրա կրակի կայծեր թափիր ու կործանիր նրանց, որ տառապանքներից չկարողանան փրկվել» (Սաղմ. ՃԼԹ 11): Ինչպես որ թիթեռն է, անհազ կերպով դեպի բոցն ընթանալով, այրվում ու ընկնում, բայց դարձյալ ցանկությամբ դեպի լույսն է թռչում, այնպես էլ սրանք են. ու այս է սրանց մշտական գործը: Բնությունն է նրանց դրան տանում, որպեսզի ամեն օր պատժվեն:

Դարձյալ՝ Աստծու արդար իրավունքն է շարժում նրանց դեպի այն կողմը, որպեսզի ամեն օր պատժվեն և Աստծու բարկության կայծակներից տուժեն: Եվ ինչպես հրեշտակների վրա ազդումն ուրախացնում է վերջիններիս, նաև գիտություն է տալիս հանդերձյալի վերաբերյալ, այսպես և Աստծու բարկությունն արժանի ազդեցություն է գործում, [ինչպես նաև հայտնում այն մասին], որ հանդերձյալում նրանք հավիտենական տանջանքներ են կրելու:

Տասներորդե՝ նրանք Քրիստոսից պարզորոշ լսեցին Հետևյալը, որ ասաց. «Անիծյալներ, գնացե՛ք ինձնից դեպի հավիտենական կրակը, որ պատրաստված է սատանայի և իր հրեշտակների համար» (Մատթ. ԻԵ 41): Եվ նրանք այս ամենից գիտեն, որ տանջվելու են, դրա համար էլ ասում էին. «Մեզ տարաժամ մի՛ տանջիր» (Տե՛ս Մատթ. Ը 29):

19

Տասնիններորդե հարց. Ինչո՞ւ է ասում՝ «Ասում են՝ բոլոր տանջանքի մատնվածներն այլայլելի են»: Սրանից հետևում է. «Ամեն մի տանջանքի մատնված այլայլելի է»:

Պատասխան. Գիրքը սա է ասում. «Ամեն ոք, ով տանջանքների է մատնվում, այլայլվում է իր բնությունից»: Եվ սրանից հայտնի է, որ չարն անեղ չէ, այլ եղական և փոփոխական, որով՝ հետև տանջվում է և տանջանքների պատճառով՝ այլայլվում:

20

Քսաներորդ հարց. Ինչո՞ւ է ասում՝ «Այլայլելի ոչ ոք անեղ չէ»: Պատասխան. Ով տանջվելով այլայլվում է իր բնությունից, ինչպե՞ս անեղ կլինի: Հայտնի է, որ չարը՝ սատանան, անեղ չէ, որովհետև նա բազում փոփոխություններ է կրել:

Նախ՝ անհեթյունից է հեթյան եկել:

Երկրորդ՝ Աստուծոց բարի է ստեղծվել և հետո է չարի փոխվել:

Երրորդ՝ այժմ չարչարանքների մեջ է իր չար խորհուրդների պատճառով, որի համար Եսային ասում է. «Ամբարիչտների համար խաղաղություն չկա, ասում է Տերը» (Եսայի ՄԷ 20ա): Հայտնի է, որ ամբարիչտները դեկոր են: Դարձյալ՝ «Անօրենները պիտի ծփան ծովի նման և հանդիստ չգտնեն» (Եսայի ՄԷ 20բ): Նրանք են առաջին անօրենները:

Չորրորդ՝ չարչարանքները տանջելու են նրանց:

Հինգերորդ՝ տանջանքներն անչեջ բոցերի մեջ են այլայլելու նրանց: Ինչպե՞ս կարող են անեղ լինել նրանք, ում հետ այս բոլոր փոփոխությունները տեղի են ունենում:

Իսկ որ ասում է՝ «Անեղ ոչ ոք չի այլայլվում», նշանակում է՝ Աստված քանի որ անեղ է, չի այլայլվում:

Նախ՝ որովհետև ոչ մեկից չի եղել, այլ անեղ հեթյուն է:

Երկրորդ՝ անեղ է և չի կարող այլայլվել, այլ իր բնությամբ անփոփոխելի է մնում:

21

Քսանմեկերորդ հարց. Ինչո՞ւ է ասում՝ «Չարերից ոչինչ անեղ չէ»:

Պատասխան. Այս հայտնի է ամեն տեղից, որովհետև եթե որևէ բնություն այլայլվում է, ապա այն անեղություն չունի: Իսկ այժմ բազմապիսի որակներով է հարցը դրվում, թե՛ չարերից ոչինչ անեղ չէ: Այսինքն՝ նախ որ չարն ի՛նքն անեղ չէ:

Երկրորդ՝ բնություն չէ:

Երրորդ՝ բնությունից չէ:

Չորրորդ՝ ինքնին առանձին հություն չէ:

Հինգերորդ՝ չարի բոլոր մասերը գործելով են լինում, որի համար ասում է. «Չարերից ոչինչ անեղ չէ»:

Դարձյալ՝ «Չարերից ոչինչ անեղ չէ», այսինքն՝ չարը շատ եղելություններ պիտի կրի, որոնք գործով են գոյանում, այսինքն՝ ապականություն, մահ, դատապարտություն, ահեղ աստանի ամոթ, հավիտենական տանջանքներ, հրի բոցերի մեջ այլայլվել, զանազան զղջումներ, աչքերի լաց և ատամների կրճտում: Եվ այս բոլոր փոփոխությունները, որոնք գործով են գոյանում, պիտի կրի չարը: Դրա համար էլ ասում է. «Չարերից ոչինչ անեղ չէ»:

Արդ, ով թեկուզ մեկ անգամ չարին իր մեջ տեղ տա, ապա հետագայում չարն այս բոլոր եղելությունները նրա հետ կկատարի: Որովհետև եթե մեկը չարն է ծնում, ապա չարը նրա համար հետո թոռներ կծնի սերնդից սերունդ:

22

Քսաներկուերորդ Հարց. Ինչո՞ւ է ասում՝ «Ովքեր բոլորովին ընդդիմակաց են, ընդհանուր ոչինչ չունեն»:

Պատասխան. Այսինքն՝ կան, որ մասամբ են միմյանց հակառակվում և մասամբ ընդհանրանում, ինչպես, օրինակ՝ տարերքն ու եղանակները: Եվ կան, որ ամեն ինչով միմյանց հակառակ են, ինչպես լույսն ու խավարը, մահն ու կյանքը, չարն ու բարին: Դարձյալ՝ ստեղծվածների բնությունը բարի է ստեղծված բարի Արարչից, իսկ կամքը չար է և հակառակ նրան, այսինքն՝ նույն անձի մեջ բարի բնությունը և չար կամքը միմյանց հակառակ են:

23

Քսաներեքերորդ Հարց. Ի՞նչ է նշանակում՝ «Ով ամենայն հարկավորությամբ մի գոյությունն ունենում է, մեկ ուրիշ գոյու-

թյուն չի ունենա»:

Պատասխան. Այսինքն՝ ոչ մասնավոր, այլ ամենայն հարկավորությամբ, որովհետև եթե գոյացյալ լույս է, ապա չի կարող փոխվել և խավար դառնալ: Սույնպես և խավարը՝ լույս, մահը՝ կյանք, կամ կյանքը՝ մահ, և ոչ էլ չարը՝ բարի, կամ բարին՝ չար: Ինչպես նաև եղականը չի կարող անեղ լինել, անեղը՝ եղական: Իսկ անեղն Աստված թեպետ մարդ եղավ, սակայն նույն հությունն էր մարմինը, և նույն բնությունն էր մարդացածը, որն անեղ Աստվածությունն էր, որովհետև մարդ եղավ և Աստված մնաց, ինչպես և ասում է. «Շոչափեցե՛ք ու տեսե՛ք, որ ես նույնն եմ» (Տե՛ս Ղուկ. ԻԴ 39):

24

Քսանչորսերորդ Հարց. Ի՞նչ է նշանակում՝ «Անեղ լինելով Հանդերձ՝ նաև գոյացյալ բարություն է»: Եվ ինչպե՞ս է, որ բարու համար նախ ասաց, թե անեղ չէ, իսկ այժմ ասում է, թե բարությունն անեղից է գոյացել:

Պատասխան. Ոչ թե միակ և նույն բարու համար է ասում, թե գոյացյալ է ու անեղ: [Այս ասելով ինքն իրեն չի հակասում], այլ բարու համար երկու կերպարանք է ներկայացնում: Այսինքն՝ մեկն անեղական բարին է, որն Աստծու անեղ բնությունն է, մշտագո և անփոփոխելի, իսկ մյուսը՝ եղական բարին, որը եղականների մեջ է գոյանում, որը գործունեությամբ է և փոփոխական, որի համար և ասվում է, թե՛ չարից պարտվում է:

Դարձյալ՝ ասում է. «Անեղ լինելով Հանդերձ՝ գոյացյալ բարություն է»: Այսինքն՝ «անեղանելին լինելություն» է ասում, որովհետև անեղն Աստված մարդացավ:

Հարց. Ո՞րն է զանազանությունը եղական բարու և եղական չարի, որ մեր մեջ է լինում:

Պատասխան. Եղական բարին և եղական չարը միմյանցից զանազանվում են:

Նախ՝ որովհետև բարին Աստված է ստեղծել, ըստ այն խոսքի, թե՛ «Ամեն մի բարի շնորհ և ամեն կատարյալ պարգև վերևից է՝ իջած Լույսի Հորից, որի մեջ չկա փոփոխում կամ էլ փոփոխման սովեր» (Հակ. Ա 17):

Երկրորդ՝ բարին էություն է:

Երրորդ՝ բարին մեր բնության մեջ է:

Չորրորդ՝ բարին օգնական է մեր բնության:

Հինգերորդ՝ բարին մեզ բազում փառքերի է արժանացնում:

Վեցերորդ՝ եղական բարին միջնորդ է լինում մեր ու անեղական բարու միջև և հաղորդում մեզ անեղական բարու բանական բնությունը:

Յոթերորդ՝ եղական բարին անեղ բարուն հոմանուն է¹⁴:

Ութերորդ՝ եղական բարին որպես նյութ է հանդես գալիս, իսկ անեղական բարին՝ այն զարդարող և տեսակավորող, ինչպես սեռն¹⁵ ու տեսակը:

¹⁴ Հոմանուն - Երբ տարբեր իրեր նույն անուն են կրում, տվյալ դեպքում՝ նույն «բարի» բառով երկու տարբեր հասկացություններ են նկարագրվում:

¹⁵ Ընդհանուր և հական հատկանիշներով միավորվող առարկաների՝ երևույթների, հասկացությունների և այլն խումբ՝ կարգ: Սեռն այն է, ինչ ասվում է քանակով մեծ և տեսակով տարբերվող իրերի համար՝ ցույց տալով նրանց էությունը: Սեռ է կոչվում այն, որ շատերի վրա է տարածվում և արտահայտում յուրաքանչյուրի սերման սկիզբը:

Ըստ արիստոտելականների՝ «Գոյությունը բաժանվում է մարմնավորի և անմարմնի, մարմինը՝ շնչավորի և անշնչի, շնչավորը՝ բանականի և անբանի, բանականը՝ մահկանացուի և անմահի, մահկանացուն՝ մարդու և անասունների»: Արդ, բարձրագույն սեռ է կոչվում գոյացությունը, որովհետև նա իրենից վեր գտնվող սեռ չունի: Իսկ առավել չափով տեսակ է կոչվում մարդը, որն իրենից ներքև գտնվող տեսակ չունի, որովհետև նա բաժանման մեջ հանդես է գալիս որպես ամենավերջինը: Իսկ կենդանին և շնչավորը կոչվում են փոխադարձ համաստորագաս սեռեր և փոխադարձ ու համաստորագաս տեսակներ, որովհետև մեջտեղում գտնվելով՝ նրանք կարող են և՛ սեռ լինել, և՛ տեսակ: Տեսակը հանդես է գալիս որպես սեռի ստորադասյալ: Տեսակ ասվում է բազմաթիվ և իրարից թվով տարբերվող իրերին՝ ցույց տալով այդ իրերի էությունը (Դավիթ Անհաղթ, Վերլուծություն Պրովյուրի):

Իններորդ՝ սա ենթակա է լինում, իսկ նա՝ ստորոգվում¹⁶:

Տասներորդ՝ սա ծանոթ է և հյուրընկալ, իսկ նա՝ սրա մոտ եկած, ըստ այս խոսքի. «Եթե մեկը սիրում է ինձ, իմ խոսքը կպահի, և իմ Հայրը նրան կսիրի. և մենք նրա մոտ կգանք ու նրա մոտ կօթևանենք» (Հովհ. ԺԴ 23): Իսկ չարը սրա հակառակն է:

Նախ՝ Աստծուց չի գոյացել:

Երկրորդ՝ էություն չունի:

Երրորդ՝ բնությունից չի լինում, այլ կամքից, որը բնությունից հետո երկրորդն է:

Չորրորդ՝ բնությանը ներհակ է ու ապականող:

Հինգերորդ՝ չարը բազմաթիվ պատահասներ է բերում իրեն կրողին:

Վեցերորդ՝ չարը, միջնորդելով, սատանայի հետ է կապակցում իրեն կրողին և նրան դասակցում:

Յոթերորդ՝ չարը սատանային հոմանուն է:

Ութերորդ՝ չարը սատանայի համար նյութ է լինում, իսկ վերջինս՝ նրա տեսակավորողն ու հացուցիչը:

Իններորդ՝ չարը ենթակա է լինում, իսկ սատանան՝ գործողի նկատմամբ ստորոգված:

Տասներորդ՝ չարն անոթ և հյուրընկալող է լինում, իսկ սատանան՝ նրա բնակիչը, ըստ այս խոսքի՝ «Երբ պիղծ ոգին դուրս է ելնում մարդուց, շրջում է անջրդի տեղերում, հանգիստ է փնտրում. և երբ չի գտնում, ասում է. «Վերադառնամ իմ տունը, որտեղից ելա»: Եվ գալիս է ու գտնում այն՝ մաքրված և կարգի բերված: Այն ժամանակ գնում և վերցնում է իրենից ավելի չար յոթ այլ դևեր և մտնում, բնակվում այնտեղ. և այն մարդու վերջին վիճակը լինում է ավելի վատ, քան նախկինը» (Ղուկ. ԺԱ 24-26):

¹⁶ Ստորոգում - Երբ առարկային հատկանիշ են վերագրում: Ըստ Արիստոտելի, ստորոգությունները (կատեգորիա) տասն են՝ գոյացությունը, որակը, քանակը, առնչությունը, գտնվելու վայրը, ժամանակը, դիրքը, ընդունակությունը, գործողությունը և կրելը:

Հարց. Ի՞նչ է նշանակում հետևյալ խոսքը. «Չարն ու բարին միշտ պատերազմում են մեզ հետ, ինչպես ջերմությունն ու սառնությունը»:

Պատասխան. Բարին էացել է մեր բնություն հետ, իսկ չարը կամքին է հետևում: Եվ ինչպես այլ է բնությունը և այլ՝ կամքը, այնպես էլ այլ են չարն ու բարին, և ենթակայությունը¹⁷, որպես հեծյալ գիտություններ, կուվում են միմյանց դեմ:

Երկրորդ՝ բնությունը միատեսակ բարի է, իսկ կամքը գանազան չարերի է հետևում և հավանում դրանց:

Երրորդ՝ երբեմն բնությունն է բարությունը հաղթում անձին, իսկ երբեմն էլ կամքը՝ անձին:

Չորրորդ՝ չարը բնության վրա չի կարող ներգործել, որովհետև բնությունը նույն գոյությունից չի այլայլվում, սակայն չարը կամքին երեք կերպ է հաղթում:

«Նախ՝ ինչպես որ չարը բնությունն է, նույնպես և կամքը բնությունն է, այլ բնությանը հետևող:

«Երկրորդ՝ ինչպես որ չարն է բարությունից այլայլվում, նույնպես և կամքն է ենթակա այլայլության:

«Երրորդ՝ կամքը հավանող է, որի համար չարը հնարներով հավանել է տալիս նրան իր գործերին, և այդպիսով չարը, միաբանելով կամքի հետ, կուվում է բարի բնության դեմ:

Հինգերորդ՝ չարը զգայարանների միջոցով շրջապատում է անձը և կուվում բարու դեմ, որովհետև զգալի բարիքները՝ [նյութական բարիքներն] այստեղ են և այս ժամանակի մեջ, իսկ բարու դիմաց սպասելիքները՝ [հատուցումը] այստեղ չեն և այս ժամա-

¹⁷ Ենթակայել «Ռեկ է իրի վերաբերյալ գաղափար և ծանոթություն կազմել: Սա սովորաբար անակառուց է հանդես գալիս, ինչպես, օրինակ՝ գույնի գաղափարը և համի ծանոթությունը գիտու համար: Անենթակա է ասվում, երբ գաղափարը վեր է առնվում իրից և հանդես գալիս իբրև ինքն իրեն կայացած իր և նշանակվում գոյականով: Ինչպես, օրինակ՝ կարմրություն, քաղցրություն և այլն: Սրանք ճշմարիտ գոյականներ չեն, այլ անենթակա գաղափարների և ծանոթությունների անուններ:

նակի մեջ չեն, այլ հանդերձյալում և երկնքում են լինելու: Զգայարաններով այն է տեսնում, որ այժմ կա և այստեղ է, իսկ հանդերձյալինը չի երևում, որի պատճառով առավել հավատում է սրան, որ երևում է:

Վեցերորդ՝ չարը հաղթում է մարդուն՝ անհրաժեշտ կրթերի հետ ավելորդություններ խառնելով: Սրա մասին էլ մարգարեն ասում է. «Ինձ իմ մերձեցողներից փրկի՛ր, քանզի կարիքով են հարձակվել ինձ վրա» (Հմմտ. Սաղմ. ԾԴ 19): Այսինքն՝ մեր բնական կարիքներն օգտագործելով են մեր դեմ մարտնչում մերձավոր դեերը:

Յոթերորդ՝ երբեմն Աստծու քաղցրություն և ներողամտության մասին մտածել տալով, մեղքերը փոքրացրած են ներկայացնում գործողի աչքին՝ ասելով, թե այդ փոքր հանցանքներն ինչպե՞ս կարող են հիշվել Աստծու քաղցրության կողքին:

Ութերորդ՝ երբեմն Աստծու բարկությունն են հիշեցնում և փոքր հանցանքը մարդու աչքին ծանրացնում և ներչնում, թե ինչպե՞ս պիտի ազատվի Աստծու բարկությունից ու նրա արդար դատաստանից: Այս կապակցությամբ մարգարեն ասում է. «Շատերն էին ասում իմ մասին. «Սա փրկություն չունի իր Աստծուց» (Սաղմ. Գ 3):

Իններորդ՝ բարի [գործելը] հետագայի վրա են թողնել տալիս՝ ասելով, թե երբ ծերանաս, կապալխարես, իսկ երբ հիվանդանաս, կխոստովանես: Իսկ ով հույսով է մեղք գործում, անհույս կորչում է:

Տասներորդ՝ նախ վարժեցնում են մեղքերին՝ այն սովորություն դարձնելով, իսկ այդ դաստիարակությունը մակստացական բնություն է դառնում, և [մարդիկ] այլևս չեն կարողանում սովորական դարձած մեղքերից ետ դառնալ, որովհետև սովորությունը բռնակալի պես վերահսկում է և միշտ մեղանչել տալիս գործողին, որի համար և ասում է. «Բարին ու չարը մեր մեջ միշտ պատերազմում են»: Ինչպես նաև Պողոսն է ասում. «Ոչ թե անում եմ բարին, որը կամենում եմ, այլ գործում եմ չարը, որը չեմ կամենում» (Հռոմ. է 19):

Քսանհինգերորդ Հարց. Ի՞նչ է նշանակում Հետևյալ արտահայտությունը. «Եթե չար է, ապա սրանցից բացի չարությունից ուրիշ ոչինչ չի գոյանա»:

Պատասխան. Նախ ասում էր, թե երկու բարի կա: Առաջինը անեղական բարին է, որն Աստվածային բնությունն է, իսկ երկրորդը՝ եղական բարին, որ եղականների մեջ է գոյանում: Չարը սրանցից չէ:

Նախ՝ որովհետև Աստված գոյ է՝ անսկիզբ ու բարի, անեղական բարի և հույսընդունելի բարություն բաշխող: Իսկ չարը սրանցից ոչինչ չունի, որովհետև նա գոյ չէ և ո՛չ անսկիզբ է, ո՛չ բարի, ո՛չ անեղական բարի, ո՛չ էլ հույսընդունելի բարություն բաշխող, այլ Համակ չարություն: Իսկ եղական բարու կապակցությամբ [առեմք] նախ, որ եղական բարին Աստված է ստեղծել, որը նաև հույսընդուն է, լինում է բնություն, բարի է և փառքի է տանում: Իսկ չարն այս չէ, այլ Համակ չարություն է:

Դարձյալ, ինչպես վերը ցույց տրվեց, չարի և բարու տասը տեսակ գանազանություն կա, և չարը բարուն տասը կերպով է ներհակ: Ուստի ասում է. «Եթե չար է, ապա սրանցից բացի չարությունից ուրիշ ոչինչ չի գոյանա»:

Դարձյալ՝ օրինակով խոսենք. ինչպես խավարը մթին կերպարանքներից բացի ուրիշ տեսք ստանալ չի կարող, նույնպես էլ չարը չի կարող լինել ո՛չ անմահություն, ո՛չ անապականություն և ո՛չ էլ կարող է ունենալ բարու այլ Հատկանիշներ, այլ միայն մահ է ու ապականություն:

Քսանվեցերորդ Հարց. Ի՞նչ է նշանակում Հետևյալը. «Ամեն ոք, ով իրավացիորեն փախազում է, Հարմար ձևով ունենում է իր փախազածը, եթե Հաճություն է բաղձում»:

Պատասխան. Նախ այն է ասում, թե ինչի՛ էլ որ ձգտի մարդը, բարու թե չարի, Հարմար ձևով ունենում է իր փախազածը: Այսինքն՝ որին որ ցանկանում է, նրա Հետ Հարմարվում է իր բնությունը: Օրինակ՝ ինչպես օդը փոփոխվում է միմյանց Հակառակ կողմերի միջև, այսինքն՝ մեկ դեպի լույսը և մեկ՝ դեպի խավարը, մեկ դեպի ջերմությունը և մեկ՝ դեպի ցուրտը: Նաև ջուրը, դեպի ո՛ր ծառը որ գնում է, այդ ծառի պտուղն է դառնում: Նույնպես և մարդը, իր անձնիշխան կամքով երբեմն դեպի բարին, իսկ երբեմն դեպի չարն է փոխվում:

Դարձյալ ասում է. «Ամեն ոք, ով իրավացիորեն փախազում է, Հարմար ձևով ունենում է իր փախազածը, եթե Հաճությամբ է բաղձում»: Այսինքն՝ իրավացին այն է, երբ բարուն է փախազում, որն աստվածային, անեղ բարին է, որը մեզ պատկերակից է արել իր բնությունը: Բարին Ասածուց է, որ բնությունը բարի է ստեղծել, և Նա բազում բարիքներ է խոստանում բարիներին: Դրա Համար է «իրավացի փախազում» ասում, որ մեր նախատիպին ձգտենք, որի՛ բարու գորությունը սերմանված է մեր բնության մեջ: Եվ ով այսպես իրավացիորեն փախազի, իր փախազածը Հարմար ձևով կունենա, այսինքն՝ որպեսզի մեր բարի բնությունը Հոժարի բարուն, որովհետև այն բնութակից է բարուն, այսինքն՝ եղական բարուն, և նման է անեղական բարուն: Դրա Համար է «իրավացի փախազում» ասում, երբ Հաճությամբ է բաղձում: Այսինքն՝ բնությունը Հաճությամբ է բարուն ցանկանում, քան չարին, իսկ կամքը՝ մարմնին, և Հետևում է չարին, ոչ թե բնությունը:

Դարձյալ՝ Հաճությամբ բաղձալ, այսինքն՝ բարին ցանկանալու դեպքում բարեսերի Համար ամեն մի դժվարություն դյուրության կփոխվի, ինչպես որ կուսությունը, մարտիրոսությունը, ճգնությունը և ամեն տեսակ խստակրոն վարքը դյուրին է գործողի Համար: Իսկ անիրավ փախազումն այն է, երբ մարդ չարին է փախազում և անցողիկը ցանկալի դարձնում, զազրելին՝ բաղձալի, իսկ ատելին՝ սիրելի:

Դարձյալ՝ անիրավ փափագում է, որովհետև չարն օտար է մեր բնությանը: Որովհետև Աստծու կողմից չի ստեղծվել, հույժուն չէ և ներհակ է մեր բնությանը, նաև մահ ու ապականություն է բերում և անանցանելի տանջանքների մատնում փափագողին: Նրա համար է անիրավ, ով այս բոլոր չարերին է տենչում: Դրա համար և ասվում է. «Ապա ուրեմն չարությունն ապականում է»:

Հոգին անիրավությանը դյուրությամբ և հեշտությամբ չի փափագում, այլ դժվարությամբ և ակամա, թեպետև հեշտաիրության ախտերից և հոգու [եկամուտ] մասերից բռնադատված՝ ձգտի անբան ու անիրավ փափագին (Ներսես Շնորհալի):

27

Քսանյութերորդ հարց. Ի՞նչ է նշանակում հետևյալ արտահայտությունը. «Եթե ապականում է, ինքն էլ է ապականվում»:

Պատասխան. Ինչպես ապականված նյութի մասնիկը երբ խառնվում է բնությամբ պարզ մեկ այլ նյութի, ապականում է այն և, այլոց ապականելով, ինքն էլ է ապականվում: Այսինքն՝ ինչպես հին խմորը նոր խմորվածին այլայլում է ու քայքայում և, ապականելով նրան, ինքն էլ հետն է ապականվում: Այդպես է նաև քացախը, որն ապականված է և ապականում է այն ամենը, ինչի որ խառնվում է, և ինքն էլ նրա հետ ապականվում է: Օրինակ՝ երբ քացախը լցնում են կրի վրա, քայքայում է նրա բնությունն ու ապականում շաղախը՝ ինքն էլ հետը ապականվելով:

Նույնպես և չարը, որին մոտենում է, ապականում է, և վերջը ջինխ կործանումով՝ ինքն էլ նրա հետ ապականվում է:

Թեպետև ասում է, թե չարությունը ինչի՛ որ մոտենում է, ապականում է, սակայն երբ չի գտնում նյութ, որի վրա կարող է չարությամբ ներգործել, լուծարվում է ապականությամբ: Այս-

տեղ չարությունը լուծարվում է մասնակի, և այդ այն դեպքում, երբ մարդիկ հեռանում են նրանից և բարին գործում: Իսկ հանդերձյալում առհասարակ կլուծարվի, երբ պակասեն երկրից մեղավորները և չեն գտնվի այլևս ամբարիչտները:

Ինչպես հին ժամանակներում Աստված ջրհեղեղով ջնջեց մեղավորներին իրենց մեղքերով հանդերձ, նույնպես և երկրորդ անգամ կրակով կմաքրի չարությունը՝ չարերով հանդերձ: Կրակը կարող էր չլինել, եթե այրվող նյութեր չլինեին, նույնպես և չարությունը չէր լինի, եթե մեղսասեր անձինք չգտնվեին, որոնց մեջ չարը կարող է բնակվել ու ներգործել: Ըստ որում՝ մահկանացուների լուծարումով կվերանա նաև մահը և այլևս չի լինի: Այսպես և չարը կոչնչանա ապականությամբ, եթե ամենքը բարի լինեն (Ներսես Շնորհալի):

28

Քսանյութերորդ հարց. Ի՞նչ է նշանակում հետևյալ արտահայտությունը. «Եվ ապականվածը անեղ չէ»:

Պատասխան. Եթե ապականվելով փոփոխություն է կրում, ապա ինչպե՞ս անեղ կլինի:

Դարձյալ՝ սատանան բազում փոփոխություններ կրեց և անեղ չի կոչվում:

Նախ՝ որ անէությունից փոփոխվեց:

Երկրորդ՝ բարուց չարի փոխվեց:

Երրորդ՝ իր չարությամբ ուրիշներին դեպի չարը փոխեց:

Չորրորդ՝ չարության պատճառով տանջանքների մեջ փոփոխություն է կրում:

Հինգերորդ՝ տանջվելով այլայլվում է իր հույժունից:

Վեցերորդ՝ այլայլությամբ բնությունն ապականվում է:

Ով կրել է այս բոլոր փոփոխությունները, ինչպե՞ս անեղ կլինի: Դրա համար էլ ասվում է. «Ապականվածն անեղ չէ»:

Քսանիններորդ Հարց. Ի՞նչ է նշանակում Հետևյալը. «Եթե չարությունն անեղ լիներ, ապա ըստ բնության առավել չարը կգոյանար»:

Պատասխան. Այսինքն՝ եթե չարությունն անեղ լիներ, այդ դեպքում նրանից առաջ եկած չարը գոյացություն կլիներ: Եվ երբ ցույց տրվեց, թե չարն անեղ չէ, ապա իրենից առաջ եկած ուրիշ չարերն էլ հություն չունեն, այլ չարը պատահմունք է և բարու պակասություն, ինչպես որ խավարը՝ լուսի:

Չարն անեղություն չէ, և ըստ բնության նրանից չար չի գոյանում: Այսինքն՝ սատանան անեղ չէ, և ոչ էլ չարը՝ բնություն, որ մնայուն լինի, այլ պատահմունք է, որ ենթակայի ապականությամբ կորչելու է:

Երեսուներորդ Հարց. Ի՞նչ է նշանակում Հետևյալ արտահայտությունը. «Ըստ բնության գործելով՝ ոչ ոք չի մեղանչում»:

Պատասխան. Այսինքն՝ եթե չարը մեկի մեջ բնությամբ լիներ, ապա չարագործները պատժի մեղադրությունից ազատ կլինեին: Որովհետև անհրաժեշտ կրթերը բնության պահանջներն են գործում և չեն մեղանչում, ինչպես, օրինակ՝ ուտելը, ըմպելն ու ննջելը բնական կրթեր են և մեղանչումներ չեն:

Դարձյալ՝ եթե չարը բնությամբ լիներ, ոչ ոք չէր կարող կույս կամ պարկեշտ լինել, որովհետև բնության կրթերին ոչ ոք չի կարող հաղթել: Բայց որովհետև բնությունը բարի է ու բարի Արարչից ստեղծված, իսկ չարը՝ եկամուտ, ուստի և օտարն ու ներմուծվածը դյուրին է բնությունից դուրս հանելը, ինչպես որ սրբերն արեցին:

Երեսունմեկերորդ Հարց. Ի՞նչ է նշանակում Հետևյալը. «Չարը մեղանչում է»:

Պատասխան. Ոչ ոք թող չկարծի, թե չարը բնությամբ է մեր մեջ, և այդ պատճառով ենթադրի, թե չար գործողը անմեղ է՝ ասելով, թե բնությունն է Հարկադրում մեղանչել, իսկ գործողն անպարտ է: Այլ խմացի՛ր, որ բնությունը բարի ու անմեղ է ստեղծված, իսկ չարը մեղանչում է, որ օտար է մեր բնությանը և մեր մեջ՝ արկած: Ով մեղանչում է, բնությամբ չի մեղանչում, այլ բնությունից դուրս է մեղանչում: Ապա թե ոչ՝ ինչո՞ւ է Աստված՝ Արդարադատ Թագավորը, մեղավորին դատապարտում: Նա մեղավորին տանջանքների է մատնում, որովհետև աստվածաբիր բնությանը Հակառակ է գործել: Հետևաբար չարը մեր մեջ բնություն չէ, և բնությունը մեղք չի գործում, այլ չարն է մեղանչում:

Երեսուներկուերորդ Հարց. Ի՞նչ է նշանակում Հետևյալը. «Ով չի մեղանչում, բամբասանքի¹⁸ ենթակա չէ»:

Պատասխան. Այսինքն՝ եթե չարը մեր մեջ բնությամբ լիներ, ապա չմեղանչելու դեպքում բամբասանքի ենթակա կլիներ, որովհետև բնության գործին Հակառակվել էր: Այլ քանի որ բնությունն անմեղ է ու բարի և մեզ բարին է գործել տալիս, Հետևաբար՝ ով չի մեղանչում, բամբասանքի ենթակա չէ: Այլ նա է բամբասանքի ենթակա, ով, Հակառակ իր անմեղ բնությանը, չարն է գործում, ինչն իր բնությանն օտար է: Տե՛ս, որ անօրենները նույնպես գովում են բարեգործ մարդկանց, այսինքն՝ կույս՝ սերին, ճգնավորներին ու պարկեշտներին:

Եվ դարձյալ քաղաքական օրենքները պատուհասում են չա-

¹⁸ Բամբասանք ասելով այստեղ ի նկատի ունի դատապարտություն, պարավանք, Հանդիմանություն, մեղադրանք:

րերին ու մահվան մատնում, որովհետև բարի բնությանը հակառակ են գործում: Դրա համար Արիստոտելն ասում է. «Գովելի են գեղեցիկները և պարսավելի՝ գարշելիները»: Հետևաբար և ասվում է. «Ով չի մեղանչում, բամբասանքի ենթակա չէ, այլ գովասանքի ու պատվի արժանի»:

33

Երեսուներեքերորդ հարց. Ի՞նչ է նշանակում հետևյալը. «Սատանան բամբասանքի ենթակա է»:

Պատասխան. Նախ՝ որովհետև Աստուծոց բարի է ստեղծվել և հետո է չարացել:

Երկրորդ՝ իր բնությանը հակառակ է գործել:

Երրորդ՝ իր Արարչին է հակառակվել:

Չորրորդ՝ լույս է եղել, ապա խավար դարձել:

Հինգերորդ՝ հանգիստը թողել ու անանցանելի չարչարանքներն է ընտրել:

Վեցերորդ՝ ոչ թե մեկ ուրիշից է բռնադատվել չար լինել, այլ կամովին է չարն ընտրել:

Յոթերորդ՝ ոչ թե միայն ինքն է կորել, այլև ցանկանում է բոլորին սպականել:

Ութերորդ՝ բանական լինելով՝ այնքան է անբանացել, որքան անբան անասունները, և դեռ ավելի վատթար է եղել, որովհետև բոլոր անասուններն իրենց օգուտն են ընտրում, իսկ սա իր չարչարանքն ու կորուստն է ընտրել: Եվ սրանց համար է ասվում, որ մեղքով բռնված ոգիները միտքն էլ են կորցնում:

Իններորդ՝ որովհետև գիտե, թե որքան շատ ուրիշների չարի մեջ գցի, այնքան անչեջ կրակում իր չարչարանքները կավելացնի, սակայն ջանում է ամեն օր իր չարչարանքներն ավելացնել:

Տասներորդ՝ այս ամենն իմանալով՝ այդուհանդերձ չի զղջում ու չի ապաշխարում չարի համար:

Տասնմեկերորդ՝ Աստված այսքան ժամանակ թույլ տվեց

նրան, որ թերևս զղջա, սակայն նրա փույթը չէ:

Տասներկուերորդ՝ այս բոլոր չարություններից հետո էլ Աստված դեռևս քաղցրությամբ էր խոսում նրանց հետ, սակայն չզղջացին: Սա հայտնի է Հոբի օրերին [Աստուծո՝ սատանային ասած [խոսքերից]. «Որտեղի՞ց ես գալիս դու» (Հոբ Ա 7): Եվ դարձյալ ասում է քաղցրությամբ. «Ուշադրություն դարձրի՞ր իմ ծառա Հոբին» (Հոբ Ա 8): Եվ դարձյալ ասում է. «Տեսա՞ր արդյոք իմ ծառա Հոբին» (Հոբ Բ 3): Եվ այս բոլոր բարությունները և քաղցրությունները տեսնելով՝ կրկին չարությունից չդարձան:

Տասներեքերորդ՝ տեսան, որ Աստված լսում էր իրենց, սակայն չաղաչեցին իրենց խկ չարից իրենց ազատել: Հայտնի է, որ Աստված լսում էր նրանց:

Նախ՝ երբ Աստուծոց խնդրեցին Հոբին փորձություն տալ, լսեց նրանց և Հոբին նրանց ձեռքը տվեց:

Եվ դարձյալ խնդրեցին Հոբին այլ փորձությունների մատնել, այսինքն՝ որդերի ու մարմնի թարախի, և սա նույնպես անսաց, թերևս այս մեկով նրանց համար փրկություն որսար, սակայն անդարձները չարից երես չդարձրին:

Այնուհետև լինում է երրորդ խնդրանքը ևս, որով դիմեցին Քրիստոսին, և Տերը լսեց նրանց:

Նախ՝ աղաչեցին Քրիստոսին, որ հրաման տա նրանց՝ խոզերի մեջ մտնել (Տե՛ս Մատթ. Ը 31): [Տերը] կատարեց նրանց խնդրանքը:

Երկրորդ՝ Քրիստոսին աղաչեցին՝ ասելով. «Աղաչում ենք քեզ, Հիսու՛ս, Բարձրյալի Որդի՛, տարաժամ մեզ մի տանջի՛ր» (Տե՛ս Մատթ. Ը 29): Եվ նրանց խնդրանքը կատարեց:

Եվ ով նրանց այսքան աղաչանքները լսեց, դարձյալ կլսեր նրանց, եթե այլ մեծագույն խնդրանքներ ևս մատուցեին: Եվ դրա համար էլ ասում է. «Սատանան բամբասանքի ենթակա է», որովհետև այս բոլոր քաղցրությունը տեսնելով՝ չզղջացին: Դրա համար Տերն ասում է. «Այս աշխարհի որդիներն ավելի իմաստուն են, քան լույսի որդիներն իրենց սերնդի մեջ» (Տե՛ս Ղուկ. ԺՁ 8):

Եվ քանի որ շատ մեղավորներ ու մաքսավորներ դեպի Քրիստոս դարձան, իսկ նրանք այս բոլոր քաղցրությունները տեսան և չարից չհրաժարվեցին: Ուստի ասում է. «Բամբասանքի ենթակա է աստանան»:

Հարց. Ի՞նչ է նշանակում Հետևյալը. «Ով անեղը ստորոգում¹⁹ է, ճշմարտապես ինքն է չարը»:

Պատասխան. Ով երկու սկիզբ ընդունելով պնդի, թե երկուսն էլ անեղ են՝ մեկը Բարին Աստված, մյուսը՝ չար աստանան, ինչպես Մանիքոսն է ասում, ապա նա ճշմարտապես ինքն է չար, քանի որ այսպիսի չար հերետիկոսություն է խոսում:

Եվ դարձյալ՝ ով ասի՝ «Չարն առանց մեր մեղանչելու և մեղքեր գործելու է մեր բնություն մեջ, իսկ մեղանչողները բնությունից հարկադրված են մեղանչում, որովհետև բնությունը մեղանչական է», այնպիսին չար է ըստ իր հոժար կամքի և ըստ մտքի կուրություն, քանզի մեղքով բռնված հոգիների միտքը ևս կուրանում է: Դրա համար էլ ասում է. «Ով անեղն է ստորոգում, ճշմարտապես ինքն է չար»:

Բամբասանքի ենթակա է աստանան: Խոսքի վերջում Հայտնի է դառնում նաև իմաստասերի մտքի տեսությունը, որի համար և ասվեց այս ամենը: Չնայած սկզբում անեղաբար ճառեց, թե ամբողջ չարը ենթակա է տանջանքի և այլն, վերջում Հայտնում է, որ խոսքը վերաբերում է ամբողջ չարի հորն ու նրա ծառաներին և նրանց, ովքեր չարին անեղ ասացին: Դրա համար էլ արդարացնում է խոսքը բանականների համար իր դատաստանով, թե նա, ով իր բնությունը հակառակ է գործում, մեղանչում է, և ով մեղանչում է, տանջվում է, և ով տանջվում է, ապակալվում է:

¹⁹ Ստորոգումը պատշաճ է միայն եղական գոյերին, որոնք նյութից, տեսակից, գոյացությունից և պատահումներից են ժողովված: Իսկ անեղ և պարզ էությունը պատշաճում է միայն համեմատությունը (Գրիգոր Տաթևացի, Գիրք Հարցմանց):

Եվ սրանց առաջին կողմը աստանան է, որն առաջին չարն է, որը և բամբասանքի և մեղքի տակ է: Ինչպես և վկայում է Աստվածաշին Խոսքը՝ «Աստանան մեղանչող է ի սկզբանե» (Ա Հովհ. Գ 8): Նաև՝ «Աստանան ի սկզբանե մարդասպան էր և ճշմարտություն մեջ չմնաց...» (Տե՛ս Հովհ. Ը 44):

Հայտնելով, թե ե՛րբ նա ստեղծվեց, ճշմարտություն մեջ էր, որը և բարին է, իսկ Հետո թողեց ճշմարիտ բարին ու սիրեց չարությունը և չար կամավորությամբ ապստամբեց Արարչի դեմ ու մարդկային բնություն չարի պատճառը եղավ: Որից Հետո ինք՝ նահոժար կամքով փոխանակ բարու, որ ուներ Աստծուց, ընկալեց չարությունը, որը չուներ և չկամեցավ երբեք զղջմամբ հեռանալ չարից ու դառնալ առաջին բարուն, որը կորցրեց ապստամբությունով: Սրանից Հայտնի է, որ նա անեղ չէ, քանի որ անեղ բնությունը, որ է՝ Աստված, երբեք չի փոփոխվում, ինչպես [օրինակ] բանականների բարին: Իսկ աստանան, որը բարի էր, փոփոխվելով չար եղավ: Այդ պատճառով նա անեղ չէ, այլ եղական:

Եվ ի՞նչն է նրա անփոփոխելի չարություն և մշտապես չար ունակություն պատճառը: Դա առաջին [հերթին] ինքնահոժար կամքի խոտորումն է, ամբարտավանություն անուր և իր անձը ուղիղ ու անխալական ընդունելը: Քանի որ բոլոր մեղքերը, որոնք ճանաչվում են մեղավորի կողմից, հանցանքից դյուրադառնալի են, իսկ ամբարտավանությունը դժվար դառնալի է, քանի որ անձը չի խոնարհվում իրեն հանցավոր համարելով, այլ միշտ արդար և ուղիղ է իրեն համարում, եթե անգամ թյուր լինի և սուտ: Եվ որովհետև աստանան ամբարտավանությամբ մեղանչեց, ըստ որում ոչ ինչպես մատաղատունիկը, որը աստանայի որո՞գայթն ընկավ, նույն պատճառով էլ անգեղջ մնաց չարից, որով բռնվեց:

Երկրորդ պատճառը՝ որովհետև Աստված շնորհով մարդկային բնությունը երկու հարություն է տվել. մեկը՝ հոգով և մարմնով բնական մահվանից հետո, ըստ Իր անուր խոստման, պիտի կենդանանա՞նք համընդհանուր հարություն ժամանակ, մյուսը՝ հոգու

անբնական մահվան ժամանակ ապաշխարությամբ մեղքերից պիտի հառնենք:

Իսկ անմարմին բնության համար այդպես չէ՝ ըստ Աստծու արդար դատաստանի, քանի որ նրանք մարդկանց նման կարիքից դրդված չեն գործում և թշնամի ու պատրանքներ հորինող չունեն:

Այլև մենք այսքանից առավել Աստուծոց հնարավորություն ունենք խոստովանությամբ և ապաշխարությամբ հոգու մեռելությունից կենդանանալու՝ օրհնյալ Աստծու փառքի համար: Հավիտյան ամեն (Ներսես Շնորհալի):

Եվ այսքան պատճառների համար ասաց. «Ամբողջ չարը տանջանքի ենթակա է»: Որից՝ և մեզ փրկի մարդասերն Քրիստոս՝ դժոխքի դռներից ու տանջանքներից: Ավարտեցին «Սահմանումների գրքից» քաղվածքներն ի փառս մեր Աստծու Հիսուս Քրիստոսի, որ օրհնյալ է հավիտյան:

**Փառք Ամենասուրբ Երրորդությանը և մի
Աստվածությանը՝ Հորը և Որդուն և Սուրբ Հոգուն:
Ամեն:**



Դավիթ Ահաղթի Իմաստասիրական սահմանումները՝ «Ամենայն չար տանջելի»

Ամբողջ չարը ենթակա է տանջանքի. ոչ ոք առանց ապականվելու չի տանջվում: Անեղն ապականացու չէ, չարն ապականացու է: Չար է, ուրեմն անեղ չէ:

Ոչ ոք բնությամբ չար չէ, հետևաբար չարն արարկություն (գործունեություն) է: Չարագործություն է ոչ ոքի գոյությունը չձեռնարկելը, ապա ուրեմն չարը գոյացություն չէ:

միմյանց ընդդիմացող բոլոր չարերը միմյանց ապականիչ են, հակառակ են, ուրեմն անապական չեն:

անեղն անփոփոխելի է, և փոփոխվող բարին չարից պարտվում է: Բարի է, ուրեմն անեղ չէ:

Անեղը որևէ մեկի ապականությունը ցանկացող չէ և ոչ ոքի ապականող չէ, իսկ չարն ապականություն ցանկացող է: Չար է, ուրեմն անեղ չէ:

Իսկ Աստվածային գրքերը տանջանքների են մատնում ոչ միայն այլ չարերին, այլ նույն իրեն՝ բանասարկուին:

Ասում են նաև, որ բոլոր տանջանքի մատնվածներն այլայլելի են: անեղը չի այլայլվում, ուրեմն չարից ոչինչ անեղ չէ:

Ովքեր բոլորովին ընդդիմանում են, ընդհանուր ոչինչ չունեն, ինչպես նա, ով ամենայն հարկավորությամբ մի գոյություն ունի, ուրիշ գոյություն չի ունենա:

Անեղ լինելով հանդերձ՝ նաև գոյացյալ բարություն է:

Եթե չար է, ապա նրանից չարությունից բացի ուրիշ ոչինչ չի գոյանա:

Յուրաքանչյուր ոք, ով իրավացիորեն փախազում է, հարմար ձևով ունենում է իր փախազածը. եթե դյուրություն է բաղձում,

ապա ուրեմն ապականացու է չարությունը: Եվ եթե ապականում է, ապա ապականվում է և ինքը: Եվ ապականվածն անեղ չէ:

Եթե չարությունն անեղ լիներ, ապա ըստ բնության առավել չարը կգոյանար: Ըստ բնության գործելով՝ ոչ ոք չի մեղանչում: Չար է, ուրեմն մեղանչում է:

Ով չի մեղանչում, բամբասանքի ենթակա չէ: Բամբասանքի ենթակա է սատանան, ապա ուրեմն անեղ չէ:



ԱՌԱՔԵԼ ՄԻՆԵՑԻ

«Ամենայն չար տանջելի»

Նորին Տէր Առաքելի Միւնեաց եպիսկոպոսի ՚ի տեսութիւն բանին, որ ասէ. Ամենայն չար տանջելի:

Զի՞նչ է որ ասէ. «Ամենայն չար տանջելի»:

Պատասխան: Ի վերայ այս բանի երեսուն և երեք ինչ խնդրելի է:

Նախ՝ թէ յի՞նչ պէտա Հարկ եղև փիլիսոփայս գրել զայս:

Երկրորդ՝ զի՞նչ է բարին և կամ զի՞նչ է չարն:

Երրորդ՝ թէ ուստի՞ սկզբմունք սոցա, այսինքն՝ բարույ և չարի:

Չորրորդ՝ թէ վասնէ՞ր թոյլ ետ Աստուած գոլ չարին:

Հինգերորդ՝ զի՞նչ է որ ասէ. Ամենայն չար տանջելի:

Վեցերորդ՝ զի՞նչ է որ ասէ. Ո՛չ ոք տանջեալ անապական:

Եօթներորդ՝ զի՞նչ է որ ասէ. Ո՛չ ոք ապականեցու անեղ:

Ութերորդ՝ զի՞ ասէ. է չար ապականացու:

Իններորդ՝ զի՞ ասէ. Չար ուրեմն ոչ է անեղ:

Տասներորդ՝ զի՞ ասէ. Ոչ ոք ըստ բնութեան չար:

Մետասաներորդ՝ զի՞ ասէ. Չարարկութիւնն ոչ ոք արկութիւն գոյացութիւն:

Երկոտասաներորդ՝ զի՞ ասէ. Ամենայն չար ընդ դիմակոքն միմեանց ապականիչք:

Երեքտասաներորդ՝ զի՞ ասէ. Ոչինչ անեղ փոփոխելի:

Չորեքտասաներորդ՝ զի՞ ասէ. Բարի ուրեմն ոչ է անեղ:

Հինգետասաներորդ՝ զի՞ ասէ. Անեղն ոչ է ցանկացող ապականութեան ուրուք և ոչ ապականիչ:

Վեչտասաներորդ՝ զի՞ ասէ. Չարն ցանկացող է ապականութեան:

Եօթնևտասաներորդ՝ զի՞ ասէ. Չար ուրեմն ոչ է անեղ:

Ութևտասաներորդ՝ զի՞ ասէ. Իսկ Աստուածային գիրք տանջանաց մատնեն զչարսն:

Իննևտասաներորդ՝ զի՞ ասէ. Եւ ամենայն տանջանաց մատնեալն այլ այլելի է:

Քսաներորդ՝ զի՞ ասէ. Ո՛չ ոք այլ այլի անեղ:
Քսաներորդ առաջնորդ՝ զի՞ ասէ. Ո՛չ ինչ ՚ի չարեացնէ անեղ:
Քսաներորդ երկրորդ՝ զի՞ ասէ. Որ բոլորովին ընդ դիմակքնեն՝ ոչ ունին հաւասարութիւն:
Քսաներորդ երրորդ՝ Որպէս զի ամենայն հարկաւորութեամբ, որ ՚ի միտումն գոյացեալ, ՚ի միւսումն ոչ ևս գոյանայ:
Քսաներորդ չորրորդ՝ Եւ է գոյացեալ բարութիւն գոլով անեղն:
Քսաներորդ հինգերորդ՝ զի՞նչ է, որ ասէ. Չար ուրեմն ոչ ինչ գոյանայ յայսցանէ, բայց միայն չարութիւն:
Քսաներորդ վեցերորդ՝ որ ասէ. Ամենայն որ իրաւացի փափագէ ումեք յարմարեալ ունի զփափագումն. եթէ դիւրութեամբ բաղձանայցէ:
Քսաներորդ եօթներորդ՝ որ ասէ. Եթէ յապականացոցանէ ապականի և ինքն:
Քսաներորդ ութերորդ՝ որ ասէ, Թէ և ապականեալն ոչ է անեղ:
Քսաներորդ իններորդ՝ որ ասէ, Թէ անեղ իցէ չարութիւն, ըստ բնութեան գոյանայ չարագոյն:
Երեսուներորդ՝ որ ասէ. Ոչ ոք ըստ բնութեան մեղանչէ:
Երեսուներորդ առաջնորդ՝ որ ասէ. Չար ուրեմն մեղանչէ:
Երեսուներորդ երկրորդ՝ որ ասէ. Եւ որ ոչն մեղանչէ ոչ է ընդ բամբասանօք:
Երեսուներորդ երրորդ՝ որ ասէ. Եւ ընդ բամբասանօքէ աստանայ:

1

Եւ նախ՝ ասասցուք, թէ յի՞նչ պէտս հարկ եղև իմաստնոյն գրել զայստսիկ, այսինքն՝ վասն երեք պատճառի:
Նախ ընդդէմ Պի՛հուոնացոցն գրեաց, որք զիմաստութիւն, որէ պարզեք Աստուածային ՚ի վերուստ իջեալ, ոչ ասացին:
Երկրորդ՝ ընդդէմ այնոցիկ, որք զչարն անեղութիւն և բնութիւն ունողացն ասացին, այսինքն՝ ընդդէմ Մանիքոսի, որ երկու սկզբմունս ասաց աշխարհի, այսինքն. մին բարի անեղ որէ

Աստուած և մի՛ւսն չար անեղ, որպէս թէ այլ ոմն չար աստուածիցէ. և ասէ՝ զոր ինչ բարի կան բարի Աստուածնէ արարեալ. այսինքն՝ զերկինս և զլոյս և զկեանս և զամենայն բարութիւնս աշխարհի: Իսկ չար Աստուածն զամենայն չարութիւնս արար. զմահ, և զհիւանդութիւն, և զչարչարանք՝ և զգոթոք և զապականութիւն: Այլ և զհին օրէնքն չար Աստուածն ետ, զի. «Ակն ընդ ական և ատամն ընդ ատաման և արիւն ընդ արեան»: Իսկ Քրիստոս բարի այն է Որդի, որ բարի արար բնութիւնս: Եւ ասէր չարն բնութեամբ է յորոք և իցէ չարն այն բնաւորեալ:

Երրորդ՝ ընդդէմ այնոցիկ գրեաց որք ասացին թէ մի է Աստուած, բայց չար և բարի ՚ի նմանէ եղեն: Եւ սապէս ոմանք չար անեղութիւն ասացին, և ոմանք զչարն յանեղէն Աստուծոյ ասացին:

Եւ յողազս այսոցիկ հարկեցաւ գրել զայս. զի մի մոլորեացին մարդիկ յայս դժնակ խաբէութիւնս աստանայի, որ զչարն անեղէն Աստուծոյ ասացին:

2

Երկրորդ՝ վասն բարոյ և անեղութեան Աստուծոյ, զի յամենայն էրցս միայն Աստուածային բնութիւննէ անեղական և անսկիզբն. և պատճառ ամենայն եղելոցս: Եւ ոչ կարէ երկու սկիզբն լինել, որպէս և կարակնին կէտն ՚ի միոյ սկսեալ առնէ զբոլորակն, այսպէս և ամենայն թուոյ սկիզբն միակէնէ: Այսպէս և ամենայն իր ՚ի միակ էակէնէ, և ոչ երկեակ: Այսպէս և մի է անսկիզբն ամենայն սկզբնաւորաց: Նա միայն է անեղ և անսկիզբն, որէ ինքն Աստուած, այլ և բարի, և բնութեամբ բարի. այսինքն զի է բոլորովին բարի, և անփոփոխ բարի, և բարեբար ամենայնի, ըստ ամին. «**Չիք ոք բարի, բայց միայն Աստուած**»: Իսկ թէ զինչէ չարն այսինքն զի ասէ ոմն ՚ի բանաւոր կենդանեաց՝ որ նախ բարի ստեղծաւ, ընդ հոմայ ցեղսն իւր, լոյս անուանեալ և արուսեակ:

3

Երրորդ թէ զի՞նչ եղև նորայ պատճառ չարութեան: Այսինքն, երեք իր պատճառ եղև նորա չարութեան:

Նախ՝ զանձ նիշխանութիւնն ՚ի կիր արկեալ:

Երկրորդ՝ զի ապստամբեցաւ ընդդէմ յԱստուծոյ:

Երրորդ՝ զի Հպարտութեան օխտիւն վարակեալ եղև և Հակա-
ռակ կոչեցաւ Աստուծոյ. անկաւ յերկնից և սիրեաց չարութիւնն:

Զի Հեռանալովն յԱստուծոյ զգիմակն ընկալաւ վեց կերպիւ,
այսինքն.

Ընդդէմ բարութեան Աստուծոյ չարացաւ:

Եւ ընդդէմ լուսոյն խաւարեցաւ:

Եւ ընդդէմ իմաստութեան յիմարացաւ:

Եւ ընդդէմ ճշմարտութեան ստութիւն եղև:

Եւ ընդդէմ կենաց մահ եղև:

Եւ ընդդէմ արարչութեանն ապականիչ եղև. և բազում այլ
այսպիսիս ՚ի Հակառակն փոխեցաւ: Եւ գտակ եղև չարեաց, և
Հայր չարութեան երկրածին բանաւորացաւ:

Այսքան վասն բարւոյ և վասն չարին:

Եվ թէ ո՞վ է անեղ անսկիզբն. և բնութեամբ բարին, այսինքն
Աստուած, և թէ զի՞նչ է չարն, այսինքն սատանայ, որ յետոյ
չարացաւ:

4

Իսկ չորրորդն. թէ վասն է՞ր թոյլ ետ Աստուած սատանայի:
Եւ է աստ չորս Հարցումն:

Նախ, զի գիտէր Աստուած, զի սատանայ չար լինելոց էր,
վասն է՞ր ստեղծ զնա:

Երկրորդ՝ թէ վասն է՞ր ո՞չ արգել զանձնիշխանութիւնն սա-
տանայի, զի այն եղև պատճառ չարութեան նորա:

Երրորդ՝ թէ վասն է՞ր ոչ դարձոյց զնա յոչ հուլիւն, քան

թէ ներէ նմայ զայս ամենայն առնել:

Չորրորդ թէ յետոյ վասն էր ոչ արգել զնա յանձն իշխան
կամացն, զի մի կարացցէ չար լինել:

Եւ նախ, թէ վասն է՞ր ստեղծ զնա որ այնպէս չարեաց
սկիզբն լինելոցէ, այսինքն՝ զի գոյ յԱստուած բարութիւն, գոյ և
գիտութիւն և թէպէտ գիտէր, որ նա չար լինելոցէր: Այլ գիտու-
թիւնն զբարութիւնն Աստուծոյ ոչ կարաց արգելուլ որ ոչ ստեղ-
ծանէր զնա, զի Աստուած զամենայն արարածս վասն բարութեան
իւրոյ ստեղծ, զի վայելեացեն ՚ի բարիս իւր:

Եւ դարձեալ, զի երկոքեանն բարիքեն Աստուծոյ, այսինքն՝
բարութիւնն և գիտութիւնն. և երկու բարիքն ոչ Հակառակեցան
միմեանց. զի բարիքն ոչ են միմեանց ներհակ այլ օգնական մի-
մեանց վասն որոյ գիտութիւնն Աստուծոյ ոչ Հակառակեցաւ
բարութեանն Աստուծոյ: Որպէս թէ արգելոյր զստեղծումն նորայ:
Վասն որոյ բարի գիտութիւնն թոյլ ետ բարի կամացն Աստուծոյ
առնել զբարութիւն:

Եւ դարձեալ, զի գիտութիւնն Աստուծոյ գիտէր, որ բարու-
թիւնն Աստուծոյ զամենայն ոք ըստ բնութեան բարիէր ստեղծե-
ալ: Իսկ թէ ոք արտաքոյ բնութեան իւրոյ կամաւ իւրով ՚ի չարն
յօժարին, անբամբասելի է ստեղծողն բարի բնութեան, այսինքն՝
զի բնութիւնն առաջին է քան զկամքն: Վասն որոյ Հարկէ, զի
կամքն բնութեանն Հնազանդի: Իսկ որ զայս մեծ Հակառակու-
թիւնս գործէ ընդ անձին իւրոյ, որ զբնութիւնն ծառայեցուցանէ
կամացն, այնպիսոյն անմեղադրելի է Աստուած, որ զբարի բնու-
թիւնն ետ նմա: Վասն որոյ գիտութիւնն Աստուծոյ ոչ արգելե-
աց զբարութիւնն Աստուծոյ, այլ թոյլ ետ ստեղծանել զնա և
զնմանիս նորայ, որք են չարք ՚ի մարդկանէ:

Իսկ երկրորդ՝ թէ վասն է՞ր ոչ արգել Աստուած ՚ի նմանէ
զանձն իշխան կամքն, զի այն եղև պատճառն կորստեան նորայ.
զի թէ ոչ ունէր ազատ կամք, չէր կորուսեալ:

Այսինքն՝ է նախ, զի Աստուած զամենայն բարութիւն ոչ
խնայեաց ստեղծուածոց իւրոց. այլ բարութիւն և ազատականու-

թիւն. այսինքն՝ բարի ստեղծ գբնութիւն և ետ գանձն իշխան կամքն ազատականք: Եւ Աստուած ոչէ Հակառակ բարւոյ, որ արգելոյր գայս երկուս բարութիւնս յիւր ստեղծուածոյն: Վասն որոյ բարի բնութիւն, և անձն իշխան կամք ետ նմա:

Դարձեալ՝ բարի արար գբնութիւնն. զի բնութիւնն վարդապետէ նմա բարի լինել: Իսկ անձն իշխան կամք ետ. զի անձն իշխան կամք Հնազանդի բարի ստեղծողին և պարգևատուին իւրոյ: Զի առաւել վարձատրեսցի: Զի որոյ ոչ կամայ ծառայեսցէ, անվարձատրելի է: Վասն այն ետ նմա բարի բնութիւն և անձն իշխան կամք:

Երրորդ՝ թէ յետոյ վասն է՞ր ոչ արգել գնա յանձն իշխան կամացն. զի մի կարասցէ չար լինել: Այսինքն, զի գոր ինչ բարի տայ Աստուած ստեղծուածոցն, այլ ոչ կամի խլել գայն ՚ի նմանէ: Եթէ Հարկ էր խլել յառաջնագոյն, վասն է՞ր տայր, մի՞թէ ոչ գիտէր, որ այնպէս լինելոց էր: Այլ վասն յառաջ ասացեալ պատճառացն ետ գայս ամենայն. և վասն երկրորդի ասացեալ պատճառացս ոչ խլեսց գանձն իշխան կամքն ՚ի նմանէ, զի թէ գայս ամենայն բարութիւնս և զազատութիւնս չար եղև նմա, եթէ անբարի լինէր և անազատ, գորպիսի՞ չարիս ոչ կրէր նա: Վասն որոյ ասէր Տէրն. «Եթէ լոյսդ որ ՚ի քեզ է խաւարէ, ի՛սկ խաւարն որչափ ևս»:

Իսկ չորրորդ՝ թէ յետ այս ամենայն չարեացս զոր արար սատանայ, վասն է՞ր ոչ դարձոյց գնա յոչ հուսիւն, այսինքն՝ զի Աստուածն հացուցիչէ և ոչ ապականիչ: Այլև յոչ գոյից ՚ի գոյութիւն ածեալէ. և ոչ թէ ՚ի գոյութենէ յոչ գոյութիւն դարձուցանող. զի արարիչէ և ոչ քակիչ: Վասն որոյ զի ինչ իւր բնութեանն. և բարի բնութեանն, և բարի կամացն գործէ, գայն առնէ Աստուած և ոչ գՀակառակն:

Իսկ Հինգերորդ՝ թէ վասն է՞ր թոյլ ետ նմայ Աստուած փորձել զմարդիկ, այսինքն՝ զի սատանայ լինի պատճառ ընտրելոցն ընտիր լինելոյ: Զի թէ ոչէր մարտուցեալ ընդ նախավկային, ոչ էր տեսեալ նա գերկինս բացեալ և զՈրդի ընդ աջմէ Հօր նստեալ:

Եւ թէ ոչէր մարտեալ ընդ Լուսաւորչին մերոյ, ոչ էր եղեալ լուսաւորիչ աշխարհի: Կամ տեսեալ զԱստուածութիւնն իջեալ յէջմիածինն:

Եւ թէ ոչէր մարտեալ ընդ Ադամայ, ոչէր Աստուած ՚ի մեր բնութենէս ծնեալ մարդկային մարմնով յԱստուածական փառան վերածեալ:

Վասն որոյ ասէ մարգարէն. «Մի՛ սպանաներ զնոսա, զի մի՛ մոռացին զժողովուրդս քո, այլ ցրուեա զնոսա զօրութեամբ քով»: Իսկ այլ խորութիւնք բանիցս Աստուածային խորոց դատաստանինէ գիտելի, զի Հաստատեաց օր մի, որ տանջելոցէ գնա, և զՀետևողս նորա անանցական տանջանօք: Վասն որոյ աղաչէին գնա. «Զի մի յառաջ քան զժամանակն տանջեր զմեզ»: Եւ տանջելոց է նա ամենայն կամարարօքն իւրովք: Վասն որոյ ասէ թէ ամենայն չար տանջելի:

5

Հինգերորդ Հարցումն. Զի՞նչէ որ ասէ. Ամենայն չար տանջելի:

Արդ, Աստուած միայն է բնութեամբ բարի, ըստ այնմ չիք ոք բարի բայց միայն Աստուած: Իսկ արարեալք ՚ի նմանէ բանականաց սեռք այլազաբար ունին զբարին այսինքն՝ զի Աստուած բոլորովին և Հանրական բարի է, իսկ եղեալքս մասնական բարի:

Երկրորդ՝ զի Աստուած բնութեամբ ունի զբարին, իսկ եղականք՝ ոչ բնութեամբ. այլ ստացմամբ ունին զբարին. զի բնութեամբ բարին նա է, որ անյեղապէս ունի զբարին և ոչ յուժեքէ ստացեալ իսկ մեք ոչ բնութեամբ ՚ի մէնջ. այլ ստացմամբ յԱստուծոյ: Վասն որոյ ասէ Սիրաք. «Իու որ առեալդես զամենայն, զի պարծիս իբրև զչառեալ»: Եւ ամենայն որ առեալ է ոչէ բնութեամբ, այլ ՚ի տուողէ ստացեալ:

Երրորդ՝ զի Աստուած անփոփոխելի ունի զբարին այլ մեք կամաւորութեամբ. զի թե կամիմք պահեմք. և թէ ոչ փոխիմք յայլ

բան: Եւ վասն այն եղ զբարին և եթող 'ի կամս մեր. զի կամե-
լով զբարին վարձատրելի լիցիմք: Վասն որոյ որ կամաւորութե-
ամբ ընդ բարիսն խառնեսցի պսակեսցի և Հաղորդի յճական
բարին: Իսկ որ կամօք իւրովք չարին Հետևեսցի, ընդ նմա ըն-
կալցի զտանջանան յԱստուծոյ:

Վասն որոյ ասէ՝ ամենայն չար տանջելի:

6

Վեցերորդ Հարցումն. Զի՞նչէ, որ ասէ. Ոչ որ տանջեալ անապական:
Պատասխան՝ այսինքն, զի տանջանքն այլ այլէ յիւրմէ բնու-
թենէն և ապականէ:

Դարձեալ, զի որ անապականէ բնութեամբ, ոչ տանջի և ոչ
այլ այլի և ոչ ապականի այն որ անապական մնայ 'ի չարէն:

Դարձեալ՝ ոչ որ տանջի և անապական մնա:

7

Եօթներորդ Հարցումն. Զի՞նչէ որ ասէ. Ոչ որ ապականեցաւ անեղ:
Պատասխան՝ այսինքն, Զի անեղական բնութիւնն ոչ կարէ
յեղումն ընդունել կամ այլ այլի կամ ապականիլ, զի բնութե-
ամբ բարին Աստուած վասն առաւել բարութեանն, անկարելիէ
փոփոխումն ընդունել 'ի Հակառակն կոյս որէ չարութիւնն և զի
ոչ ընդունի չար յինքեան: Վասն որոյ այն և ոչ տանջի և ոչ
ապականի, և որ ոչ ապականի, ոչէ եղական:

Դարձեալ՝ ոչ որ ապականացու անեղ՝ ընդդէմ սատանայի
ասէ, զի որ զապականութեան զյեղումն կրէ, յայտէ թէ յեղեղուկ
բնութիւնէ զի որ նախ յոչ էից եղև. սոյնպէս և կարէ յայլ իր
փոփոխիլ: Ապա ուրեմն որ այլայլի և ապականի, ոչէ անեղ: Զի
թէ անեղէր ոչ այլայլէր և ոչ ապականէր: Ապա ուրեմն սատա-
նայ որ այլայլի և ապականի, ոչէ անեղ:

8

Ութներորդ Հարցում. Զի՞նչէ որ ասէ. է չար ապականացու:

Պատասխան՝ Այսպէս պարտ է ասել թէ չարն ապականացու-
է: Եւ ոչէ պարտ ասել. է չար ապականեցաւ: Այսինքն՝ չարն ոչէ
բնութեամբ և ոչէ գոյացական զի ոչէ ստեղծուած արարչէն այլ
ապականեցու, այսինքն՝ պատաճառ ապականութեան ստեղծական
բարուց խառնելով ընդ նմա որպէս Հիւանդութիւն ընդ առող-
ջութեան:

9

Իններորդ Հարցումն. Զի՞նչէ որ ասէ. Չար ուրեմն ոչէ անեղ:

Պատասխան՝ նախ ոչէ անեղ զի ոչէ բնութեամբ:

Երկրորդ՝ ոչէ անեղ, զի ոչ ունի զբարին Աստուածային նման
որ անեղ նէ:

Երրորդ՝ ոչէ անեղ, զի նախ բարի էր, յետոյ յեղաշրջեցաւ և
եղև չար:

Չորրորդ՝ զի նախ յոչէից եղական եղև. և դարձեալ 'ի բարի
գոյոյն չար եղև. և դարձեալ այլայլելի 'ի չարչարանան: Եւ
դարձեալ ապականութիւն կրէ 'ի չարչարանացն: Արդ որում այս
ամենայն եղելութիւնս եղև յանձն իւր. զիարդ լինի անեղ, վասն
որոյ ասէ. Չար ուրեմն ոչէ անեղ:

Դարձեալ՝ չարն ոչէ անեղ այսինքն՝ զի առանց գործելոյ ոչ
գոյանայ չար: Այլ նախ յղանայ մտօք. և երկրորդ՝ Հաճին կամօք.
և երրորդ՝ յօժարին սրտիւ. և չորրորդ՝ գործին մարմնով. և
Հինգերորդ՝ այլ այլէ զգործողն: Եւ այս ամենայն եղելութիւնս
եղև չարին:

Զիս՞րդ իցէ անեղ, այլ բազմապատիկ եղական: Եւ ոչ միով
իւրք այլ 'ի զանազան տեղիս եղելութիւնս ստացաւ: Իսկ որ ըստ
այսքան կերպիս ոչ եղանի անեղ և ան է և անգոյ մնայ այն որ
ոչէ և ոչ ևս երևի տեղի նորա:

Տասներորդ Հարցումն. **Զի՞նչ է որ ասէ. Ոչ ոք ըստ բնութեան չար:**

Պատասխան՝ այսինքն, զի բնութեամբ ամենայն յԱստուծոյ է ստեղծեալ. և ստեղծեալքն յԱստուծոյ բարութեան, որպէս վկայէ, թէ ետես Աստուած և ահա բարի են յոյժ: Ապա ուրեմն ոչ ոք է ըստ բնութեան չար:

Դարձեալ՝ զի նախ է բնութիւնն. և երկրորդէ կամքն. զի կամքն բնութեան հնազանդէ և ոչ թէ բնութիւն կամացն: Եւ ամենայն որ կամացն հնազանդի ոչէ բնական այլ եկամուտ: Արդ բնութիւնն բարի ստեղծաւ և կամքն երկրորդէ յետ բնութեանն. և եկամուտ չարին երրորդէ նմա. որէ յետ կամացն: Եւ տես զի միջնորդաւ հեռիէ չարն ՚ի բնութենէն, զի կամքն ՚ի մէջ երկոցունցնէ: Ապա ուրեմն ոչ ոք ըստ բնութեան չար և վասն այն պատժի չարագործն զի եթող կամքն զյարակիցն իւր զբարի ստեղծեալ բնութիւնն և հետևեցաւ օտար եկամուտ չարին:

Հարց: Կամքս բնութեաննէ հետևող և ոչ բնութիւնն կամացն, և յայտ անտիէ, զի քաղցն և ծարաւն և քունն, որ կիրք բնութեանէ կամքն ոչ կարէ խախտել, այլ հետևի բնութեանն: Արդ եթէ բնութիւնն հարկ առնէ ՚ի վերայ կամացն. և հնազանդեցուցանէ իւրն, ապա որպէ՞ս կարէ կամքն եկամուտ չարին հետևիլ, որ ոչէ բնութիւն, այլ պատահումն:

Պատասխան: Արդ կամքն ՚ի մէջ երկուց բնութեանց է կացեալ, զի մի բնութիւնն այսէ, որ յԱստուծոյ է ստեղծեալ բարի բնութիւն, և երկրորդ՝ այնէ բնութիւն, զոր կամքն է ծնեալ ՚ի ձեռն հաւանական գործոցն, որպէս ասէ իմաստասէրն, թէ «Կրթութիւն ՚ի բազում ժամանակաց բնութիւն մակտացական լինի: Իսկ կամքն այն բնութենէ է սիրող, ըստ որում կրթեցաւ յերկար ժամանակս և սովորեցաւ ընդ նմա»: Եւ որպէս ամենայն ծնող սիրէ ծնեալն յինքենէ, սոյնպէս և կամքն թողեալ զծնողն իւր զբարի բնութիւնն և սիրէ զծնեալն յինքենէ զմակտացական բնութիւն և օտարացեալ յառաջին բնութենէն կապեալ է սիրով ընդ երկրորդ բնութեանն:

Եւ դարձեալ միւս ևս բնութիւնն սովորութիւն չարաց, որ իբրև բնությամբ հարկէ ՚ի վերայ կամացն: Եւ այս երկու վերջին բնութիւնքս գերեալեն զկամքն յառաջին բնութենէ, որպէս գերիչք գերեն զգաւակն ՚ի ծնողաց իւրոց՝ վասն որոյ յերկուցն յաղթեալ ոչ կարէ հետևիլ առաջնոյն: Վասն որոյ ասէ Պօղոս. **«Տեսանեմ այլ օրէնք զինեալ յանդամն մարմնոյս հակառակ օրինացն Աստուծոյ»:**

Եւ դարձեալ, զի թէպէտ և ջանայ կամքն հետևիլ բարի բնութեանն, ոչ կարէ, զի կրթեալ է ընդ չարին. վասն որոյ ասէ Պօղոս. **«Ո՛չ թէ զոր կամիմ զբարին, զայն գործեմ, այլ ուստի փախչիմ ՚ի չարէն, զնոյն կրեմ»:** Իսկ որ ասաւինի ՚ի շնորհօք Սուրբ Հոգւոյն և յօժարութեամբ ջանայ հակառակ կալ չարին, այնպիսին յաղթէ իւր գերողացն: Վասն որոյ ասէ Պօղոս. **«Ես ինքնին մտօք իմովք ծառայեմ օրինացն Աստուծոյ և մարմնով իմով օրինացն մեղաց: Այլ օրէնք Հոգւոյն կենացն ազատեցին զիս յօրինացն մեղաց և մահու»:** Որպէս յայտ է, զի բազում պոռնիկք և մաքսաւորք և աւագակք դարձան ՚ի մեղաց: Զի ամենայն որ ջանայ հակառակիլ չարին՝ փախտական լինի չարն ՚ի նմանէ: Վասն որոյ ասէ Յակոբոս. **«Կացէք հակառակ չարախօսին և լեցի փախտական առ ՚ի ձէնջ»:** Եւ մակտացական բնութիւնն, որ ծնաւ ՚ի կամաց, ջանիւ հնարի կորուսանել զնա զայն չար գաւակն: Վասն որոյ ասէ մարգարէն. **«Երանի որ կալաւ զմանկունս քո և եհար զքարի»:** Եւ այսպէս բազում աշխատութեամբ ջանայ գերծանել ՚ի գերողացն զինքն:

Հարցում՝ և թէ ոչ ոք ասէ բնութեամբ չար, բայց զի՞նչ զի մասունք Հոգւոյս, որ ՚ի մեզ բնութեամբէ, այսինքն՝ բան ցասումն և ցանկութիւն և զամենայն կողմանք սորա չարեն և ամենայն չար նոքօք լինին ՚ի մեզ: Ապա զիա՞րդ ասէ. Ոչ ոք ըստ բնութեան չար, զի ընդ բարի բնութեան են և նոքա ՚ի մեզ:

Պատասխան՝ նախ զի Հոգի եռամասնեայ է և ոչ թէ իննմասնեայ. զի այն վեցն կողմանքեն մասանց Հոգւոյն վերին և ներքին, և նոքա են եկամուտն, որ արտաքոյ բնութեանն յայս կոյս և յայն կոյս պատեալեն զնա: Եւ տէս, զի նոքա ոչեն մերում բնութենէս. զի խոհեմութեան վերին ծայրն խորամանկութիւննէ,

որէ անգագամութիւնն և այն սաստանային է, իսկ ներքինն տգիտութենէ և այն անբանիցն է:

Այսպէս և ցասումնն՝ վերին ծայրին յանդգնութիւննէ, որէ գագանացն և ներքինն երկչոտութիւննէ, որէ չնչին անասնոցն:

Այսպէս ցանկականին վերին ծայրն ժլատնէ, որէ ազահու-
թիւնն և այն մկաննէ որ շատ ժողովէ: Իսկ ներքին ծայրն շուշ-
լութիւնն, որէ անառակ վարքն, որպէս շանց և պիղծ կենդանեաց,
և յայտէ, զի նոքա ոչեն բնական մարդոյս. այլ եկամուտ և օտար:

Դարձեալ՝ զի կամքն բնութեան ծառայէ, և ոչ բնութիւնն կամացն, որպէս յայտէ, զի բարկութեանն բոց շիջանի յերկիւղէ և ցանկութեանն բոց շիջանի յամօթոյ: Եւ տէս զի բարկութիւնն և ցանկութիւնն անբանիցնէ, և ոչ մերում բնութեանս, զի թէ բնութեամբէ ցանկութիւն մեղացն ՚ի մեզ, ոչ կարէին սուրբքն յաղթել բնութեանն գործոյն և մաքուր լինել կամ յաղթել բարկութեանն և հեզ լինել, այլ գոր ինչ ճգնաւորք և սուրբքն թողին գյաւելորդան, այն ոչէր բնութեանս, այլ հետեանք կամացն, և եկամուտէր. զի թէ ցանկութիւնն բնութեամբէր, ոչ կարէին կուտութեամբ կեալ: Այսպէս և այլ կիրք եկամուտ է, որ ինչ ավելորդն է:

Դարձեալ՝ զի կամեցան և յաղթեցին կրիցն: Տէս զի ոչեն ապստամբ ՚ի կամացն հնազանդութենէ, այլ ծառայեն անձն իշխան կամացն: Եւ յայտէ, եղև զի կամքն բնութեան ծառայէ, և նոքա կամացն ծառայեն: Ապա ուրեմն ոչ են բնութեամբ ՚ի մեզ չարախտքն, որպէս ցուցաւ:

Դարձեալ՝ թէ բնութեամբէր չարն ՚ի մարդն, յայնժամ Աստուած ոչ տանջէր զմեղաւորն, այլ զի բնութիւնն անմեղէ, նա հակառակ Աստուածադիր բնութեան գործէ, վասն որոյ պատժի յԱստուծոյ: Այսքան առ այս:

11

Մետասաներորդ Հարց. Զի՞նչ է. Զարարկութիւնն ոչ ոք արկութիւն գոյացութիւննէ:

Պատասխան՝ Զար ոչ է բնութիւնն, այլ արկութիւնն, այսինքն՝ արկումն ՚ի բնութիւնս, որպէս յանօթ արկեալ իրա ինչ, օտար է և ոչ յանօթոյն բնութիւննէ, սոյնպէս և չարութիւնն, թէպէտ և մտանէ յոք բնակիլ՝ ոչ է ՚ի նորին բնութենէ. և յայտ անտի է, զի յորժամ կամի արտաքսէ, վասն որոյ ասէ. Ոչ ոք արկութիւն գոյացութիւնն է:

12

Երկուտասաներորդ Հարցումն. Զի՞նչ է որ ասէ. Ամենայն ընդդիմակքն միմեանց ապականիչք:

Պատասխանի: Այսինքն՝ որպէս հիւանդութիւն և ողջութիւն, մահ և կեանք, չար և բարի, ապականութիւն և անապականութիւն, լոյս և խաւար, ջերմ և ցուրտ, խոնաւ և չոր և այլն: Արդ ՚ի գալ միւսոյն հարկ լինի հակառակին արտաքս ելանել լուծանիլ յապականութիւն: Թէ բարին մտանէ՝ զչարն հանէ: Իսկ թէ չարն մտանէ զբարին հանէ: Վասն որոյ ասէ Տէրն. «Ոչ կարէք երկուց տերանց ծառայել» և այլն:

13

Երեքտասաներորդ Հարց. Զի՞նչ է որ ասէ. Ոչինչ է անեղ փոփոխելի:

Պատասխան: Յէիցս ոչ ինչ բնութիւն է, որ անեղ իցէ, բայց միայն Աստուած: Եւ զի անեղ է, վասն որոյ և անփոփոխելի է, զի ոչ է որպէս ստեղծական բնութիւն արարածոց, որ յոչ էից փոփոխեալ եկին ՚ի լինելութիւնն այլ նա՛ անեղ բնութիւննէ, վասն որոյ ոչ է գործ բնութեան նորա փոփոխական լինել, այլ որպէս էրն, նոյնպէս և եղիցի: Վասն որոյ ասէ Պօղոս. «Յիսուս Քրիստոս երեկ և այսօր, նո՛յն և յաւիտեան»: Զի նոյն անեղական բնութիւնն էր մարդ եղեալ և մնաց Աստուած բնութեամբ, զի Բանն մարմին եղև:

14

Չորեքտասաներորդ Հարց. Ձի՞նչէ որ ասէ. Բարի ուրեմն ոչէ անեղ :

Պատասխան: Նախ վասն չարինն ասաց թէ չարն ոչէ անեղ, և ոչ անապական: Եւ ոչ բնութիւն առանձինն և ոչ արարած Աստուծոյ, այլ ՚ի կամս ազատութեան մերոյէ հացուցանելով զնա ՚ի մեզ, կամ յոչգոյութիւն փոփոխել, զայն և վասն բարոյն ասէ, թէ ոչէ անեղ բարին: Ձի ահա Աստուած, որ բարիէ, նոյն և անեղ, և զի անեղէ նոյն և բարիէ անփոփոխելի:

Պատասխան: Ձայս ոչ վասն Աստուածային բարւոյն ասէ, որ բնութեամբէ և անփոփոխելի, այլ վասն այն բարոյն ասէ որ առ եղական բնութիւնս ներգործի բարին, որէ արարկութիւն և փոփոխական, յորմէ ասաց պարտիլ ՚ի չարէն: Ձի որպէս մեք եղականքեմք և փոփոխականք, սոյնպէս և բարին մեր եղական և փոփոխական, սոյնպէս և չարն որպէս ՚ի վերոյ ցուցաւ, զի թէ բնութեամբ էր մարդ ՚ի բարին, կամ ՚ի չարն, այլ ոչ կարէր փոփոխել: Եւ վասն որոյ այս եղական բարոյս ասաց. Թէ բարի ուրեմն ոչէ անեղ:

Դարձեալ՝ բարի ոչէ անեղ, այլ եղանելով, այսինքն նախ իմանամք զբարին, որ ծնանի ՚ի միտս, և ապա կամօք յօժարիմք և տենչմամբ ցանկամք և բանիւ խօսիմք և գործով կատարիմք: Եւ այս ամենայն եղելութիւն եղև ՚ի մեզ բարոյն: Վասն որոյ ասէ. Բարի ուրեմն ոչէ անեղ:

Դարձեալ՝ և անդրադարձի ևս, զի որ ոչ եղանի ընդ այսքան կերպիս, և ոչ զայ ՚ի կատարումն գործոյն, նա ոչէ բարի:

15

Հնգետասաներորդ Հարց. Ձի՞նչէ որ ասէ. Անեղն ոչէ ցանկացող ապականութեան ուրուք և ոչ ապականիչ:

Պատասխան, այսինքն զի որ անեղէ նոյն և բարիէ, և որ բարիէ բնութեամբ, նոյն և անապականէ: Իսկ անապականն

բարին ոչ ինքն ապականէ զոք. և ոչ ցանկա ընդ ապականութեան ուրուք: Այլև զամենեսեան կամի բարի լինել. որպէս զինքն և կեալ: Վասն որոյ ասէ Պօղոս. «Կամի զի ամենեքեան կեցցեն և ՚ի գիտութիւն ճշմարտութեան եկեսցեն»:

16

Վեչտասաներորդ Հարց. Ձի՞նչէ որ ասէ. Իսկ չարն ցանկացող է ապականութեան:

Պատասխան: Այսինքն որպէս բարին սիրող գոյով բարեաց կամի ոչ միայն զինքն, այլև զամենեսեան լինել բարի ըստ նմանութեան իւրոյ. որպէս ասէ Պօղոս. «Նմանողք ինձ եղերուք որպէս և ես Քրիստոսի»: Սոյնպէս և չարն նախ զինքն ապականեաց չարութեամբ և փափագի, զի որ չափ և ձեռնհաս լինի ներգործէ զչարութիւն նախ աստանա և ապա չարասէրքն ՚ի մարդկանէ:

17

Եօթնևտասաներորդ Հարց. Ձի՞նչէ որ ասէ. Թէ չար ուրեմն ոչէ անեղ:

Պատասխան՝ այսինքն զի չարն եղելութեամբ և գործով եղանի, և ուր զչարն ոչ կամին և ոչ գործեն ոչ եղանի: Ապա կամեցեալ չարն և գործեալն ոչէ անեղ, այլ եղելութիւն է առ ՚ի գործելն:

Դարձեալ՝ զի ասէ. Չար ուրեմն ոչէ անեղ. այսինքն՝ զի ոչ բնութեամբէ յոք՝ այլ եկամուտ: Եւ յայտ աստիէ զի չարն ոչ կարէ բռնադատել զոք յակամայ ոչ լինել բարի. նոյնպէս և բարին ոչ հարկ առնէ ումեք ոչ լինել չար, այլ նախայօժար կամք հոգւոյն ՚ի մէջ երկաքանչիւրոցն, զի յորս չարժի թէ ՚ի բարին, թէ ՚ի չարն յայն ձգէ: Եւ զայս ասէ թէ չար ուրեմն ոչէ անեղ, այսինքն՝ ոչէ բնութիւն, և ոչէ ըստ ինքեանն և ոչէ բնութեամբ յոք այլ եկամուտէ:

Ութևատասաներորդ Հարց. Ձի՞նչ է, որ ասէ. Իսկ Աստուածային գիրք տանջանաց մատնեն ոչ միայն զայլ չարսն. այլև զնոյն ինքն զբանսարկուն:

Պատասխանի թէ վասնէ՞ր մատնէ Աստուած տանջանաց զիւր ստեղծուածն: Եւ այս վասն բազում պատճառաց: Նախ զի ասաց թէ ոչ ոք ըստ բնութեան չար. զի բնութեամբ բարի ստեղծան ՚ի բարի արարչէն: Եւ բնութիւնն ոչէ չար որ Հարկ առնէ ՚ի մեղանչելն: Եւ վասն այս պատժի յանցաւորն:

Նախ զի բնութիւնն բարի է:

Երկրորդ՝ զի կամքն բնութեաննէ ծնունդ՝ և ո՛չ բնութիւնն կամացն:

Երրորդ՝ զի կամքն բնութեանն Հնազանդի և ծառայէ, և ոչ թէ բնութիւնն կամացն Հնազանդի:

Չորրորդ՝ զի կամքն բնութեաննէ սնընդակից և ոչէ օտար ՚ի նմանէ:

Հինգերորդ՝ զի կամքն ՚ի նոյն անձին բնութենէնէ, և ոչ արտաքոյ անձինն:

Վեցերորդ՝ զի չարն օտարէ ՚ի բնութենէն, և եկամուտ:

Եւթերորդ՝ զի կամքն զիւր ծնօղ և գանընդակից բնութիւնն թողու և ընդ օտար չարին սէր կապէ:

Ութերորդ՝ զի զբարին որ Աստուծոյ է ստեղծեալ թողու և չարն որ ոչէ ստեղծեալ Աստուծոյ նմա Հետևի:

Իններորդ՝ զի բարին, որ հոլթիւն է որպէս լոյս թողու և չարն, որ պատահումն է որպէս խաւար նմա ցանկայ:

Տասներորդ՝ զի նախատիպ բարւոյն Աստուածէ, և չարն, որում աստանայ նախատիպէ, այնմ ցանկայ:

Մետասաներորդ՝ զի բարւոյն նախատիպն անեղէ և անփոփոխ, իսկ չարին նախատիպն աստանայէ որ փոխեցաւ ՚ի բարւոյն ՚ի չարն զայն սիրէ:

Երկուտասաներորդ՝ զի յէական բարոյն ոչէ օտար բնութիւնս այլ

ըստ պատկերի և ըստ նմանութեան անճառ բարոյնէ ստեղծեալ բնութիւնս: Եւ զայն թողու և օտարին և չարին ցանկայ կամքն:

Երեքտասաներորդ՝ զի էական բարին կամակիցէ Հաղորդս առնել զմեզ բարոյն և ոչ թէ Հակառակ՝ զի կամի զամենայն մարդ զի կեցցեն և ՚ի գիտութիւն ճշմարտութեան եկեացեն: Եւ որ զայն թողու և իւր Հակառակ թշնամոյն Հետևի յերաւի պատժի:

Չորեքտասաներորդ՝ զի բարին օգնականէ բնութեանս, իսկ չարն Հակառակ, և որ նմա Հետևի՝ պատժի:

Հնգետասաներորդ՝ զի բարին պէսպէս պարգևք խոստանայ մեզ, աստ և ՚ի Հանդերձեալն: Իսկ որք զնա ատեն յերաւի պատժին և զրկին ՚ի բարեաց:

Վեչտասաներորդ՝ զի չարեացն պատիժ խոստանայ Աստուածային գիրք աստ և ՚ի Հանդերձեալն. և որ ոչ լսէ և որ ոչ դառնայ ՚ի չարեաց, յերաւի պատժի աստ և անդ:

Եւթնևտասաներորդ՝ զի բարեաց գործողքն օրինակեն մեզ, որ պարգևս առին յԱստուծոյ, որպէս Ենովք և Եղիայ, Նոյ, Աբրահամ, Մովսէս և այլ ամենայն սուրբք, որք պէսպէս Հրաչս գործեցին, և որ այնմ ոչ ցանկայ պատժելոց է:

Ութևտասաներորդ՝ զի գործողք չարին որ պատուհասեցան օրինակեն մեզ: Որպէս աստանեայ և Ադամ և Կայեն և որք ջրհեղեղեաւն կորեան, և սողոմայեցիքն որք Հրով այրեցան: Իսկ որ զայն տեսեալ ոչ դառնայ ՚ի չարէն, արժանիէ նոցա պատժոցն:

Իննևտասաներորդ՝ զի և զգալապէս տեսանեն, որ վասն չարեաց պատուհաս լինի. մահտարածամ, և սով և չարժ, և սրածութիւն, և գերութիւն, և մորեխ և թրթուր, և գայլ և գազան և այլ այսպիսիք, և ոչ ատեն զչարն: Վասն որոյ յերաւի պատժին:

Քսաներորդ՝ զի ինք անեղական բարին Աստուած եկն յաշխարհս, և նմանակից մեզ եղև, զի մեք նմանեցուք նմայ: Եւ արեամբ և մահուամբ ազատեաց զմեզ յառաջին չարեացն և ՚ի պատժոցն, և դժոխոցն և ՚ի մահուանէ: Իսկ որ զայս ամենայն գիտացեալ և դարձեալ Հետևող լինի չարոցն յերաւի պատժի, այլև պարտական անմահ մահուանն Աստուծոյ. որ վասն մեր մեռաւ ՚ի

խաչին և անպարտ արեանն, գոր եհեղ վասն մեր 'ի խաչին: Եւ զի կամաւ և յօժարութեամբ զչարն սիրեցին, որ այսքան օտարէ 'ի բնութենէս, և զբարին ատեցին որ այսքան մերձ և բնութենակից մեզ: Վասն որոյ յիրաւի, գոր ասէ թէ ամենայն Աստուածա- յին գիրք պատժոց մատնեն զգործող չարին:

Հարց: Զի՞նչ է չարն:

Պատասխան: Չարն նախ զի ոչ է անեղ այլ 'ի գործելն եղա- նի, որպէս զհետ յուրուք վերայ, որ յընթանալն գոյանայ:

Երկրորդ՝ զի և ոչ է հուծիւն առանձին արտաքոյ եղականացս:

Երրորդ՝ զի և ոչ է հուծիւն նման եղելոցս յԱստուծոյ, զի ոչ է իր և գոյութիւն այլ պատահումն, որ պատահին գործել զնա: Այլ և չարն պակասութիւն բարւոյէ, որպէս խաւարն պակասու- թիւն լուսոյէ, այլ և ապականիչ և չարչարող և այլ այլօղէ ու- նողին զնա:

Հարց: Զի՞նչ է թէ և ամենայն աստուածային գիրք տանջա- նաց մատնեն զչարսն: Եւ յորում տեղւոջ ասեն գիրք թէ տանջե- լոցեն չարքն:

Պատասխան: Յայտէ 'ի բազում բանիցս: Նախ զի ասէ Տէրն թէ. «Զչարսն չարեաւ կորուսցէ»:

Երկրորդ՝ զի ասէ. «Ամենայն ծառ, որ ոչ բերէ պտուղ բարի հատանի և 'ի հուր արկանի և այրի»:

Երրորդ՝ զի ասէ Մկրտիչն. «Զի արդ փախնուցուք 'ի բարկու- թենէ գեհենոյն»:

Չորրորդ՝ Եսայի ասէ՝ «Ո՞ պատմեաց ձեզ թէ հուր բողբոջեալ կայ»: Եւ դարձեալ ասէ. «Որդն նոցա ոչ մեռանին, և հուրն ոչ շիջանի»:

Հինգերորդ՝ Դաւիթ ասէ՝ «Որպէս հալի մոմ առաջի հրոյ այն- պէս կորիցին մեղաւորքն յերեսացն Աստուծոյ»:

Վեցերորդ՝ Տէրն ասէ՝ «Որ բարկանայ եղբօր իւրում տարա- պարտուց, պարտական լիցի գեհեան հրոյն»:

Եօթերորդ՝ զի ասէ. «Կապեցէք զդորա զձեռս և զոտս, և հա- նէք զդա 'ի խաւարն արտաքին անդ եղիցի լալ և կրճել ատամանց»:

Ութերորդ՝ զի ասէ Պօղոս՝ «Եթէ ոք կամակար մտօք յանցա-

նիցէ յետ ընդունելութեան գիտութեանն, այնուհետև ոչ ևս է պի- տոյ վասն մեղաց պատարագ, այլ ահեղ ակնկալութիւն դատաս- տանին և նախանձ հրոյ, որ ուտիցէ զհակառակորդսն իւր»:

Իններորդ՝ զի Եսայի ասէ թէ անկցին 'ի սուր նորա ամենայն երկիր և 'ի հուր նորա ամենայն մարմին:

Տասներորդ՝ զի և ինքն Տէրն ասէ. «Երթայք յինչն 'ի հուրն յաւիտենից որ պատրաստեալէ սատանայի և հրեշտակաց նորայ»:

Մեասաներորդ՝ զի և ինքն սատանայ գիտէր որ տանջելոցէր, վասն որոյ ասէր. «Մի յառաջ քան զժամանակն տանջեր զմեզ»: Եւ այլ բազում բան խօսին գիրք վասն տանջանացն:

Հարց: Ուստի՞ գիտէ սատանայ, թէ տանջելոցէ յաւիտեան:

Պատասխան՝ նախ կշռելով զչարութիւն իւր ընդ արդար իրաւանցն Աստուծոյ գիտէ, զի ոչ է ներելոց նմայ:

Երկրորդ՝ զի յորժամ հակառակեցաւ Աստուծոյ գիտէ զվնաս անձին իւրոյ, և կշռէ 'ի միտս իւր զարժան պատիժն:

Երրորդ՝ զի յորժամ 'ի բարւոյն 'ի չարն փոխեցաւ, գիտէ որ չարն առ ինքնէ և չարչարելոցէ զնա:

Չորրորդ՝ զի որպէս բարին Աստուած 'ի հանգիստ փառացնէ. սա- պէս և նա 'ի դիմակէն իմացաւ, թէ որքա՞ն բարին 'ի հանգիստնէ, նոյնքան չարն որ հակառակնէ բարւոյն՝ չարչարելոցէ յաւիտեան:

Հինգերորդ՝ զի փորձիւ տեսաւ որպէս հիւանդն որքան ծան- րանայ գիտէ թէ 'ի մահն մերձանայ: Այսպէս և նա ետես, զի նախ 'ի բարւոյն մերկացաւ և յերկնից անկաւ և ամենայն չար պատե- աց զնա և ամենայն դառնութիւն և տրտմութիւն տիրեաց նմա և իմացաւ թէ այն սկիզբն 'ի մեծ կատարումն կու տանի զնա, այսինքն՝ յանանց տանջանան:

Վեցերորդ՝ զի և սրատես մտօք իմանայ զլինելոցն իւր:

Եօթերորդ՝ զի յորժամ զԱդամ խաբեաց և զբնութիւնս յամե- նայն չարիս հարկ և զԱստուած 'ի խաչ եբեր, գիտէ որ այն ամե- նայն չէ մնալոց նմա յարդար իրաւանցն յԱստուծոյ:

Ութերորդ՝ զի յամենայն օր 'ի ժամ շնորհաբաշխութեան Աստուծոյ հրեշտակացն և նոքա դեքն ձգտին զառ 'ի վեր մինչև

յաստղալից երկինն զի առցեն զլոյս շնորհին ընդ այլ Հրեշտակացն որպէս սովորէին նախքան զանկումն առնուլ յայնմ շնորհէն, սոյնպէս և այժմ ձկտին զառ ՚ի վեր, այլ փոխան լուսոյ զարժանն ՚ի իւրեանց զբարկութիւնն Աստուծոյ առնուն: Զի զլոյս շնորհին Հրեշտակք առնուն, իսկ զայրեցողութիւն տապոյ բոցոյն դեքն: Վասն որոյ ասէ մարգարէն. «Արկցես ՚ի վերայ նոցա զբարկութիւն քո»: Եւ թէ. «Արկցես ՚ի վերայ նոցա զկայծակունս Հրոյ կործանեսցես զնոսա ՚ի տառապանացն ոչ կարասցեն կեալ»: Եւ որպէս թիթեղն անյազ ընթանայ ՚ի բոցն և այրեցեալ անկանի և դարձեալ երթայ ցանկութեամբ լուսոյն: Այս օրինակ նոցա և միշտ գործէ նոցա այս, և բնութիւնն շարժէ յայն զի յամենայն օր պատժեսցին:

Դարձեալ՝ արդար իրաւունքն Աստուծոյ շարժէ զնոսա յայն, զի յամենայն օր պատժեսցին, և տուժեսցին ՚ի կայծականց բարկութեան Աստուծոյ, և որպէս Հրեշտակացն ազդումն ուրախութեան լինի, և գիտութիւն Հանդերձելոցն, այսպէս և բարկութիւն Աստուծոյ տայ զազդումն ըստ արժանեացն, զոր կրելոցեն նոքա ՚ի Հանդերձեալն զտանջանսն յաւիտենական:

Տասներորդ՝ զի զգալապէս ՚ի Քրիստոսէ լսեցին նոքա որ ասաց. «Երթայք յինէն անիծեալք ՚ի Հուրն յաւիտենական, որ պատրաստեալ է աստանայի և Հրեշտակացն նորա»: Եւ վասն այսքան պատճառիս գիտեն նոքա զի տանջելոցեն: Վասն որոյ ասէին մի յառաջ քան զժամանակն տանջեր զմեզ:

Իննևտասաներորդ Հարց. Զի՞նչէ որ ասէ. Ասեն և ամենայն տանջանաց մատնեալն այլ այլելիէ: Վասն որոյ ասէ թէ ամենայն տանջանաց մատնեալն այլայլելի է:

Պատասխան. Այսինքն՝ գիրք ասեն զայս. թէ ամենայն որ տանջանաց մատնի այլ այլի յիւրմէ բնութենէն: Եւ յայսմ բանէ յայտնիէ թէ չարն ոչէ անեղ, այլ եղական, և փոփխական. վասն զի տանջի, և վասն տանջանացն այլայլի:

Քսաներորդ Հարց. Զի՞նչէ որ ասէ. Ոչ ոք այլ այլելի անեղ: Պատասխան: Զի որ տանջանօքն այլայլի յիւրմէ բնութենէն, զիա՞րդ իցէ անեղ: Եւ յայտ է, զի չարն աստանայ ոչէ անեղ, զի բազում յեղեղմունք կրեսց նա:

Նախ՝ զի յոչէից յէութիւն եկն:

Երկրորդ՝ զի բարի ստեղծաւ յԱստուծոյ և յետոյ ՚ի չարն յեղեցաւ: Երրորդ՝ զի այժմ ՚ի չարչարման կայ ՚ի չար խորհրդոց իւրոց: Վասն որոյ ասէ Եսայի. «Ոչ գոյ խաղաղութիւն ամբարշտաց, ասէ Տէր», և յայտէ, զի դեքեն ամբարիշտք: Եւ դարձեալ. «Անօրէնք իբրև զծովս ծփեսցին և Հանգիստ մի գտցեն», և նոքանն առաջին անօրէնքն:

Իսկ չորրորդն, զի չարչարանքն տանջելոցէ զնոսա:

Հինգերորդ՝ զի տանջանքն այլ այլելոցէ զնոսա ՚ի մէջ անշէջ բոցոյն: Եւ յորս այս ամենայն յեղեղմունք լինի, զիա՞րդ կարիցէ լինել անեղ:

Իսկ որ ասէ. ոչ ոք այլ այլի անեղ, այսինքն՝ Աստուած, զի անեղէ և ոչ այլ այլի:

Նախ՝ զի ոչէ եղեալ յուժեքէ, այլ անեղ էութիւնէ:

Երկրորդ՝ զի անեղէ և ոչ կարէ այլ այլի. այլ մնայ յիւր էական բնութենէն անփոփոխելի:

Քսաներորդ և առաջին Հարց. Զի՞նչէ որ ասէ. Ոչ ինչ ՚ի չարեացն անեղ:

Պատասխան: Այս յայտ է յամենայն ուստեք զի որ այլ այլի բնութիւնն, ոչ ունի զանեղութիւնն, իսկ որ բազմաւորակի դնէ, թէ ոչ ինչէ ՚ի չարացն անեղ, այսինքն՝ նախ զի չար ինքն անեղ ոչէ:

Երկրորդ՝ զի բնութիւն ոչէ:

Երրորդ՝ զի ՚ի բնութենէ ոչէ:

Չորրորդ՝ ըստ ինքեան առանձին հոլթիւն ոչ է:

Հինգերորդ՝ զի ամենայն մասունք չարեացն գործելովն եղանին, վասն որոյ ասէ. ոչ ինչ 'ի չարեացն է անեղ:

Դարձեալ՝ ոչ ինչ 'ի չարեացն անեղ, այսինքն՝ զի բազում եղելութիւն առնէ չարն, յորս գործով գոյանայ, այսինքն՝ ապականութիւն և մահ և դատապարտութիւն և զամօթն յաճեղ ատենին և գտանջանքն յաւիտենից և զայլայլելն 'ի մէջ Հրոյ բոցոյն և զանանց փոշիմանութիւնն, զլալ աչացն և կրճել ատամանցն. զայս ամենայն յեղեղմունքս առնէ չարն, յորս գոյանայ գործով: Վասն որոյ ասէ ոչ ինչ է 'ի չարեացն անեղ: Արդ որ մի անգամ եղացուցանէ զչարն յինքեան. յետ այսորիկ չարն զայս ամենայն եղելութիւնս գործէ ընդ նմա, զի նա որ զչարն ծնաւ յետոյ չարն զամենայն թուունքս ծնանին նմա տոհմականաւ:

22

Քսաներորդ և երկրորդ Հարց. Ձի՞նչ է, որ ասէ. Որ բոլորովին ընդդիմակքենն, ոչ ունին հաւասար:

Պատասխան: Այսինքն՝ զի են որ մասամբ ինչ հակառակին միմեանց և մասամբ ինչ հաւասարին, որպէս տարերք և եղանակք: Եւ են որ ամենայն հարկիւ հակառակեն միմեանց որպէս լոյս և խաւար, մահ և կեանք, չար և բարի:

Դարձեալ՝ զի բնութիւնք ստեղծուածոց բարիեն 'ի բարի սրարձէն ստեղծեալ, իսկ կամքն չար և հակառակ նմին, այսինքն՝ 'ի միում անձին բնութիւնն բարի և կամքն չար ընդդիմակք են միմեանց:

23

Քսաներորդ Հարց. Ձի՞նչ որ ասէ. Քանզի ամենայն հարկաւորութեամբ որ միումն գոյացեալ միւսումն ոչ գոյանայ:

Պատասխան. Այսինքն ոչ 'ի մասնաւոր հարկէ, այլ ամենայն հարկաւորութեամբ, զի որ լոյսէ գոյացեալ, ոչ կարէ փոխիլ և

խաւար լինել: Սոյնպէս և ոչ խաւարն լոյս, և ոչ մահն կեանք, կամ կեանքան մահ, և ոչ չարն բարի, կամ բարին չար, սոյնպէս և ոչ եղականն անեղ կարէ լինել և ոչ անեղն եղական:

Իսկ անեղն Աստուած թէպէտ մարդ եղև՝ նոյն հոլթիւննէր մարմինն, և նոյն բնութիւննէր մարդացեալն որ անեղ Աստուածութիւննէր, զի եղև մարդ և մնաց Աստուած որպէս ասէր. «Շօշափեցէք և տեսէք, զի ես նոյնեմ»:

24

Քսաներորդ և չորրորդ Հարց. Ձի՞նչէ որ ասէ. Եւ է գոյացեալ բարութիւն գոլով անեղն: Եւ զի՞նչէ զի նախ ասաց վասն բարւոյն, թէ է անեղ, իսկ այժմ ասէ. թէ բարութիւնն գոյացեալ է անեղն:

Պատասխան. ոչ թէ մի և նոյն բարութիւննէ գոյացեալ և է անեղ. այլ այսէ, զի կրկին ցուցանէ զկերպարանս բարւոյն, այսինքն՝ զմիման անեղական բարի, որէ անեղ բնութիւնն Աստուծոյ՝ միշտ և անփոփոխելի, իսկ զմիւսն եղական բարի, որ առ եղականս գոյանայ՝ որէ արարկութեամբ և փոփոխական, զոր և պարտեալ ասէ 'ի չարէն:

Դարձեալ՝ ասէ. է՛ գոյացեալ բարութիւն գոլով անեղն. այսինքն՝ զանեղանելին լինելութիւն ասէ որ անեղն Աստուած մարդ եղև:

Հարց. Ձի՞նչէ զանազանութիւն եղական բարւոյն և եղական չարին, որ 'ի մէնջ եղանի:

Պատասխան. Չանազանին 'ի միմեանց եղական բարին և եղական չարն: Նախ զի բարին յԱստուծոյ է ստեղծեալ, ըստ այնմ, թէ. «Ամենայն տուրք բարիք և ամենայն պարգևք կատարեալք 'ի վերուստեն իջեալ առ 'ի Հօրէն լուսոյ, որում չիք փոփոխումն կամ շրջելոյ ստուեր»:

Երկրորդ՝ զի բարին հոլթիւն է:

Երրորդ՝ զի բարին 'ի բնութեան մերումէ:

Չորրորդ՝ զի բարին օգնականէ բնութեան մերում:

Հինգերորդ՝ զի բարին բազում փառաց արժանացուցանէ զմեզ :
Վեցերորդ՝ զի եղական բարին միջնորդ լինի ընդ մեզ և ընդ անեղական բարին և հաղորդէ զբանական բնութիւնս անեղական բարւոյն :

Եւթներորդ՝ զի հոմանունէ եղական բարին անեղական բարոյն :
Ութերորդ՝ զի զայս բարիս որպէս նիւթ լինի, իսկ անեղական բարին զարդարիչ և տեսակաւորիչ նմա, որպէս սեռն տեսակաց :

Իններորդ՝ սա ենթակա լինի և նա ստորագի :

Տասներորդ՝ սա ծանօթ և ասպընջական, իսկ նա եկաւորեալ առ նա, ըստ այնմ, թէ՛ «Ոք զպատուիրանս իմ պահեսցէ, ես և Հայր իմ առ նա եկեսցուք և օթևանս առ նմա արասցուք» : Իսկ չարն դիմակէ սորին :

Նախ՝ զի ոչէ գոյացեալ յԱստուծոյ :

Երկրորդ՝ զի ոչ ունի էութիւն :

Երրորդ՝ զի ոչ լինի ՚ի բնութենէ, այլ ՚ի կամացն, որ երկրորդ է բնութեան :

Չորրորդ՝ զի ներհակ և ասպականիչ է բնութեան :

Հինգերորդ՝ զի չարն բազում պատուհմունս բերէ ունողին :

Վեցերորդ՝ զի չարն միջնորդութեամբ ընդ սատանայի կապակցէ զունողն և ընդ նմա դասակցէ :

Եօթներորդ՝ զի չարն հոմանունէ աստանայի :

Ութերորդ՝ զի չարն նիւթ լինի աստանայի, և նա որպէս տեսակաւորիչ և էացուցիչ նմա :

Իններորդ՝ զի չարն ենթակայ լինի և աստանայ ստորագեալ ՚ի վերայ գործողին :

Տասներորդ՝ զի չարն անօթ և ասպընջական լինի, և աստանայ՝ բնակիչ նորին, ըստ այնմ, զի ասէ. «Յորժամ այսն չար ելանէ ՚ի մարդոյն, չըջի և ոչ գտանէ հանգիստ, ասէ՛ դարձայց ՚ի սուռն իմ, ուստի ելի՛ զայ գտանէ զնա մաքրեալ և յարդարեալ և երթայ առնու ընդ իւր եօթն այլ այսա չարագոյն քան զինքն և երթեալ բնակէ անդ, և լինի մարդոյն այնորիկ յետինն չար քան զառաջինն» :

Հարց. Զի՞նչէ որ ասէ. Միշտ պատրեագմին ընդ մեզ բարին և չարն, որպէս ջերմութիւն և ցրտութիւն :

Պատասխան. Այսինքն, զի բարին էացեալ է ընդ բնութեան մեքում, իսկ չարն հետեի կամացն : Եվ որպէս այլ է բնութիւնն, և այլ է կամքն, սոյնպէս և բարին և չարն ենթակայութիւն կռուին ընդ միմեանս, որպէս զինուորքն երիվարօքն :

Երկրորդ՝ զի բնութիւնն միատեսակ բարի ունի, իսկ կամքն զանազան չարի հետեի և հաւանի նոցին :

Երրորդ՝ զի երբեմն բնութիւնն բարեաւն յաղթէ ՚ի վերայ անձինն և երբեմն կամքն յաղթէ անձինն :

Չորրորդ՝ զի չարն ՚ի վերայ բնութեանն ոչ կարէ ներգործել, զի բնութիւնն ոչ այլ այլի ՚ի նոյն գոյոյն, իսկ չարն զկամքն երեք իրօք յաղթէ :

Նախ զի որպէս չարն ոչ է բնութիւն, սոյնպէս և կամքն ոչ է բնութիւն, այլ հետևող բնութեան :

Երկրորդ՝ զի որպէս չարն այլ այլ է ՚ի բարոյն, սոյնպէս և կամքն ունի այլ այլութիւն :

Երրորդ՝ զի կամքն հաւանականէ, վասն որոյ չարն Հնարի հաւանեցուցանել զնա արկածից իւրոց և սոյնպէս միաբանեալ չարն ընդ կամացն՝ պատրեագմի ընդ բարի բնութիւն :

Հինգերորդ՝ չարն ՚ի ձեռն զգայարանացս պատրէ զանձն և կռուի ընդ բարւոյն, այսինքն զի զգալի բարութիւնս աստէն և այժմէն իսկ բարեաց փոխարէնքն՝ ոչ աստեն և ոչ այժմ, այլ ՚ի հանդերձեալն լինի և յերկինս և զգայարանօքն զայս տեսանէ, որ աստէ և այժմ և զայն ոչ տեսանէ : Վասն որոյ այսմ առաւել հաւատայ զոր տեսանէ :

Վեցերորդ՝ զի չարն ընդ հարկաւոր կիրսն խառնելով զաւելորդութիւն յաղթէ մարդոյն : Վասն որոյ ասէ մարգարէն. «Փրկեա զիս ՚ի մերձաւորաց իմոց, զի կարեօք Հասին ՚ի վերայ իմ» : Այսինքն, զոր ինչ կարիքէ բնութեանս նոքօք մարտնչին ընդ մեզ մերձաւոր դէքն :

Եօթերորդ՝ զի երբեմն զքաղցրութիւնն Աստուծոյ տան մտա-

ծել և գներողութիւնն և գմեղան փոքրացուցանեն յաչս գործողին, ասելով թէ այդ փոքր յանցանքդ, զի ա՞րդ յիշուին առ քաղցրութիւնն Աստուծոյ:

Ութերորդ՝ զի երբեմն գբարկութիւնն Աստուծոյ յիշել տան և զփոքր յանցանքն ծանր ցուցանեն մարդոյն, ասելով ընդ միտս, թէ զի ա՞րդ լինի քեզ ազատել ՚ի բարկութենէն Աստուծոյ և յարդար իրաւանցն նորայ, վասն որոյ ասէ մարգարէն. «**Բազումք ասէին զանձնէ իմմէ, թէ չիք փրկութիւն նորայ առ Աստուած իւր»:**

Իններորդ՝ զի զբարին ՚ի Հանդերձեալն տան ձգել, թէ յորժամ ծերանաս՝ ապաշխարես, և յորժամ Հիւանդանաս՝ խոստովանիս, և որ յուսով մեղանչէ, անյոյս կորնչի:

Տասներորդ՝ զի նախ սովորութեամբ կրթեն ՚ի մեղն և այն կրթութիւնն բնութիւն մակստացական դառնայ, և այլ ոչ կարեն ՚ի սովորական մեղացն դառնալ, զի սովորութիւնն վերակացու լինի որպէս բռնաւոր և միշտ մեղանչել տայ գործողին զինքն: Վասն որոյ ասէ. «Միշտ պատերազմին ընդ մեզ բարին և չարն»: Վասն որոյ ասէ Պօղոս. «Ոչ թէ զոր կամիմ զբարին զայն գործեմ, այլ ուստի փախչիմ ՚ի չարէն զայն կրեմ»:

25

Քսանսահրեբորդ Հարց. Ձի՞նչէ որ ասէ. Չար ուրեմն ոչ ինչ գոյանայ յայսցանէ, բայց միայն չարութիւն:

Պատասխան. Չի նախ կրկին ասաց զբարին, այսինքն նախ գանեղական բարին, որէ Աստուածային բնութիւնն: Երկրորդ՝ զեղական բարին, որ առ եղականս գոյանայ, իսկ չարն յայսցանէ ոչ ունի:

Նախ զի Աստուած գոյէ և անսկիզբն և բարի և անեղական բարի և բաշխող բարութեանց հիցս, իսկ չարն յայսցանէ ոչինչ ունի, զի չարն ոչէ գոյ և ոչ անսկիզբն և ոչ բարի և ոչ անեղական բարի և ոչ բաշխող բարութեանց հիցս, այլ միայն չարութիւնն: Իսկ ընդդէմ եղական բարոյն: Նախ զի բարին յԱստուծոյ է ստեղծեալ և էութիւն է, և ՚ի բնութեան ունի զգոյն և բարի-

է և փառաց Հասուցանէ, իսկ չարն ուրեմն ոչ գոյ յայսցանէ, բայց միայն չարութիւն:

Դարձեալ որպէս ՚ի վերոյ ցուցաւ տաս ազգ զանազանութիւն բարոյ և չարի, և այն տաս կերպիւն ներհակէ չարն բարոյն, վասն որոյ ասէ. Չար ուրեմն ոչ ինչ գոյ յայսցանէ, բայց միայն չարութիւն:

Դարձեալ օրինակաւ, զի որպէս խաւարն ոչ այլ ինչ կարէ ձևանալ, բայց միայն մթին կերպարանս, սոյնպէս և չարն ոչ անմահութիւն և ոչ անապականութիւն կարէ լինել, և ոչ զոր այլ բարեաց մասունքն ունին, բայց միայն մահ և ապականութիւն:

26

Քսանսահրեբորդ Հարց. Ձի՞նչ է, որ ասէ. Ամենայն որ իրաւացի փափագէ ումեք, յարմարեալ ունի զփափագումն, եթէ դիւրաբանութեամբ բաղձայցէ:

Պատասխան. Նախ զայն ասէ, թէ զի՞նչ իրաց փափագէ մարդ, թէ բարոյ թէ չարի յարմարեալ ունի զփափագումն, այսինքն, որոց և ցանկայ յարմարի բնութիւնն ընդ ցանկալիսն: Չոր օրինակ օղն փոփոխի ՚ի Հակառակն, այսինքն՝ ՚ի լոյս և ՚ի խաւար, ՚ի ջերմ և ՚ի ցուրտ: Եվ որպէս ջուրն յո՞ր ծառ որ երթայ ՚ի նոյն պտուղն փոխի, սոյնպէս և մարդն երբեմն ՚ի բարին և երբեմն ՚ի չարն փոփոխի անձն իշխան կամօք:

Դարձեալ ասէ. ամենայն որ իրաւացի փափագէ, յարմարեալ ունի զփափագումն, այսինքն իրաւացին այնէ, յորժամ բարոյն փափագէ, որէ Աստուածայինն, որէ անեղական բարին. և զմեզ պատկերակից արար բարութեան իւրում: Եվ բարին յԱստուծոյ և զբնութիւնս բարիէ ստեղծեալ: Եվ բազում բարութիւնս խոստանայ բարեացն: Վասն որոյ այսէ իրաւացի փափագումն. որ նախատպին մերոյ ցանկամբ որոյ զգօրութիւն բարոյն տնկեալէ ՚ի բնութիւնս մեր, և որ այսպէս իրաւացի փափագէ ումեք, յայնժամ յարմարեալ ունի զփափագումն, այսինքն՝ զի բարի բնութիւնս յօժարի ՚ի բարին, զի բնութեանակիցէ բարոյն, այսինքն՝ եղական բարոյն և

նմանէ անեղական բարոյն: Վասն որոյ ասէ իրաւացի փափագումն, թէ դիւրութեամբ բաղձայցէ: Այսինքն՝ զի բնութիւնս դիւրացանկայ բարոյն քան չարին բայց կամք մարմնոյս՝ որ հետեւի չարին՝ և ոչ բնութիւնն:

Դարձեալ դիւրաբանութեամբ բաղձայցէ, այսինքն զի վասն ցանկալոյ բարոյն ամենայն դժուարինք ՚ի դիւրինս փոխին բարէսիրին, որպէս կուտութիւն և, մարտիրոսութիւն, և ճգնութիւն և ամենայն խստակրօն վարք դիւրին թուի գործողին: Իսկ անիրաւ փափագումն յորժամ մարդ չարին փափագի, որք զփախչելին փափագելի առնէն և զզազրելին բաղձալի, և զատելին սիրելի:

Դարձեալ անիրաւ փափագումն, զի չարն օտար է ՚ի մեր բնութենէս:

Դարձեալ զի ոչ է ստեղծուած յԱստուծոյ և ոչ է էութիւն և ներհակէ բնութեանս մեր, և մահ և ապականութիւն բերէ, և յանանց տանջանան մատնէ գունդն, վասն որոյ անիրաւէ, որ այս ամենայն չարեացս փափագէ: Վասն որոյ ասէ ապա ուրեմն յապալկանացուցանէ չարութիւն:

27

Քսանեւթներորդ Հարց. Զի՞նչ է որ ասէ. Եւ թէ յապականացուցանէ, ապականի և ինքն:

Պատասխան. Որպէս ապականեալ մասն ինչ նիւթոյ՝ յորժամ խառնի յայն ինչ նիւթ, որ պարզ է ըստ բնութեան, ապականէ զնոսին, և ընդ ապականելն զայլսն ապականի և ինքն ընդ նոսին: Այսինքն՝ որպէս հին խմոր, որ զնոր խմորեալն այլ այլ է և ծորէ և ապականէ, և ապականի ինքն ընդ նմայ, և որպէս քացախն որ ապականեալէ ապականէ յորս խառնի, և ապականի և ինքն ընդ նմին: Զի յորժամ զքացախն ՚ի վերայ կրին ածեն քակէ զնա յիւր բնութենէն և ապականէ զչինուածն. և ապականի և ինքն ընդ նմին: Սոյնպէս և չարն յորս մերձի, ապականէ և ապականի ինքն ընդ նմին ՚ի կորնչել ենթակային:

28

Քսանութերորդ Հարց. Զի՞նչ է որ ասէ. Թէ և ապականեալն ոչ է անեղ:

Պատասխան. Զի որ ընդ ապականիլն յեղեղմունք կրէ՝ զիա՞րդ իցէ անեղ:

Դարձեալ զի սատանայ բազում եղելութիւն կրեաց, և ոչ ասի անեղ:

Նախ զի ոչ է ից փոփոխեցաւ:

Երկրորդ՝ զի ՚ի բարոյն փոփոխեցաւ ՚ի չարն:

Երրորդ՝ զի չարութեամբն իւրով փոխեաց զայլսն ՚ի չարն:

Չորրորդ՝ զի վասն չարութեան փոփոխի ՚ի տանջանս:

Հինգերորդ՝ զի տանջանօքն այլ այլի յիւր էութենէն:

Վեցերորդ՝ զի այլայլութեամբն ապականի բնութիւնն: Եւ որ զայս ամենայն յեղեղմունս կրեաց, զիա՞րդ իցէ անեղ: Վասն որոյ ասէ ապականեալն ո՛չ է անեղ:

29

Քսանիններորդ Հարց. Զի՞նչ է որ ասէ. Եւ եթէ անեղ իցէ ըստ բնութեան, նմա գոյանայ չարագոյն:

Պատասխան. Այսինքն՝ թէ անեղէր, չարութիւնն յայնժամ գոյացութիւն լինէր յառաջ եկեալն ՚ի նմանէ չարն: Եւ յորժամ ցուցաւ թէ չարն ոչ է անեղ, ապա և այլ չարն ՚ի նմանէ յառաջ եկեալ, ոչ ունի էութիւն, այլ պատահումնէ չարն, և պակասութիւն բարւոյ, որպէս խաւարն պակասութիւն լուսոյէ: Այլ ոչ անեղութիւնէ չարն, և ոչ ըստ բնութեան նորա գոյանայ չար գոյն:

Այսինքն՝ զի ոչ սատանայ անեղ է, և ոչ չարն բնութիւն, որ մնացական լինի, այլ որպէս պատահումնէ, որ կորնչի յապականիլ ենթակային:

30

Երեսուներորդ Կարց. Զի՞նչէ որ ասէ. Ոչ ոք ըստ բնութեան գործելով մեղանչէ:

Պատասխան. Այսինքն՝ թէ չարն բնութեամբէր յոք, ոչ լինէին ընդ մեղադրութեան պատժօք ունողքն չարին: Այլ զոր բնութիւնն պահանջէ և գործէ զհարկաւորական կիրան ոչ մեղանչէ, որպէս ուտելն, և ըմպելն, և ննջելն բնութեան կիրք է և ոչ մեղանչումն:

Դարձեալ թէ բնութեամբ էր չարն, ոչ ոք կարէր կուսան լինել. կամ պարկեշտ. զի բնութեան կրից ոչ ոք կարէ յաղթել: Այլ զի բնութիւնս բարիէ՝ ի բարի արարչէն ստեղծեալ, իսկ չարն եկամուտ, վասն որոյ զօտարն ՚ի բնութենէն և զեկամուտն դիւրինէ հանել, որպէս արարին սուրբքն:

31

Երեսուներորդերորդ Կարց. Զի՞նչէ որ ասէ. Չար ուրեմն մեղանչէ:

Պատասխան. Մի ոք կարծիցէ թէ չարն բնութեամբ է ՚ի մեզ. և վասն այն կարծէ անպարտէ զգործողսն՝ ասելով բնութեան հարկն տայ մեզ մեղանչել. և գործողն անպարտէ: Այլ ծանիցէ, զի բնութիւնս անմեղէ, և բարի ստեղծեալ: Այլ չարն մեղանչէ, որ օտարէ ՚ի բնութենէս և արկածէ ՚ի մեզ. և որ մեղանչէ ոչ ըստ բնութեան, այլ արտաքոյ բնութեան: Ապա թէ ոչ, վասն է՞ր դատապարտէ Աստուած զմեղաւորն, արդարադատ թագաւորն: Այլ վասն տանջանաց մատնէ զմեղաւորն, զի հակառակ Աստուածադիր բնութեան գործեաց: Ապա յայտէ, թէ չարն ոչ է բնութիւն ՚ի մեզ. և բնութիւնն ոչ մեղանչէ, այլ չարն մեղանչէ:

32

Երեսուներորդեւերկրորդ Կարց. Զի՞նչէ որ ասէ. Եւ որ ոչն մեղանչէ, ոչ է ընդ բամբասանօք:

Պատասխանի. Այսինքն թէ չարն բնութեամբ էր ՚ի մեզ յայն

ժամ որ ոչ մեղանչէր բամբասելոյ լինէր: Թէ հակառակէ բնութեան գործոյն, այլ զի բնութիւնս անմեղէ և բարի, և զբարին տայ գործել մեզ: Վասն որոյ որ ոչն մեղանչէ, ոչ է ընդ բամբասանօք: Այլ այնէ բամբասանօք, որ հակառակ անմեղ բնութեանն իւրոյ գործէ զչարն, որ օտարէ իւրոյ բնութեան: Եւ տես զի և անօրէնք զբարեգործ մարդն գովեն, այսինքն՝ զկուսանան և զճգնաւորսն և զպարկեշտսն:

Եւ դարձեալ զի ՚ի քաղաքական օրէնս պատուհասեն զչարսն և մահու մատնեն, զի հակառակ գործեն բարի բնութեանս: Վասն որոյ ասէ Արիստոտէլ, թէ գովելի են գեղեցիկքն, և պարսաւելի են դարչելիքն: Վասն որոյ ասէ՝ որ ոչն մեղանչէ, ոչ է ընդ բամբասանօք, այլ և գովուեաց և պատուոյ են արժանի:

33

Երեսուներորդերորդ Կարց. Զի՞նչէ որ ասէ. Եւ ընդ բանբասանօքէ սատանայ:

Պատասխանի. Այսինքն նախ զի բարի ստեղծաւ յԱստուծոյ և յաստոյ չարացաւ:

Երկրորդ՝ զի զհակառակն բնութեան իւրոյ գործեցաւ:

Երրորդ՝ զի հակառակ արարչին իւրոյ եղև:

Չորրորդ՝ զի լոյս էր իսաւար եղև:

Հինգերորդ՝ զի զհանգիստն ետ և զանանց չարչարանսն ընտրեաց:

Վեցերորդ՝ զի ոչ թէ յայլմէ բռնադատեցաւ չար լինել, այլ կամաւ զչարն ընտրեաց:

Եօթերորդ՝ զի ոչ թէ միայն ինքն կորեաւ, այլ ցանկայ զամենայն ոք ապականել:

Ութերորդ՝ բանական գովով այնքան անբանեցաւ, որքան զանբան անասունս այլ վատթար գտաւ, զի ամենայն անասունք զօգուտն իւրեանց ընտրեն, իսկ նա զչարչարանս և զկորուստն իւր ընտրեաց: Եվ վասն նոցա ասեն, թէ ոգիք ըմբռնեալք ՚ի մեղս

ի մտաց ևս ականին:

Իններորդ՝ զի գիտէ, թէ որքան զայլս ՚ի չարիս արկանէ, նոյնքան թուով և իւր չարչարանքն յաւելու յանշէջ հուրն, այլ ջանայ յամենայն օր յաւելուլ ՚ի չարչարանս իւր:

Տասներորդ՝ զի զայս ամենայն գիտելով անզեղջէ և անխոչ-իման ՚ի չարէն:

Մետասաներորդ՝ զի զայսքան ժամանակս թոյլ ետ Աստուած նմա՝ մի թէ զղջացի, և չէ փոյթ նմայ:

Երկուտասաներորդ՝ զի զայս ամենայն չարիս արարեալ դեռևս քաղցրութեամբ խօսէր ընդ նոսա, և ոչ զղջացան, որպէս յայտ է զի ասէր առ Յոբաւ ընդ սատանայ. «Եւ դու ուստի գաս»: Եւ դարձեալ ասէր քաղցրութեամբ. «Մի՞թէ հայեցար ՚ի ծառայն իմ Յօբ»: Եւ դարձեալ ասէր. «Տէսէ՞ր զծառայն իմ Յօբ»: Եւ զայս ամենայն բարութիւն և զքաղցրութիւնս տեսեալ անդարձ մնաց ՚ի չարէն իւրմէ:

Երեքասաներորդ՝ զի տեսին, որ Աստուած լսող լինէր նոցա և ոչ աղաչեցին ազատել զինքեանս ՚ի չարեաց իւրեանց: Եվ յայտ է զի լսէր նոցա Աստուած:

Նախ զի յորժամ խնդրեցին յԱստուծոյ տալ զՅօբ ՚ի փորձութիւն, լուաւ նոցա և ետ ՚ի ձեռս նոցա:

Եւ դարձեալ խնդրեցին այլ նոր փորձութիւնք տալ Յօբայ, այսինքն՝ որդունք և թարախ մարմնոյն, սոյնպէս և լուաւ նոցա, միթէ այն միովն որասցցէ զնոսա ՚ի փրկութիւն, և ոչ դարձան անդարձքն ՚ի չարիս:

Դարձեալ լինի երրորդ խնդիրք, զի ՚ի Քրիստոսէ խնդրեցին, և լուաւ նոցա: Նախ զի աղաչեցին, թէ հրաման տուր մեզ մտանել ՚ի խողքն, և կատարեաց զխնդիրքն:

Երկրորդ՝ զի աղաչեցին զՔրիստոս ասելով. «Աղաչեմք զքեզ, Յիսուս, Որդի բարձրելոյ, մի յառաջ քան զժամանակն տանջեր զմեզ»: Եւ կատարեաց զխնդիրն նոցա: Եւ որ այսքան աղաչանաց լսեաց նոցա և թէ այլ իմն մեծագոյն խնդիրս էին խնդրեալ՝ և լսէր նոցա: Եվ յորժամ զայն ամենայն քաղցրութիւնն տեսեալ ան-

զեղջ մնացին, վասն որոյ ասէ. «Ընդ բամբասանօք է սատանայ»:

Յաղագս որոյ ասէր Տէրն. «Որդիք աշխարհիս այսորիկ իմաստնագոյնքեն յազգս իւրեանց քան զորդիս լուսոյ»: Զի բազում մեղաւորք և մաքսաւորք դարձան առ Քրիստոս: Իսկ նոքա որ զայս ամենայն քաղցրութիւնս տեսին և անդարձ մնացին ՚ի չարն, վասն որոյ ասէ՝ և ընդ բամբասանօք է սատանայ:

Հարց. Զի՞նչէ որ ասէ. Ով ոք անեղ ստորագի ճշմարտապէս և ինքն է չար:

Պատասխան. Որ զերկուս սկզբմունքն ասիցցէ, եթէ երկու են անեղ՝ մեկ բարին Աստուած և մեկ չարն սատանայ, որպէս Մանիքոս ասաց. նայ ճշմարտապէս ինքնէ չար, որ զայսպիսի չար հերձուածս խօսի:

Եւ դարձեալ որ ասէ. թէ չարն առանց մեր մեղանչելոյ զնա գործելով գոյ չարն ՚ի բնութիւնս մեր: Եվ որք մեղանչեն, ՚ի բնութեանն հարկէն մեղանչեն, զի բնութիւնս մեղանչականէ: Այնպիսին ինքն է չար ըստ ախորժակաց կամաց իւրոց և ըստ կուրութեան մտաց իւրոց. զի ոգիք ըմբռնեալք ՚ի մեղս ՚ի մտաց ևս անկանին: Վասն որոյ ասէ. «Ով ոք անեղ ստորագէ ճշմարտապէս և ինքն է չար»:

Եւ վասն այսքան պատճառացս ասաց, թէ ամենայն չար տանջելի:

Որոց և զմեզ փրկեսցէ մարդասերն Քրիստոս ի դառն դժոխոց և տանջանաց. ամեն:

Կատարեցաւ քաղուածոյս Սահմանացս գրոցս ՚ի փառս Քրիստոսի Աստուծոյ մերոյ:

Աւրհնելոյն յաւիտեանս ամէն. եղիցի՛, եղիցի՛:

Փառք ամենասուրբ Երրորդութեանն և միոյ Աստուածութեանն Հօր և Որդւոյ և Հոգւոյն Սրբոյ. Ամէն:

Դավիթ անհաղթ կամ Դավիթ ներգինացի: Կոչվել է նաև Դավիթ եռամեծ և Անհաղթ Փղիխոփա: Եղել է Սահակ Պարթևի ու Մեսրոպ Մաշտոցի առակերտը:

Ենթադրվում է, որ ծնվել է 590 թ. և վախճանվել է 660 թ., Տարոնի գավառի Ներգին գյուղում: Ըստ ավանդությունների՝ Մովսես Խորենացու քրոջ որդին է և աշակերտը:

Մեր մեծագույն թարգմանիչներից մեկն է: Թարգմանել է իմաստասիրական մի ամբողջ մատենաշար: Ուսանել է Ալեքսանդրիայում: Հելենական ուսմամբ գերազանցել է բոլորին: Իր իմաստասիրությունամբ և աստվածասիրությունամբ անխտիր փալել է թե՛ Հայերի և թե՛ Հույների մեջ: Հավասարապես գրել է և՛ Հայերեն և՛ Հունարեն:

Իր կենդանություն օրոք ենթարկվել է Հալածանքների, իսկ մահվանից հետո անարգել են նրա հիշատակը և նույնիսկ գերեզմանը:

Վերջին շրջանի որոշ գիտնականների կողմից կասկածի տակ է առնվել նրա Հայ և նույնիսկ քրիստոնյա լինելը:

Ներսես Գ Շնորհալի [Կլայեցի] 1102-1173 թ.: Կաթողիկոս Ամենայն Հայոց՝ 1166-1173 թթ.:

Սերում է Պահլավունիների իշխանական տոհմից: Այս ընտանիքից յոթ կաթողիկոսներ են սերել: Դաստիարակությունն ստացել է Տավրոս լեռներում գտնվող Կարմիր վանքում, Ստեփանոս Մանուկ վարդապետի մոտ:

Նրա եղբայրը՝ Գրիգոր Գ Պահլավունին, 20 տարեկանում կաթողիկոս է օծվել:

18 տարեկանում քահանա է ձեռնադրվում ու իր եղբոր օգնականն ու գործակիցը դառնում: Ապա 30 տարեկանում դարձել է Մամեստայի եպիսկոպոս, բայց մշտապես մնացել է Ծովքի Հայրապետանոցում, ապա Հռոմկլայում, ուր հետագայում, 1149 թ., փոխադրվել է կաթողիկոսարանը: Ծերունագարդ գրիգոր կաթողիկոսն իր ձեռքով կաթողիկոս է օծել 64-ամյա Ներսես եպիսկոպոսին:

Զբաղվել է Հայ և Հույն Եկեղեցիների վիճահարույց Հարցե-

րով, որի համար բազմաթիվ ժողովներ է գումարել և երկար թղթակցություններ ունեցել Հունաց կայսեր ու նրա ներկայացուցիչների հետ: Ներսես կաթողիկոսի մահով, 1173 թ., դադարել են այս քննարկումները:

Հեղինակ է բազմաթիվ հոգևոր գրքերի: Հայ եկեղեցու ամենանշանավոր ու սիրելի դեմքերից է: Դասվել է Հայ եկեղեցու սրբերի շարքը: Մինչև Հայոց Մեծ Եղեռնը նրա գերեզմանն ուխտատեղի է եղել անգամ օտարների համար:

Առաքել Սյունեցի, քեռորդի և աշակերտ Գրիգոր Տաթևացու, վարդապետ և ապա արքեպիսկոպոս Սյունաց աշխարհի, վանահայր Տաթևի վանքի: Ստացել է նաև Որոտնեցի մականունը:

ԺԵ դարի նշանավոր մատենագիր և տաղասաց: Հիշատակվում է միջնադարի Հայ դպրություն ամենաակնառնավոր ու երախտաշատ ուսուցիչների շարքում:

1422 թ. հեռացել է Տաթևի վանքի վանահայրությունից ու Սյունաց Աթուրից և անգեղակոթում գբաղվել մատենագրությունամբ:



ԲՈՎԱՆԴԱԿՈՒԹՅՈՒՆ

Նախաբան	5
Նախերգանք Դավիթ Անհաղթի Սահմանումների գրքի մասին	8
Ներսես Չայոց Կաթողիկոսի խոսքը	9
Առաքել Սյունյաց եպիսկոպոսի խոսքի տեսությունը	11
Ի՞նչը հարկադրեց փիլիսոփային գրել այս	13
Ի՞նչ է բարին, կամ ի՞նչ է չարը	15
Ո՞րն է չարության պատճառը	16
Ինչո՞ւ Աստված թույլ տվեց, որ չարը լինի	18
Ամբողջ չարը տանջանքի ենթակա է	21
Ոչ մի տանջված անապական չէ	22
Անեղն ապականելի չէ	23
Չարն ապականելի է	23
Չարն անեղ չէ	24
Ոչ ոք բնությամբ չար չէ	24
Չարագործություն է ոչ ոքի գոյության չձեռնարկելը	28
Միմյանց դիմակայող բոլոր չարերը միմյանց ապականիչ են	29
Անեղ ոչինչ փոփոխելի չէ	30
Բարին անեղ չէ	30
Անեղը որևէ մեկի ապականությունը ցանկացող չէ	31
Չարն անեղ չէ	33
Աստվածաշունչը տանջանքների է մատնում չարերին	33
Տանջանքների ամեն մատնված այլայլելի է	39
Անեղ ոչ ոքի չի այլայլվում	39
Չարից ոչինչ անեղ չէ	40
Ովքեր բոլորովին ընդդիմանում են	41
Ինչ որ մեկի մեջ գոյացել է, մյուսի մեջ չի գոյանում	41
Անեղ լինելով՝ բարությունը գոյացյալ է	42
Եթե չար են, ապա սրանից ոչինչ չի գոյանա՝ բացի չարությունից	47
Ամեն ոք, իրավացիորեն փափագում է	48
Եթե ապականում է, ապա ինքն էլ է ապականվում	49

Ապականվածն էլ անեղ չէ	50
Եթե չարությունն անեղ լիներ	51
Բնությամբ ոչ ոք չի մեղանչում	51
Չարը մեղանչում է	52
Ով չի մեղանչում, բամբասանքի ենթակա չէ	53
Սատանան բամբասանքի ենթակա է	53
Դավիթ Անհաղթի Իմաստասիրական սահմանումները	58
«Ամենայն չար տանջելի» -ի գրաբար թմազիրը	60
Դավիթ Անհաղթ	92
Ներսես Շնորհալի	91
Առաքել Սյունեցի	92

Թարգմանությունը և ընդհանուր խմբագրությունը՝

Արամ Դիլանյանի

Խմբագիր՝

Գրիգոր Դարբինյան

Սրբագրիչ՝

Վոլոդյա Աբրահամյան

**Հայ Առաքելական Սուրբ Եկեղեցու Քրիստոնեական
Դատարարականության և Քարոզչության Կենտրոնի
Հրատարակչություն**

ՄԱՅՐ ԱԹՈՒ ՍՈՒՐԲ ԷԶՄԻԱՄԻՆ ՏՊԱՐԱՆ

